



資治通鑑綱目卷之十八

起乙丑晉惠帝永興二年凡十四年
盡戊寅晉元帝太興元年

二年 漢元熙 夏四月張方復廢羊后

書法


羊氏於是三廢矣先是廢與復皆書皇后羊氏此其直書羊后何畧之也曷為畧之後有書漢立妃羊氏為后者此其人也故畧之終綱目書后為臣所廢者三魏張氏晉賈氏羊氏未有三黜如羊氏矣者

○秋七月東海王越自領徐州都督傳檄討張方

東海中尉劉洽以張方劫遷車駕勸東海王越討之越傳檄山東糾率義旅迎天子還舊都徐州長史王脩說刺史東平王楙以州授之越乃以司空領徐州都督楙自為兗州刺史於是范陽王虓及王浚等共推越為盟主越輒選置刺史

質實

東海國名注見秦始皇二世二年彭



城東平國名注見漢獻帝興平元年范陽國名注見漢帝玄更始二年涿郡

成都故將公師藩寇掠趙魏

成都王穎既廢河北人多憐之其故將公師藩等自稱將軍起兵趙魏衆至數萬初上黨武鄉羯人石勒有膽力善騎射并州大饑東嬴公騰執諸胡於山東賣充實勒亦被掠賣為在平人師權奴權奇其狀貌而免勒乃與牧帥汲桑結壯士為群盜及藩起桑與勒帥百騎赴之桑始命勒以石為姓勒為名藩攻陷郡縣轉前攻鄴范陽王樞遣**集覽**注公師復姓也羯人石勒漢書其將苟晞擊走之武鄉羯室因號為案載記石勒字世龍初名鴟軍實謂車徒器械芻糧之類在平漢地志泰山有在縣在通作在仕疑及今博州在平縣地案博州**正誤**物師今按通今東昌府是牧帥渭北馬牧之主帥**鑑**本文石勒賣為在平人師權奴權家隣於馬牧勒與牧帥汲桑為盜及公師藩起兵趙魏桑等赴之在平屬冀州在山東有牧苑河以為**實實**上黨郡名注見周赧王五十三年渭北之牧帥也武鄉縣名注見元帝太興四年一

統志云在平秦之縣名屬東郡漢因之東漢屬濟北國三因魏屬平原郡晉未始治聊城縣界與利鎮後齊廢入聊城唐武德間復置貞觀初省金時劉豫復置元仍舊本朝因之改屬東昌府苟晞山陽人

書法

凡書故將子義也此其書寇何成都將也寇藩所引寇穎也是故楚逆賊也利幾以楚故將書矣終綱目書故將七詳漢高帝五年惟利幾公師藩非予辭

八月東海王越范陽王虓發兵西豫州刺史劉喬拒之太

宰顛遣張方助喬冬十月襲虓破之

東海王越留琅邪王睿以平東將軍監徐州軍事守下邳睿請王導為司馬委以軍事越帥甲卒三萬西屯蕭縣范陽王虓自許屯于滎陽越承制以豫州刺史劉喬為冀州使虓領豫州喬以虓非天子命發兵拒之虓以劉琨為司馬越以劉蕃為淮北護軍劉輿為潁州太守喬上尚書列輿兄弟罪惡因引兵攻虓於許遣其子祐

拒越於靈壁東平王樹在兗州徵求不已郡縣不堪命
山東兵起甚懼表成都不從顯得喬上事下詔稱劉輿脅
詔越等各就國越等不從顯得喬上事下詔稱劉輿脅
以張造逆其令鎮南將軍劉弘征東將軍劉準與石超等據
河橋為喬繼援弘遣喬及越書使解怨釋兵同獎王室
皆不聽弘又上表曰自頃兵戈紛亂構於群王翻其反
而互為戎首載籍以來猛虎交鬪自效於今者也謂宜
四夷乘虛為變此亦猛虎交鬪自效於今者也謂宜
速詔越等令兩釋猜疑各保分局自今有擅與兵馬者
天下共伐之時顯方拒關東倚喬為助不納喬乘虛襲
許破之現輿及虓俱犇河北弘以張方
殘暴知頴必敗乃帥諸軍受越節度
集覽 蕭漢地志
縣括地志云徐州蕭縣古蕭叔國春秋為宋附庸上尚
書劉喬封上劉輿兄弟罪惡於尚書省靈壁孟康曰故
靈壁小城在彭城南括地志云故城在徐州符離西北
九十里今宿州靈壁縣是載籍竹簡也以之記載故曰
載籍猛虎交鬪自效於今者也謂宜
子也史記陳軫傳秦惠王曰今韓魏相攻救之便勿救

便陳軫對曰卞莊刺虎聞於王者乎莊子欲刺虎館賢
子止之曰兩虎方且食牛食甘必鬪鬪則大者傷小者
死從傷而刺之一舉必得雙虎莊子然之有頃二虎果
鬪大傷小死莊子從傷者刺之果有雙虎之功今韓魏
相攻是必大國傷小國亡從傷而伐之一舉必
有兩實今劉弘謂群王與兵猶猛虎交鬪也
質實 邳
縣名注見漢高帝六年蕭縣注見漢帝玄更始二年許
縣名注見漢獻帝建安元年許昌榮陽縣名注見秦莊
襄王九年劉喬南陽人劉琨中山魏昌人一統志云靈
壁漢之縣名屬沛郡晉屬雕州隋陞為虹州唐初改虹
縣後廢為零壁鎮宋元祐初改鎮為縣政和中改零壁
曰靈壁屬宿州元省入泗州後復置靈壁縣屬宿州
本朝因之改屬鳳陽府劉弘沛人許昌縣名注見
漢獻帝建安元年豫州注見周赧王三十七年陳

有星孛于北斗○十一月將軍周權矯詔立羊后事覺伏

誅

於是人宰顯矯詔赦留臺賜后死司隸校尉
劉暉上奏固執得免顯欲收暉暉犇青州
質實 劉暉

毅之子青州注見
漢桓帝永康元年

書法

羊后為臣所廢則立之正也書伏誅何矯詔也
綱目書矯多矣然皆事成者也綱目僅得以矯

書之示民有君而已未有以見矯之當誅也於是周
權矯詔而敗然後綱目正名其罪書曰伏誅所以明

矯詔之罰為後世戒使知
凡書矯者皆當誅者也

發明

羊后廢不以罪則復之者正也然周權事覺乃
以伏誅書之何哉皇后天下之母也權以偏校

乃欲矯詔立之非
其義矣不誅何待

十二月成都王穎據洛陽○范陽王虓自領冀州刺史擊

穎將石超斬之劉喬衆潰

劉琨說冀州刺史溫羨使讓位於范陽王虓虓遣琨乞
師於王浚遂引兵濟河擊斬石超於滎陽東迎越又擊
劉祐於譙殺之
質實 溫羨太原祁人恢之孫譙縣
名注見漢獻帝建安十四年

東海王越進屯陽武王浚遣將祁弘將兵助之

質實

陽武縣名

一 沛見秦始皇十九年

討破之

初敏既克石冰自謂勇畧無敵遂據歷陽以叛吳王常
侍其卓棄官歸敏為子景娶卓女使卓假稱皇太弟令

拜敏揚州刺史又使錢端等南畧江州弟斌東畧諸郡
遂據江東以顧榮為右將軍賀循為丹陽內史周玘為

安豐太守豪傑名士咸加收禮循狎狂得免玘亦稱疾
敏疑諸名士不為己用欲盡誅之榮曰將軍神武不世

若能委信君子散蕪芥之嫌塞讒諂之口則上方數州
可傳檄而定不然終不濟也敏乃止太宰顓以張光為

順陽太守帥步騎討敏劉弘遣江夏太守陶侃屯夏口
又遣南平太守應詹督水軍以繼之侃與敏同郡又同

歲舉吏或謂弘曰侃脫有異志則荊州無東門矣弘曰
侃之忠能吾得之已久必無是也侃聞之遣子洪詣弘

以自固弘引為參軍資而遣之曰匹夫之交尚不負心
况大丈夫乎敏遣陳恢寇武昌侃禦之以運船為戰艦

或以為不可侃曰用官船擊官賊何為不可侃與恢戰
屢破之又與皮初張光共破錢端於長岐或說弘曰張
光太宰腹心公既與東海宜斬光以明向背弘曰宰輔
得失豈張光之罪危人自安君子弗為也乃表光勲乞

集覽

帶芥之嫌賈誼賦細故帶芥顏師古曰帶芥刺
擢也郭璞云不帶芥言

質實

歷陽縣名注見漢冲帝永
嘉元年一統志云顧榮吳

郡人雍之孫賀循晉陽人周玘陽羨人處之子順
陽漢之縣名屬南陽郡晉置順陽郡治此隋廢之故城

在南陽府內鄉縣順陽堡南平晉之郡名本漢孱陵縣
地屬武陵郡建武間置作唐縣晉置郡治此陳又析置

安鄉縣為義陽郡治隋改作唐曰孱陵與安鄉俱屬澧
州唐以孱陵省入安鄉宋元仍舊本朝因之改屬岳

州府應詹南頓人瑒之弟瑒之曾孫甘卓
州陽人安豐郡名注見漢光武建武七年

漢離石大饑

質實

一統志云離石戰國趙之邑名秦屬太
原郡漢置離石縣屬西河郡東漢郡徙

治此晉改為西河國後趙改永石郡後魏廢為離石鎮北
齊置昌化縣及懷政郡兼置西汾州後周改西汾為石州

又改郡及縣曰離石隋初郡廢大業初州廢復置離石郡
唐復改石州天寶初為昌化郡乾元初復為石州本朝

以離石縣省入
改屬太原府

丙寅

光熙元年漢元熙三年 ○春正月朔日食 ○太宰顓殺張

方成都王穎奔長安

東海王越之起兵也使人說太宰顓令奉帝還洛約與
分陝為伯顓欲從之張方自以罪重恐為誅首謂顓曰

今據形勝之地國富兵彊奉天子以號令誰敢不從柰
何拱手受制於人顓乃止及劉喬敗顓懼欲罷兵恐方

不從乃誘方帳下督郵輔使殺方送首於越以請和越
不許遣祁弘等帥鮮卑西迎車駕宋肅等進逼洛陽穎

奔長安 **集覽** 分陝為伯漢地志弘農有陝縣唐為陝州伯
安諸侯之長也分陝事注見太安元年依周召

法質實

頭縣名注見周
法不書誅不予顓以

書法

討也方之罪顓為之

發明

張方一死不足以盡其罪蓋正王誅然在顯則

亂殘虐屠戮廢儲后劫天子者誰實使之然哉及事窮勢蹙乃誘其帳下使殺之是豈得為天討耶夫亂

臣賊子法所當誅若已使之已殺之則亦君子之所

不予况顯實非能殺張方以正其罪止欲借方首以

求成於越耳故特書顯殺以表之所以見方固當誅

而非顯之所得誅也若槩以書殺論之則失其旨矣

三月五苓夷寇寧州刺史李毅卒

寧州頽歲饑疫五苓夷疆盛遂圍州城李毅病卒文秀

明達有父風衆推領州事秀獎厲戰士嬰城固守城中

糧盡免鼠拔草而食之伺**質實** 寧州注見漢武帝元

夷稍怠輒出兵掩擊破之符元年李毅郵人

夏四月東海王越進屯温遣祁弘入長安奉帝東還

太宰顯遣兵拒祁弘等於湖弘擊破之遂西入關又敗

其兵於霸水顯單馬逃入太白山弘等入長安所部鮮

卑大掠殺三萬餘人百官奔散入山中拾橡實食之弘

等奉帝乘牛車東還關中皆服於東海王越顯保城而

已集覽

湖注見漢武帝征和二年太白山唐志鳳翔府

南隸鳳翔山北隸真符南去長安三百里橡實橡柎實

也荏子狙公賦芋成玄英疏云芋橡子也似栗而小

質實 一統志云太白山在鳳翔府郿縣東南

四十二里霸水注見秦王政二十二年

六月至洛陽復羊后○成都雄稱成皇帝

雄即帝位國號大成追尊父特曰景皇帝初范長生請

成都雄門迎執板拜為丞相尊之曰范賢至是以為天

地太師時諸將恃恩互爭班位尚書令**集覽** 執板按漢

閻式請考漢晉故事立百官制度從之書注板詔

秋七月朔日食○八月以東海王越為太傅錄尚書事范

陽王越為司空鎮鄴

越以庚鼓為軍諮祭酒胡毋輔之為從事中郎郭象為

主簿阮參為行參軍謝鯤為掾鼓等皆尚虛玄不以世

務嬰心縱酒放誕毀殖貨無厭象
薄行好招推越皆以其名重辟之
集覽 庾敞姓名
敞五來反

庾敞穎川人胡母輔之泰山人郭象河
南人阮脩陳留尉氏人謝鯤陽夏人

荊州都督新城公劉弘卒

時天下大亂弘專督江漢威行南服事成則曰某人之
功如敗則曰老子之罪每有興發手書守相丁寧款密

人皆感悅爭赴之咸曰得劉公一紙書賢於十部從事
事辛冉說弘以從橫之事弘怒斬之至是卒謚曰元

覽 得劉公一紙書賢於十部從事賢猶言勝也部從事
都督屬官秩百石先是每有興發必敕部從事分行

所屬催督唯劉弘則以手書徵之無擾而易集
故云賢也王導常敕入部從事行揚州郡國

郡名注見漢獻帝建安
安二十四年房陵

九月頓丘太守馮嵩執成都王穎送鄴兖州刺史荀晞擊

斬公師藩冬十月范陽王虓卒長史劉輿誅穎

祁弘之入關也成都王穎自武關奔新野會劉弘卒司
馬郭勳作亂欲奉穎為主不克而誅遂北濟河收故將

士欲赴公師藩頓丘太守馮嵩執送鄴范陽王虓幽之
而荀晞亦擊斬藩十月虓卒長史劉輿以穎素為鄴人

所附偽稱詔賜死穎官屬皆先逃散惟盧志不去至是
收而殯之太傅越召為軍諮祭酒越又將召輿或曰輿

猶臆也近則汚人及至越疎之輿密視天下兵簿及倉
庫牛馬器械水陸之形皆默識之每會議應機辨畫越

傾膝酬接即以左長
史軍國之務悉以為委之

質實 武關注見周赧王四年頓
丘郡名注見漢武帝元光

於是劉輿矯詔不書書誅
重罪穎也反賊人得誅之

十一月帝中毒崩太弟熾即位尊皇后曰惠皇后立妃梁

氏為皇后

帝食麴中毒而崩或曰太傅越之鴆也羊后自以於太
弟熾為嫂恐不得為太后將立清河王覃侍中華混露

年三

板駢告太傅越召太弟入宮即帝位尊后曰惠皇后居
弘訓宮懷帝始遵舊制於東堂聽政每至宴會輒與群
臣論衆務考經籍黃門侍郎傳集覽露板注見齊武
宣歎曰今日復見武帝之世矣帝永明六年

發明

嗚呼人莫知其子之惡莫知其苗之碩故必有
堯舜之聰明乃能知之朱均之不肖舉天下而授

皆知之禹此二帝所以為萬世之聖人也晉惠庸愚人
使禍亂交作四海崩網目於惠帝之事初無貶詞

然今年書載太后明年書殺太子又明年書遷帝于
金墉書廢皇后太子至於又奉帝討張方也越奉帝

征頴也張方遷帝長安也邗弘奉帝討張方也越奉帝
書于冊於此見晉惠之為君動輒制於他人之手如

嬰兒玩弄於股掌之上欲東而東欲西而西莫適為
主特一木偶人而已是以始焉不保母后次焉不保

妻子終焉不保其身是皆庸愚之故也夫以漢質帝
之幼冲食餅中毒尚能急召大臣了了言之故綱目

得以正梁冀之誅今晉惠歷年許久乃莫能一言故
雖或者以為越之所為然綱目不明其故直以中毒

書之蓋欲使後人知其庸繆雖其身之大禍且莫能

知所以戒有國者置嗣不可不謹賢
愚不可不察此聖人公天下之道也

十二月朔日食

書法

於是一歲三食世道何如哉綱目書一歲再食
二十有五詳漢初丁酉年一歲三食千三百六

十一年一
書而已矣

○南陽王模誅河間王顥

太傅越以詔徵顥為司徒顥
就徵模自許昌遣將邀殺之

書法

於是詔徵顥模要殺之
不書書誅重罪顥也

發明

顯頴煽禍天下傾覆故
雖假手於人皆正其誅

質實

許昌縣名注見漢
獻帝建安元年

堊太陽陵

質實

一統志云太陽陵在
河南府洛陽縣境內

○以劉琨為并州刺

史

劉興說太傅越遣琨鎮并州以為北而徙東羸
公騰鎮鄴越從之琨至上黨騰即自并陘東下時并州
饑饉數為胡寇所掠吏民萬餘人悉隨騰就穀冀州號
為乞活所餘戶不滿二萬寇賊縱橫道路斷塞現募兵
上黨得五百人轉關而前至晉陽府寺質實并州注見
災毀邑野蕭條現撫循勞徠流民稍集質實并州注見
四年并陘縣名注見秦王政十八年冀州注見秦二世
二年信都國王黨郡名注見周赧王五十二年晉陽郡
名注見周威烈王二十三年

孝懷皇帝永嘉元年漢元熙四年春二月群盜王彌寇青徐

初拉令劉柏根反王浚討斬之其長史王集覽按縣名
彌遂為群盜至是寇青徐殺東萊太守音堅又
音弦字或從心刊誤也漢地質實一統志云按古按侯
志東萊有掖縣古掖侯國質實國之邑名春秋戰國
俱屬齊秦屬齊郡漢置掖縣屬東郡晉宋仍舊北
齊省之故城在登州府黃縣南一百二十五里

三月陳敏將顧榮周玘殺敏以降

陳敏刑政無章子弟凶暴顧榮周玘等憂之廬江內史
華譚遺榮等書曰陳敏盜據吳會命危朝露今皇輿東
返俊彥盈朝將舉六師以清建業諸賢何顏復見中州
之士邪榮等素有圖敏之心及見書甚慙密遣使報征
東將軍劉準使發兵臨江已為內應剪髮為信準遣揚
州刺史劉機等討敏敏使其弟景將兵屯烏江宏屯牛
渚玘密使敏司馬錢廣殺景因勒兵朱雀橋東敏遣甘
卓討廣榮慮敏疑之故往就敏敏曰卿當四出鎮衛豈
得就我邪榮乃出與玘共說卓曰敏既常才政令反覆
其敗必矣矣而吾等安然受其官祿事敗之日使江西諸
軍亟首送洛頽曰逆賊顧榮甘卓之首此萬世之辱也
卓遂詐稱疾迎女斷橋收船南岸與玘榮及紀瞻共攻
敏敏自帥萬餘人討卓軍人隔水語敏眾曰本所以戮
力陳公者正以顧丹陽周安豐耳今皆異矣汝等何為
敏眾狐疑未決榮以白羽扇麾之眾皆潰去敏單騎走
追斬之夷三族傳首京師詔徵顧榮為侍中瞻為尚書
郎太傅越辟玘為參軍榮等集覽烏江注見漢高帝五
至徐州聞北方愈亂逃歸質實年朱雀橋金陵覽古
曰晉孝武建朱雀門上有兩銅雀質實廬江郡名注見
故橋亦以此得名去烏衣巷不遠漢景帝五年一

統志云吳會郡名世稱吳門為吳會謂其地本吳會稽二郡也又注見漢獻帝建安十二年牛渚注見武帝太康元年朱雀橋在應天府南烏衣巷口錢廣義興人紀瞻丹陽秣陵人

書法 敏嘗書討矣於是斬之則其不書誅何顧周不身從敏今而殺之僅足以自贖耳固不可予之以討也書曰陳敏將顧榮周玘其為失身者之戒凜凜矣然則東越亦從反者既而誅凜則何以書誅越夷也網目不治夷狄而責備賢者不治夷狄故書越人誅凜以開自新之塗責備賢者故書敏將殺敏以示失身之戒

西陽夷寇江夏

西陽夷寇江夏太守楊珉請督將議之諸將爭言方畧騎督朱伺獨不言珉曰將軍何以不言伺曰諸人以舌擊賊伺惟以力耳珉又問將軍前後擊賊何以常勝伺曰兩敵共對惟當忍之彼不能忍我能忍是以勝耳珉善之

集覽

西陽今黃州是秦置南郡漢屬江夏晉為西陽國宋為西陽郡齊分西陽郡漢屬江夏晉為西陽

賈實

一統志云西陽古地名春秋時屬黃國後屬楚楚邾縣地屬江夏郡三國時魏為重鎮後屬吳晉屬弋陽郡又析置西陽國東晉以邾城為豫州治所宋為西陽郡南齊分置齊安郡北齊兼置衡州陳罷州後周復置隋改為黃州大業初改永安郡唐初復置黃州天寶初改永安郡乾元初復為黃州並治黃岡縣中和初徙治邾城宋遷州治江濱今府治是也元為黃州路隸河南行省本朝改為黃州府屬湖廣道

立清河王暉弟詮為皇太子○太傅越出鎮許昌

帝親覽大政留心庶事越不悅固求出藩

書法

於是越固求出鎮帝從之不書詔越書越出鎮是故太傅越專則書太傅越出鎮許昌徐溫專則書徐溫出鎮潤州綱目之筆削嚴矣哉終綱目書出鎮

四後梁乙亥年惟劉裕上書以無譏焉

以南陽王模都督秦雍等州軍事

考異 提要無等 ○夏五

月群盜汲桑石勒入鄴殺都督新蔡王騰復攻兖州太傅

越遣荀晞討之

公師藩既死汲桑逃還苑中更聚衆聲言為成都王報仇以石勒為前驅所嚮輒克遂進攻鄴時鄴中空竭而

新蔡王騰資用甚饒性吝嗇無所振惠臨急乃賜將士米各數升帛各丈尺以是人不用桑遂入鄴殺騰燒

宮大掠而去南擊兖州太傅越使荀晞等討之

質實 新

勒晞等相持數月大小三十餘戰互有勝負

書法

書入書殺易辭也無備甚矣然則何以書都督盜

得入而殺馬有愧斯名多矣

秋七月以琅邪王睿為安東將軍都督揚州諸軍事鎮建

業

睿至建業以王導為謀主推心親信每事咨焉睿名論素輕吳人不附居久之士大夫莫有至者會睿出觀襖

導使睿乘肩輿具威儀導與諸名勝皆騎從紀瞻顧榮等見之驚異相帥拜於道左導因說睿曰顧榮賀循此

士之望宜引之以結人心二子既至則無不來矣睿乃使導躬造之循榮皆應命以循為吳國內史榮為軍司

加散騎常侍凡軍府政事皆與之謀又紀瞻為軍祭酒卞壺為從事中郎周玘劉超張闓孔衍皆為掾屬導

說睿謙以接士儉以足用以清靜為政撫綏新舊故江東歸心焉睿初至頗以酒廢事導以為言睿命酌引觴

覆之於**集覽** 名論名譽議論也襖注見漢

此遂絕**質實** 卞壺濟

荀晞擊汲桑石勒大破之桑走死勒降漢

荀晞追擊汲桑破其八壘死者萬餘人桑奔馬牧為人

所殺石勒奔樂平太傅越加晞都督青兖諸軍事晞屢

破疆寇威名甚盛善治繁劇用法嚴峻其從母依之奉
養甚厚其子求為將晞不許曰吾不以王法貸人將無
後悔邪固求之乃以為督護後犯法晞杖節斬之從母
叩頭救之不聽既而素服哭之曰殺卿者兖州刺史哭
弟者苟道將也胡部大張督等擁眾壁于上黨石勒
往從之因說督督等與俱歸漢漢王淵以勒為護漢將
軍平**集覽**馬牧地名在渭北樂平今太原平定州樂平
晉王**集覽**縣是括地志云樂平縣城漢治縣城也道將
苟晞表字胡部大張名督音胡部胡虜**正誤**馬牧今按說
之部大張名督音胡部胡虜**正誤**見前胡部大
張督督今按大首長上声也胡人一部之長**質實**志一統
呼為部大張氏後第二十卷有南羅大**質實**志一統
樂平漢之縣名屬東郡東漢省之故城在東昌府堂邑
縣東南三十里後趙及桑石勒與晉苟晞戰於平原陽
平間為晞所敗桑奔
馬牧勒奔樂平即此

冬十一月朔日食○以王衍為司徒

衍說太傅越曰朝廷危亂當賴方伯宜得文武兼資以
任之乃以弟澄為荊州都督族弟敦為青州刺史語之

曰荊州有江漢之固青州有負海之險卿二人在外而
吾居中足以為三窟矣澄至鎮日夜縱酒不視庶務雖

寇戎交急**集覽**方伯注見漢哀
帝建平四年

太傅越自領兖州牧徙苟晞為青州刺史

初越與晞親善引升堂結為兄弟司馬潘滔說越曰兖
州衝要魏武以之創業晞有大志非純臣也若遷之青
州公自牧兖州經緯諸夏藩衛本朝此所謂為之於未
亂者也越以為然自領兖州牧以晞為征東大將軍青
州刺史越晞由是有隙晞至青州以**質實**張九韶曰晉
嚴刻立威日行斬戮州人謂之屠伯**質實**時兖州治濮
陽注見周安王五年青州治
臨淄注見漢桓帝永康元年

王彌及其黨劉靈降漢

靈少貧賤力制犇牛走及犇馬時人雖異之莫能舉也
靈撫膺歎曰天乎何當亂也及公師藩起靈自稱將軍
寇掠趙魏與
王彌俱降漢

慕容廆自稱解甲大單于○拓跋祿官卒

考異

按崩葬例日凡蛮夷

君長曰死此誤作卒

弟猗盧摠攝三部與慕容廆通好

書法

始去索頭書卒進之也局為進之弟猗盧將以助書討故進之

二年

漢永鳳元年

春正月朔日食

○漢劉聰據太行石勒下趙

魏王浚擊勒破之

質實

太行山名注見周安王十六年趙郡名注見漢景帝三年趙國魏郡

名注見漢成帝綏和二年

○二月太傅越殺清河王覃

書法

清河王覃故太子也不書故太子何太子之立之廢非惠帝意也故從其恒稱

○夏五月漢王彌寇洛陽張軌遣督護北宮純入衛擊破

走之

王彌收集亡散兵復大振分遣諸將攻陷郡縣遂入許昌張軌遣督護北宮純將兵衛京師彌入自轅轅敗官

軍於伊北遂至洛陽王衍督軍出戰北宮純募勇士百餘人突陳彌兵大敗燒建春門而裏衍遣左衛將軍王

秉追之戰于七里澗又敗之彌走平陽漢王淵遣侍中郊迎令曰孤親行將軍之館拂席洗爵敬待將軍及至

拜司隸校尉詔封張軌西平郡公執辭不**集覽**北宮複受時州郡之使莫有至者軌獨貢獻不絕

質實張軌烏氏人轅轅閔名注見秦二世三年反臨幸也

一統志云七里澗在河南府陝州西南七里今名石橋溝北流入河漢獻帝東遷李傕郭汜等追乘輿戰於東

澗天子幸曹陽墟即此地西平郡名注見漢宣帝元康四年湟中

書法

陳王彌何子義也於是王衍督師純募勇士突

尚惟北宮純以功書終綱目書入衛三北宮純何倫謝年赴難三詳成帝咸和四年書詣某所三詳永嘉六年

秋七月漢徙都蒲子

質實

一統志云蒲子古地名春秋時屬晉戰國時屬魏為西河地秦

屬河東郡漢為河東郡蒲子縣晉時劉淵據此後魏改長壽縣後周於此置汾州及龍泉郡隋初廢郡改西汾州尋

改隕州又改縣曰隕川大業初復為隕州宋金元仍舊本朝以

隕川縣省入○冬十月漢王淵稱皇帝○十二月漢石勒

劉靈寇魏汲頓丘

勒靈帥眾三萬寇三郡百姓望風降附者五十餘壘皆假壘主將軍都尉印綬簡其疆壯五萬為軍士老弱安

堵如**集覽**魏汲頓丘注見漢成帝綏和二年汲注見秦注

應劭曰喻人皆安然如墻堵之不遷動也

成尚書令楊褒卒

褒好直言成主雄初得蜀用度不足諸將有以獻金銀得官者褒諫曰陛下設官爵當網羅天下英豪何有以

官買金邪
雄謝之

書法

借國臣爾其卒之何錄賢也苟賢矣雖借國必錄之終綱目卒借國臣二十有二晉世居九成

楊褒范長生漢劉殷後趙張賓秦符惟王猛燕李績慕容恪涼宋混五代居十三焉唐張承業蜀王宗儔

吳陳彥謙徐温漢楊洞潛趙光裔閩劉贊漢劉承訓唐李建勳周馮道鄭仁誨王朴唐柴克宏

三年

漢河瑞

春正月朔癸惑犯紫微

集覽

癸惑索隱曰按姚氏引廣雅云

癸惑執法之星春秋緯文耀鉤云赤帝燥怒之神為榮惑位在南方禮失則罰出正義曰天官占云癸惑其行無常

以其舍命國為殘賊為疾為喪為饑為兵環繞勾已芒角動搖乍前乍後其殃逾甚大鴻臚之象主甲兵大司馬之

義伺驕奢乱孽執法官也其精為風伯惑童兒歌謔嬉戲也紫微天官書中宮天極星其一明者太一常居也云云

皆曰紫宮索隱曰春秋合誠圖云北辰其星五在紫微中紫微大帝室太乙之精也元命包云紫之言此也宮之言

中也言天神運動陰陽開閉皆在此中

巳丁

書法

非日食不書晦朔此其書朔何記大異也熒惑犯紫微異矣而見於三朝甚大異也故詳之間

發明

去年日食正旦今茲熒惑又犯紫微是時國柄亦未嘗無告戒之意耳越

○漢徙都平陽

漢太史令宣于修之以星變言於其主淵曰不出三年必克洛陽蒲子崎嶇難以久安平陽氣象方昌請徙都

從之淵

質實

平陽郡名注見周威烈王二十三年

三月以山簡都督荆湘等州軍事

簡濤之子也嗜酒不恤政事初荆州寇盜不禁詔起劉弘子藩為順陽內史江漢間翕然歸之簡表藩得衆心

恐百姓劫以為主詔徵藩為越騎校尉

質實

山簡河內人劉藩沛

人順陽縣名注見惠帝永興二年

太傅越入京師殺中書令繆播帝舅王延等十餘人

越入京師中書監王敦謂所親曰太傅專執威權而選用表請尚書猶以舊制裁之令來必有所誅帝之為太

弟也與繆播善及即位委以心膂帝舅散騎常侍王延尚書何綏太史令高堂冲並參機密劉輿潘滔勸越誅

之越乃誣播等欲為亂遣甲士三千入宮執播等十餘人於帝側付廷尉殺之帝歎息流涕而已綏曾之孫也

○初何曾侍武帝宴退謂諸子曰主上開創大業吾每宴見未嘗聞經國遠圖惟說平生常事非貽厥孫謀之

道也及身而已後嗣其殆手汝輩猶可以免指諸孫曰此屬必死於難及綏死兄嵩哭之曰我祖其殆聖乎曾

日食萬錢猶云無下箸處子劭日食二萬綏及弟機羨汰侈尤甚與人書疏詞禮簡傲王尼見綏書謂人曰伯

蔚居乱世而矜豪乃爾其能免乎人曰伯蔚聞卿言必相危害尼曰伯蔚比聞我言自己死矣及永嘉之末何

氏無遺種司馬公曰何曾識武帝偷情取過目前不為遠慮知天下將亂子孫必與其憂何其明也然身為僭

多使子孫承流卒以驕奢亡族其明安在哉且身為宰相知其君之過不以告而私語於家非忠臣也

覽 高堂復姓王尼 **賢實** 何綏陽夏人王尼城

書法 入惡辭也殺專辭也播以官書延以親書越之無君甚矣

發明 是時海內大亂胡羯滔天上下相與協力扶持猶懼弗濟而越之所為乃爾何哉故書入則見

越之無君書殺則見播等之無罪書中書令書帝舅則見大臣貴戚之不克自保然則越之罪為如何耶

剖棺焚尸猶為幸也

太尉劉寔罷就第

寔連年請老朝廷不許劉坦言古之養老以不事為優不以吏之為重宜聽寔所守詔寔以侯就第 **賢實**

劉寔平

以王衍為太尉○太傅越使將軍何倫領國兵入宿衛

越以頃來興事多由殿省乃奏宿衛有侯爵者皆罷之更使將軍何倫王秉領東海國兵數百人宿衛 **賢實**

實 東海國注見秦二世二年刻

書法 北宮純書入衛矣不書所領此其書領國兵何誅心也於是帝所無非越黨者矣危哉終綱目

書入衛三漢高后二年武帝建元六年是年惟何倫非予辭

漢寇黎陽陷之

漢主淵遣劉景將兵攻黎陽克之又敗王堪於延津沈男女三萬餘人於河淵聞之怒曰景何面復見朕且天

道豈能容之吾所欲除者 **賢實** 黎陽縣名注見漢獻帝司馬氏耳細民何罪黜之 **賢實** 建安四年延津注見漢

獻帝建安五年

夏大旱

江漢河洛可涉

漢石勒寇鉅鹿常山

勒衆至十餘萬集衣冠人物別為君子營以張賓為謀主刁膺張敬為股肱夔安孔萇支雄挑豹遠明為爪牙并州諸胡羯多從之初張賓好讀書閑達有大志常自比張子房及勒拘山東賓謂所親曰吾歷觀諸將無如此胡將軍者可與共成大業乃提劍詣軍門大呼請見勒亦未之奇也賓救以策干勒已而皆如所言由是奇之

集覽

反姓也

質實

鉅鹿

常山

郡名注見漢光武建武九年

郡名注見漢光武建武九年

郡名注見漢光武建武九年

郡名注見漢光武建武九年

郡名注見漢光武建武九年

漢寇壺關陷之

漢主淵使王赤與楚王聰共攻壺關以石勒為前鋒都督劉琨遣軍救之不克越遣淮南內史王曠將軍施融拒之曠濟河欲長驅而前融曰彼承險間出且當阻水為固以量形勢曠怒曰君欲沮衆邪遂踰太行與聰戰於長平大敗皆死壺關降漢

質實

壺關

太行

山名注見漢獻帝建安七年

山名注見漢獻帝建安七年

山名注見漢獻帝建安七年

山名注見漢獻帝建安七年

山名注見漢獻帝建安七年

平縣名注見周報王五十五年

秋八月漢寇洛陽弘農太守垣延襲敗之

聰等攻洛陽將軍曹武等拒之皆為所敗長驅至宜陽自恃驟勝急不設備垣延詐降夜襲敗之

質實

弘農

郡名注見周報王四十五年

郡名注見周報王四十五年

郡名注見周報王四十五年

郡名注見周報王四十五年

郡名注見周報王四十五年

郡名注見周報王四十五年

郡名注見周報王四十五年

郡名注見周報王四十五年

郡名注見周報王四十五年

郡名注見周報王四十五年

冬十月漢復寇洛陽北宮純擊敗之

漢主淵復遣劉聰等寇洛陽屯西明門北宮純等夜帥勇士出攻漢壁斬其將軍呼延顯聰南屯洛水而大司空呼延翼又為其下所殺衆遂潰歸宣于修之言於淵曰歲在辛未乃得洛陽今晉氣猶盛大軍不歸必敗淵乃召聰等還聰曜暉平陽弼南出輟轅流民之在潁川襄城汝南南陽河南者數萬家素為居民所苦皆殺長

應以

質實

洛水

注見漢光武建武三年

注見漢光武建武三年

注見漢光武建武三年

注見漢光武建武三年

注見漢光武建武三年

注見漢光武建武三年

注見漢光武建武三年

注見漢光武建武三年

襄城

郡名注見周報王十五年

郡名注見周報王十五年

郡名注見周報王十五年

郡名注見周報王十五年

郡名注見周報王十五年

郡名注見周報王十五年

郡名注見周報王十五年

郡名注見周報王十五年

郡名注見周報王十五年

郡名注見周報王十五年

注見秦莊襄王元年

四年漢烈宗劉聰春正月漢寇徐豫兗冀諸郡○琅邪王

睿以周玘為吳興太守考異提要吳

錢璿寇陽羨玘糾合鄉里討斬之玘三定江南琅邪王睿以為吳興太守於其鄉里置義興郡以旌之

覽增黃**質實**陽羨縣名注見漢後主建興六年吳興郡名注見宋明帝泰始二年義興郡注見孝

武帝太元十七年

漢曹嶷寇東平琅邪**質實**東平郡名注見漢獻帝興平元年琅邪郡名注見漢光武建武

五年○夏四月王浚擊漢劉靈殺之

書法劉靈書寇矣不書討殺何不于浚以討也浚則曷為不予以討浚名為晉臣擁兵觀望不救國

難雖嘗與兵討穎初皆迫不得已既復大掠而還非心乎帝室者矣故綱目以自相攻擊書之外之其矣

○蝗○秋七月漢寇河內陷之**質實**河內郡名注見漢桓帝延熹九年

漢主淵卒太子和立其弟聰弒而代之

漢主淵寢疾以陳留王歡樂為太宰楚王聰為大司馬大單于並錄尚書事安昌王盛安邑王欽西陽王璿分

典禁兵初盛少時不好讀書唯誦孝經論語曰誦此能行足矣安用多誦而不好讀書唯誦孝經論語之如可

易及至肅如嚴君可謂君子矣淵以其忠篤故臨終委以要任淵卒太子和即位和性猜忌無恩宗正呼延攸

侍中劉乘西昌王銳說和曰先帝不惟輕重之勢使大司馬擁十萬衆屯於近郊陛下便為寄坐耳宜早為之

計和信之夜召盛欽告之盛曰陛下勿信讒以疑兄弟兄弟尚不可信他人誰足信哉攸銳怒命左右刃之遂

攻聰于單于臺不克銳等走入南宮聰前鋒隨之殺和及銳攸乘聰遂即位以北海王又單后之子也以位讓

之入弟泣固請聰遂即位以北海王又單后之子也以位讓于繁為河內王都督中外諸軍事石勒為并州刺史

覽單后單姓**質實**要昌縣名注見漢獻帝建安三年安衆安邑郡名注見周威烈王三十三年

年西陽郡名注見永嘉元年一統志云西昌東漢之縣
名屬豫章郡晉因之後廢之民居故城在吉安府泰和
縣西三十里

書法

馬耳據蠻夷書死殺書殺主書卒以晉也

氏酋蒲洪自稱畧陽公

洪畧陽臨渭氏酋也驍勇多權畧郡氏畏服之
漢拜洪平遠將軍不受自稱秦州刺史畧陽公

晉載記曰其家池中蒲生長五丈五節如竹形時咸謂
之蒲家因為氏馬又龍右大雨謠曰雨若不止洪水必

起因名曰洪後於晉穆帝永和間以議文有草付應王
又以孫堅背有草付字遂改姓符畧陽漢畧陽郡後改

縣屬武興郡武興今沔州是有畧陽縣臨渭正義曰縣
屬畧陽氏酋風俗通云氏本西南夷種魚豢魏畧云漢

或號白氏也酋帥也音悉秋反又音囚

漢之郡名治沮縣晉宋因之元魏僑立畧陽縣隸武都
郡尋廢之西魏別置興州改畧陽縣為順政縣隸馬隋

廢州為順政郡唐復置興州宋改為沔州元移州治于
驛水仍以畧陽為屬縣本朝因之改屬漢中府臨渭

漢之縣名屬畧陽郡晉末廢之故
城在漢中府城西北二百一十里

流民王如寇南陽以附漢

雍州流民多在南陽詔書遣還鄉里流民以關中荒殘
皆不願歸山簡遣兵促發京兆王如潛結壯士夜襲其

軍破之攻城鎮殺令長衆至四
五萬自號大將軍稱藩于漢

冬十月漢寇洛陽以拓跋猗盧為大單于封代公

初匈奴劉猛死劉虎代領其衆居新興號鐵弗氏與白
部鮮卑皆附于漢劉琨將討之遣使卑辭厚禮說拓跋

猗盧以請兵猗盧使其弟弗之子鬱律帥騎二萬助之
遂破劉虎白部琨與猗盧結為兄弟表為大單于以代

郡封之為代公時代郡屬幽州王浚不許遣兵擊猗盧
猗盧拒破之浚由是與琨有隙猗盧以封邑去國懸遠

民不相接乃帥部落萬餘家自雲中入鴈門從琨求陁
北之地琨不能制且欲倚之為援乃徙樓煩馬邑陰館

繁時嶧五縣民於陞南以其地與之由是猗盧益盛現
遣使言於太傅越請出兵共討劉聰石勒越忌苟晞為
後患不許現乃謝

集覽

鐵弗劉虎漢時匈奴南單于謂

父為鮮卑母為鐵弗因以鐵弗為姓其後劉衛辰少子
勃勃當後秦姚興時鎮朔方襲殺沒奕下而弁其衆僭
稱大夏天王耻姓鐵弗自謂帝王者係與天為子是為
微赫實與天連今改姓曰赫連氏其非正統皆以鐵伐

為氏庶朕宗族剛銳如鐵皆堪伐人也勃勃字屈子小
字曰屈焉焉彌矜反陞趙世家武靈王攻中山令趙希

弁將胡代趙與之陞徐廣曰陞者山絕之名常山有井
陞中山有苦陞正義曰陞音刑陞陞山也

東西十八里樓煩注見周赧王八年繁時漢雁門郡縣
今太原路堅州古繁時縣也時音止

今太原路亭州是有亭山州

東樓煩故城在焉亭音郭

見楚義帝元年雲中郡名注見秦王政三年雁門郡名
注同上年馬邑縣名注見漢高帝六年陰館縣名注見

安帝隆安二年一統志云陞漢之縣名屬中山郡以陞
山得名章帝改為漢昌縣晉末廢之故城在真定府無

極縣東北二十八里繁時漢之縣名屬雁門郡後魏置
繁時郡後周郡縣並廢東魏僑置武州于此北齊改為

北靈州尋廢隋移縣於武州城屬雁門郡唐又移今治
宋屬代州金改為聖州本朝初復為繁時縣改屬大

原府亭漢之縣名屬雁門郡漢末廢晉復置後魏改為
石城縣東魏置廓州於此北齊改為北頭州後周州廢

隋改為平寇縣大業初改為亭縣唐屬代州五代梁析
置白鹿縣宋省入亭縣元陞為亭州本朝改州為縣

仍屬太原

遣使徵天下兵入援

京師餓困日甚太傅越遣使以羽檄徵天下兵使入援

京師帝謂使者曰為我語諸征鎮今日尚可救後則無
及矣既而卒無至者山簡遣督護將兵入援為王如所

敗如遂大掠沔漢進逼襄陽朝議多欲遷都以避難王
衍以為不可賣

車牛以安衆心

質實

羽檄注見楚義帝元年

漢石勒擊弁王如兵遂寇襄陽十一月太傅越率兵討之

次于項

越以胡寇益盛內不自安乃戎服入見請討石勒帝曰
今胡虜侵逼郊畿公豈可遠去以孤根本對曰臣出幸
而破賊則國威可振猶愈於坐待困窮也乃帥甲士四
萬向許昌留何倫防察宮省以行臺自隨用王衍為軍
司朝賢素望悉為佐吏名將勁卒咸入其府於是宮省
無復守衛荒饑日甚盜賊公行府寺營署並掘塹自守
越東屯項自**集覽**項注見漢後**質實**張九韶曰晉置豫
領豫州牧**集覽**項注見漢後**質實**州治陳縣領潁川
汝南沛郡梁國魯國五郡

書法

討未有書率兵者書率兵何罪空國也空國討
賊而久次于外越之無討志甚矣於是徵兵入
援未有至者越乃悉率見兵空國而行名為討勒實
以自衛卒之倉猝寇至輿衛缺人至於步行不前城
陷被執越之誤國可勝誅哉綱目書率兵書次于項
所以重罪越也凡討伐書次皆譏也逗遛五月未有
如越者焉

寧州刺史王遜滅五苓夷

初李毅死其子釗自洛往州人奉之以主州事遣使詣
京師求刺史朝廷乃以遜為刺史既至表釗為朱提太
守時寧州外逼於成內有夷寇城邑丘墟遜惡衣菜食
招集離散勞徠不倦數年之間州境復安誅豪右不奉
法者十餘家擊滅**集覽**釗之姚反朱提郡名屬益州正
五苓夷內外震服**集覽**釗之音殊匙即漢捷為郡朱提
縣也今叙州有朱提山地產銀韓退之贈崔立之詩我
有雙飲釀其銀得朱提於成謂李雄僭即帝位國號
大**質實**一統志云王遜魏興人李釗鄆人朱提郡名未
詳處所唯叙州府城西五十二里有朱提山未
審是其故趾否知者察之其山出銀漢諸葛亮書漢嘉
金朱提銀採之不足以自食唐韓愈贈崔立之詩我有
雙飲釀其銀得朱提

漢主聰殺其兄恭

漢主聰自以越次而立忌其兄恭殺之

漢太后單氏卒

單后年少美色漢主聰悉焉太弟義屢以為言單后慙
惠而死又寵由是漸衰呼延后言於聰曰父死子繼古
今常道太弟何為者哉陛下百年後察兄弟必無種矣
聰心然之義舅冲謂曰曰踈不間親主上有意於河內
王矣殿下何不避之義曰天下者高祖之天下兄終弟
及何為不可察等既壯猶今日也且子弟之間親踈詎
幾主上寧可

集覽

悉焉春秋釋例下淫上曰悉

質實

河內王謂劉察也

五年

漢嘉平元年

春正月

漢曹窋寇青州苟晞敗走

集覽

疑魚

質實

青州注見漢桓帝永康元年

石勒寇江夏陷之

考異

石勒

漢字

質實

江夏郡名注見漢後主建興七年武昌

勒謀保據江漢張賓以為不可會軍中饑疫死者大半乃渡沔寇江夏

成寇陷涪梓潼內史譙登死之

初譙周之子居巴西為成太守馬脫所殺其子登詣劉
弘請兵復讐弘表登為梓潼內史使自募巴蜀流民得
二千人西上攻宕渠斬脫食其肝遂據涪城成人攻之
屢為所敗至是三年食盡援絕七民熏鼠食之餓死甚
衆無一人離叛者城陷見獲成主

集覽

宕渠今渠州是即秦漢巴郡墊

江縣宋置宕渠郡屬道元注水經云宕渠水一名潛

水一名渝水俗謂渠江在石照縣北十里涪城注見漢

獻帝建安

質實

譙登巴西人

梓潼

郡名注見漢獻

名屬巴西郡晉宋俱因之後魏改置為流江縣及流江
郡梁改置渠州隋初郡廢州存大業初改宕渠郡唐初
復為渠州天寶初又改為隣山郡乾元初復為渠州宋
元皆仍舊本朝初改州為縣以流江縣省入仍屬順

書法

死讐也書死之何予義也初登父為成太守所

殺綱目予義故特書死之

湘州流民作乱推杜弼為刺史

巴蜀流民布在荆湘間為上民所困苦湘州參軍馮素與蜀人汝班有隙言於刺史苟眺欲盡誅流民流民大

懼四五萬家一時俱反以醴陵令杜弼為湘州刺史醴陵縣屬長沙今潭州

他力一統志云醴陵古之地名漢屬臨湘縣東漢反折置醴陵縣屬長沙郡晉宋因之隋省入長

沙縣唐復隸潭州宋仍舊元陸為州本朝復為縣改屬長沙府湘州注見漢獻帝興平元年

琅邪王睿逐揚州都督周馥以王敦為刺史都督征討諸

軍事

馥以洛陽孤危表請遷都壽春太傅越以馥不先白已大怒召之馥不行睿遂攻之馥敗走死睿以敦為揚州

刺史督征揚州注見齊主寶卷永元二年壽討諸軍陽壽春縣名注見秦王政六年

書法馥帝命也故雖睿書逐綱目之修君臣之分而已矣

三月太傅越卒于項以苟晞為大將軍督六州

苟晞移檄諸州陳越罪狀帝亦惡越專權違命所留何倫等抄掠公卿逼辱公主密賜晞詔使討之越亦下檄

罪狀晞遣兵攻之晞遣騎收越黨尚書劉魯侍中程延斬之越憂憤成疾以後事付王衍而卒眾共推衍為元

帥衍不敢當奉越喪還葬東海倫等以裴妃及世子毗自洛陽東走城中士民爭隨之帝追貶越為縣王以晞

為大將軍都督青徐項縣名注見漢交豫荆揚諸軍事後主延熙四年

書法於是越討石勒而卒不書卒于師何罪越也自往歲率兵討勒書次于項於是五閱月矣未嘗

進兵綱目復書卒于項見越之畏敵至死而不敢前也

發明晉室之乱原於惠帝之庸愚肇於孽后之唱禍成於諸王之交攻蓋至於太傅越之時亦已極

矣前書漢寇洛陽則是賊虜已逼京師繼書召天下兵入援則是國勢已甚危急又况竟無一人至者越

於是時魯無守衛根本之心乃率兵而出則是棄主與賊耳故書次于項則見其傾兵于外之意不書卒

于軍而書卒于項則見其不沒於王事之意然則綱目之所以罪越者為如何哉社稷為墟中原塗炭是固生靈之不幸耳於越乎何誅

夏四月漢石勒追敗越軍於苦縣執王衍等級殺之

勒帥輕騎追太傅越之喪及於苦縣大敗晉兵縱騎圍而射之將士十餘萬人無一免者執太尉衍等問以晉故衍具陳禍敗之由云計不在已且自言少無宦情不豫世事因勸勒稱尊號冀以自免勒曰君少壯登朝名蓋四海身居重任何得言無宦情邪破壞天下非君而誰衆人畏死多自陳述獨襄陽王範神色儼然顧呵之曰今日之事何復紛紜勒謂孔萇曰吾行天下多矣未嘗見此輩人當可存乎萇曰彼皆晉之王公終不為吾用勒曰雖然要不可加以鋒刃夜使人排墻殺之剖越軀焚其尸曰亂天下者此人也吾為天下報之世子毗及宗室四十八王皆沒於勒裴妃為人所掠賣久之渡江初琅邪王睿之鎮建業裴妃意也故睿德之厚加存撫以其子**集覽**苦縣注見漢桓**質實**襄陽郡名注見漢中繼越後帝廷熹八年

書法

討勸晉兵也書越軍何追罪越也越無討志是軍也自衛而已行為大臣黨越誤國及為勒所

執勸稱尊號冀以苟免可賤甚矣不書太尉罪之也

發明

王衍風流相尚清名蓋世且首為三窟之計今乃為羯奴所殺如斃犬豕方且俯首乞憐之不暇一代人物果安在哉然襄陽王範毅然正色何以不得書死節司馬越敗亂天下範等從而和之斲喪

帝室委棄乘輿大節若此他何足數按此行自衍範而下諸王及貴臣死者甚衆綱目皆棄而不錄僅書執衍等殺之且削去其官則其賤之之意為可知矣畧而不書物非過也

五月杜弋陷長沙

弋自是南破零桂東**質實**長沙郡名注見漢獻帝興平掠武昌殺長吏甚衆元年零桂即零陵桂陽二郡

零陵注見武帝太康元年桂陽注見漢武帝元鼎五年武昌郡名注見漢後主建興七年

漢人入寇六月陷洛陽殺太子詮遷帝于平陽封平阿公

考證 封當作

苟晞表請遷都倉垣帝將從之公卿猶豫不果行既而洛陽饑困人相食百官流亡者什八九帝將行而衛從不備無車輿乃步出西掖門至銅駝街為盜所掠不得進度支魏浚帥流民數百家保河陰之碛石時掠得穀麥獻之漢主聰使呼延晏將兵二萬七千寇洛陽比及河南晉兵前後十二敗劉曜王彌石勒皆引兵會之晏先至攻平昌門克之遂焚府寺六月司空苟藩及弟光祿大夫組奔轅轅彌晏克宣陽門入宮大掠帝欲奔長安漢兵追執之曜自西明門入殺太子詮等士民死者三萬餘人遂發掘諸陵焚宮廟曜納羊后遷帝及六璽於平陽勒引兵出屯許昌漢以帝為左光祿大夫封平阿公以侍中庾珉王儁為老祿大夫初曜以彌不待已至先入洛陽怨之彌說曜曰洛陽天下之中山河四塞城池宮室不假修營宜白主上自平陽徙都之曜以天下未定洛陽四面受敵不可守不用彌策而焚之彌罵曰屠各子豈有帝王之意耶遂與曜有隙引兵東屯項關劉暉說彌曰將軍建不世之功又與始安王相失將何以自容不如東據本州徐觀天下之勢上可以混一

四海下不失鼎峙之業彌心然之

集覽

各子注見漢桓帝延熹元年

質實

河陰縣名注見漢光

武建武十五年平陰一統志云碛石關名在河南府陝州城東舊陝石縣即古峻陵關路東通澠池西通函谷今建巡檢司於此六璽注見漢靈帝中平六年項關在開封府陳州城東南九十二里東漢所置劉宋省入項城縣魏浚東阿人始安王始安郡名注見成帝咸和六年按載記漢主淵封族子曜為始安王

司空苟晞奉豫章王端建行臺於蒙城荀藩奉秦王業趣

許昌

荀藩在陽城汝陰太守李矩輸給之藩建行臺於密傳檄四方推琅邪王睿為盟主以矩為榮陽太守豫章王端太子詮弟也東奔倉垣苟晞奉為皇太子置行臺徙屯蒙城秦王業吳孝王晏之子藩甥也年十二南奔密藩等奉之以趣許昌天水閭鼎聚西州流民數千於密欲還鄉里藩以昂有才而擁眾用為豫州刺史以周顛等為參佐

集覽

陽城縣屬汝陰按汝陰今潁州是密注見漢光武建武元年

質實

陽城縣名注見

秦二世元年汝陰郡名注見齊主寶卷永元二年一統志云蒙城春秋古邑名漢置山桑縣屬沛郡東漢屬汝南郡三國魏屬譙郡後魏置渦陽縣隋改曰淝水縣大業中復為山桑縣唐改蒙城縣五代宋因之金屬壽州元屬安豐路本朝因之改屬鳳陽府天水郡名注見漢光武建武二年周顛汝南安成人浚之子榮陽郡名注見秦莊襄王元年吳郡名注見漢獻帝建興三年

琅邪王睿遣兵擊江州刺史華軼斬之

時海內大亂獨江東差安中國士民避亂者多南渡江王導說睿收其賢俊辟掾屬才協王承卞壺諸葛恢陳頤庾亮等百餘人時人謂之百六掾及承荀藩檄承制署置江州刺史華軼及豫州刺史裴憲皆不從命睿遣王敦甘卓周訪合兵擊軼斬之憲奔幽州睿以卓為湘州刺史訪為尋陽太守陶侃為武昌太守

集覽

願俱倫友百六掾掾官屬也言置掾屬一百六人

贊

王承晉陽人卞壺濟陰人也言置掾屬一百六人

琅邪人陳頤陳國人庾亮鄆陵人明穆元皇右之兄王敦琅邪臨沂人周訪汝南人

秋七月大司馬王浚自領尚書令

浚設壇告類立皇太子稱受中詔

集覽

告類五帝本紀承制封拜備置百官列置征鎮

義曰五經異義云非時祭天謂之類言以事類告也時舜告攝非常祭也蔡氏書傳曰按周禮肆師類告于上帝注云郊祀者祭昊天之神常祭非常祀而祭告于天其禮依郊祀為之故曰類如秦誓武王伐商王制言天子將出皆云類于上帝是也

漢劉曜寇長安南陽王模出降曜斬之遂據長安模世子

保保上邽

南陽王模使牙門趙染戍蒲坂染帥眾降漢漢遣染與將軍劉雅攻模于長安劉曜劉粲繼之染敗模兵於潼關長驅至下邽涼州將北宮純自長安帥眾降漢漢兵圍長安模倉庫虛竭士卒離散遂降于漢粲殺之關西饑饉白骨蔽野士民存者百無一二漢主聰以曜為雍州牧封中山王守長安模都尉陳安帥眾歸世子保於

上邽保遂據有秦州尋稱大司馬承制署隴右氏羗皆從之

集覽

下邽縣名屬京兆秦武公伐邽戎取其人來此置縣有上邽故加下

質實

蒲阪縣名注見周赧王十二年

漢石勒陷蒙城執苟晞及豫章王端

晞驕奢苛暴前遼西太守閻亨數諫殺之從事明預有疾自舉入諫晞怒曰我殺閻亨何關人事而舉病罵我預曰明公以禮待預故預以禮自盡今明公怒預其如遠近怒明公何桀為天子猶以禮自盡而亡况人臣乎願明公且置是怒思預之言晞不從由是衆心離怨加以疾疫饑饉勒襲蒙城執晞及豫章王鎖晞頭以為左司馬

質實

遼西郡名注見漢獻帝建安十年

冬十月漢石勒誘王彌殺之

漢大將軍王彌與勒外相親而內相忌會其將徐邈叛去彌兵漸衰聞勒擒苟晞心惡之以書賀勒曰公獲苟晞而用之何其神也使晞為公左彌為公右天下不足定也勒謂張賓曰王公位重而言卑其圖我必矣賓因

勸勒乘彌小衰誘而取之時彌與劉瑞相持甚急請救於勒勒未許之賓曰公常恨不得王公之便今天以王公授我矣勒乃引兵擊瑞斬之彌大喜謂勒實親已不復疑也勒請彌燕酒酣而斬之并其衆漢主聰大怒遣使讓勒專害公輔有無君之心然猶加勒鎮東大將軍以慰其心苟晞漸謀叛勒殺之引兵掠豫州諸郡臨江而還屯于葛陂初勒之為人所掠賣也與其母王氏相失劉琨得之遣使并其從子虎送於勒因遺書曰將軍用兵如神所以周流天下而無容足之地者蓋得主則為義兵附逆則為賊衆故也成敗之數有似呼吸吹之則寒噓之則溫今相授侍中領護匈奴中郎將將軍其受之勒報書曰事功殊途非腐儒所知君當選節本朝吾自夷難為効遺琨名馬珍寶厚禮其使謝而絕之時虎年十七殘忍無度勒白母除之母曰快牛為犢多能破車汝小忍之及長便弓馬勇冠當時每屠城邑鮮有遺類然御衆嚴而不煩莫敢犯者指授攻討所向無前勒遂**集覽**葛陂在今蔡州上蔡縣腐儒腐者爛敗貌寵任之**質實**言儒者但能守陳腐之見不達時宜夷難為効夷平難患也為効展其勤**質實**一統志云徐邈姑効也我當以平難之事自効

質實

幕人葛陂在汝寧

府城西南三十里即費長房投杖處東漢於此置葛陂縣後廢今有葛僊廟在焉

馮翊太守索綝等擊敗漢兵於長安十二月迎秦王業入雍城

初索綝為馮翊太守與安夷護軍魏允安定太守賈疋謀復晉室帥眾五萬向長安雍州刺史魏特等帥眾十萬會之大敗劉曜於黃丘又破劉粲於新豐兵勢大振關西胡晉翕然響應閭閻欲奉秦王業入關據長安以號令四方荀藩周顛等皆山東人不欲西行中途逃散顛奔江東與業至藍田遣人告疋疋遣兵迎之入于雍城使梁綜

以兵衛之

集覽

賈疋古質實

索綝燉煌人靖之子馮

翊郡名注見唐玄宗開

元十一年同州一統志云安夷漢之縣名屬右扶風後廢之故址在鳳翔府隴州西北七十里唐志汧源縣西

有安夷關即此安定郡名注見漢光武建武元年賈疋武威人詔之孫黃丘地名未詳處所新豐縣名注見漢

成帝鴻嘉元年藍田縣名注見周赧王三年

琅邪王睿以周顛為軍諮祭酒

前騎都尉桓彝避亂過江見睿微弱謂顛曰我以中州多故來此求全而單弱如此將何以濟既而見王導共

論世事退謂顛曰向見管夷吾無復憂矣諸名士遊宴新亭顛中坐歎曰風景不殊舉目有山河之異因相視

流涕導慨然變色曰當共戮力王室克復神州何至作楚囚對泣邪眾皆收淚謝之陳頽遺導書曰中華所以

傾弊者正以取才失所先白望而後實事浮競驅馳互相貢薦加有荏老之俗傾惑朝廷養望者為弘雅政事

者為俗人夫欲制遠先由近始今宜改張明賞信罰拔卓茂於密縣頭朱邑於桐鄉然後大業可舉中興可冀

耳導不

集覽

管夷吾春秋齊管仲字夷吾相桓公霸諸

侯今以王導比之

愀然愀七小反色變也

神州孟子傳曰中國名曰赤縣神州赤縣神州內自有九州禹之序九州是也杜佑通典曰神州謂王者所卜

居吉土五千里內地名也注崑崙崑崙東南地方五千里名曰神州故王者所居地亦曰神州按地統書括地象著

地中央曰崑崙崑崙其東南方曰神州賈氏禮疏曰崑崙在西北別統九州其神州東南一州耳禹分為九又云神

州

農時有大九州曰柱州迎州神州之類
今惟有神州分為九白望猶言虛名
見安帝元興元年拔卓茂於密縣事在漢光武建
武元年顯朱邑於相鄉事在漢宣帝地節四年

劉琨遣劉希合衆於中山王浚殺之

劉琨長於招懷而短於撫御一日之中雖歸者數千而去者亦相繼琨遣劉希合衆於中山幽州所統代郡上谷廣寧之民多歸之衆至三萬王浚怒遣胡矩與段疾陸眷共攻希殺之驅掠三郡士女而去

集覽 陸眷鮮卑人姓實貫中山郡名注見周威烈王二十三年一統志云廣寧漢之縣名屬上谷郡晉陞為郡後魏郡廢北齊置北燕郡隋廢郡以其地屬涿郡唐武德中置北燕州貞觀中改為媯州唐末析置儒州遼為儒州緡陽軍治緡山縣金皇統初州廢以縣屬德興府元至元初省晉山入懷來縣尋復置屬奉聖州後以仁宗生於此陞為龍慶州本朝初州縣俱廢永樂中詔復置州改曰隆慶直隸京師上谷郡名注見秦王政三年

慕容廆擊破鮮卑素喜木丸部

遼東附塞鮮卑素喜連木丸津攻陷諸縣屢敗郡兵東夷校尉封釋不能討民失業歸慕容廆者甚衆廆少子翰言於廆曰自古有為之君莫不尊天子以從民望成大業今連津寇暴不已不若數其罪而討之上則興復遼東下則奔吞二部忠義彰於本朝私利歸於我國此霸王之基也廆笑曰孺子乃能及此乎遂擊連津以翰為前鋒破斬之盡併二部之衆封釋疾病屬其孫奕於廆釋卒廆召奕與語說之曰奇士也補小都督釋子俊抽來奔喪廆見之曰此家振千斤捷也

集覽 此家振捷史炤通鑑釋文曰振于粉反有所失也引左傳振子辱矣捷居言反牂牛也捷字一本作手旁必刊誤也戰國策齊宣王曰寡人愚陋守齊國唯恐失振之注振失也亦引左傳振子辱矣又引呂氏春秋振與隕同史記不戰而振注與隕同說文隕從高下也廣韻注墜也今言此家振振者意謂封釋二子如千斤捷之無能為必致振墜其家也晉桓溫望中原歎曰神州陸沈王夷甫諸人不得不任其責袁宏曰運有興廢豈必諸人之過

溫作色曰昔劉景升有千斤大牛噉芻豆十倍於常牛負重致遠魯不若一羸特今言千斤捷疑即此意

誤此家抃抃千斤捷今按封釋死於遼東二子俊抽來奔喪慕容容鹿見之曰此家抃抃千斤捷也以道不通

皆留仕鹿抽為長史俊為參軍抽與游邃等為股肱鹿若以俊抽如千斤捷之無能為必致抃墜其家何故用

之竊詳語勢抃抃者強健有力之貌捷乃擔牛健強而馴此但言其重大耳千斤牛未必皆不能負重劉景升

言千斤之捷人間不可多得若從天而下也姑備一說

申壬

六年 漢嘉平二年

書法於是帝遷平陽踰年矣書六年何存正統也帝未遇害秦王在雍則正統故在矣

春正月漢主聰納劉殷二女為貴嬪

漢主聰將納太保劉殷女太弟義固諫聰以問太宰延年太傅景皆曰太保自云劉康公之後與陛下殊源納

之何害聰悅拜殷二女為貴嬪位左昭儀上又納殷女孫四人皆為貴人位次貴妃於六劉之寵

傾後宮聰希復出外 **質實** 劉殷新興人劉康公左傳注事皆中黃門奏決 劉姬姓子爵康公字季子周

定王母弟食采劉邑 **書法** 妃妾不書此何以書譏同姓也譏同姓則書以謚康公故曰劉康公

焉耳終綱目書命納妃妾十詳漢獻帝建安十八年其九譏也惟聘鄭氏為充華為美辭

發明 娶妻不取同姓者為遠嫌也豈論同源與否哉聰納殷女均之姓劉則幾於吳孟子矣然彼本

夷狄尚不難於妻群母又何有於同姓哉書之姑以著犬羊之雜揉耳

胡亢起兵竟陵

亢故新野王牙門將聚眾竟陵寇掠荆土以杜 **質實** 新

曾為竟陵守曾勇冠三軍能被甲游於水中 **野** 縣名注見漢平帝元始四年竟陵郡名注見新莽地皇二年

二月朔日食○琅邪王睿遣將軍紀瞻討石勒於葛陂勒

引兵退

石勒築壘於葛陂課農造舟將攻建業春大集江南之衆於壽春以紀瞻為揚威將軍討之會大雨三月不止勒軍中饑疫死者大半集將佐議之刁膺請送款於膺求掃平河朔以自贖俟其軍退徐圖之勒愀然長嘯孔長等請分道夜攻壽春據城食粟要以今年定江南勒笑曰是勇將之計也顧謂張賓曰於君意何如賓曰將軍攻陷京師囚執天子殺害王公妻畧妃主擢將軍之髮不足以數將軍之罪奈何復相臣奉乎今天降霖雨於數百里中示將軍不應留此也鄴有三臺之固西接平陽山河四塞宜北據之以營河北河北既定天下無處將軍之右者矣宜使輜重從北道先發將軍引大兵向壽春輜重既遠大兵徐還何憂進退無地乎勒攘袂鼓髯曰張君計是也於是黜膺擢賓為右長史號曰右侯勒引兵發葛陂遣石虎向壽春遇晉運船虎將士爭取之為紀瞻所敗追奔百里前集覽鄴有三臺鄴城中及勒軍勒結陳待之瞻不敢擊三臺南北縣屬各高四十餘尺在今彰德城東北四十里資暇集曰鄴中三臺石崇遊宴之地前臺名銅爵中臺名水井後臺名金虎後臺北濱漳水今已崩頽半入漳矣銅爵臺又注見漢獻帝建安十五年質實一統志云彰德府臨漳縣治西魏曹操築弁金虎水井三臺相去各六十步其上複道樓閣相通中央懸絕鑄大銅雀高一丈五尺置之樓頂臨終遺令施總帳于上朝脯使宮人歌吹帳中望吾西陵西陵操塋處也後樓臺俱毀土人掘地得瓦色頗青內平瑩印工人姓名皆八分隸書硯譜云人得此瓦為硯貯水數日不滲金虎臺在彰德府臨漳縣治西南鄴鎮曹操於臺下鑿渠引漳水入白溝遺址尚存水井臺在彰德府臨漳縣治西南曹操建石虎於上藏冰三伏之月以賜大臣

漢封帝為會稽郡公

考異

封上漏降字

漢主聰謂帝曰卿昔為豫章王朕與王武子造卿卿贈朕柘弓銀研卿頗記否帝曰臣安敢忘之但恨爾日不早識龍顏聰曰卿家骨肉何相殘如此帝曰大漢將應天受命故為陛下自相驅除此殆天意非人事也且臣家若能奉武皇帝之業九族敦睦陛下何由得之聰喜以小劉貴人妻帝曰此名公之孫也卿善遇之

集

覽 研與硯同墨池也釋名云硯研也研墨使
質實

武子王濟表字會稽郡
注見漢和帝永元元年

張軌遣兵詣長安

涼州主簿馬鈞說軌宜命將出師翼戴帝室軌從之馳
檄關中共尊輔秦王且言今遣前鋒宋配帥步騎二萬
徑趨長安諸
質實 涼州注見唐中
軍絡繹繼發 宗景龍二年

書法 書遣兵何予義也懷帝之世書遣北宮純入衛
矣於是復書遣兵詣長安若執者可謂知為人

臣矣故書予之終綱目書遣兵詣某所者五張軌遣
兵詣長安是年殷孝祖帥兵赴建康宋丙午年魏趙
剛以東荆兵赴長安梁甲寅年河西安西皆遣兵詣
行在唐玄宗天寶十五年李懷光帥眾赴長安唐德
宗建中四年
皆予之也

夏漢封王彰為定襄郡公

漢主聰以魚鱗不供斬左都水使者作温明繼光二殿
未成斬將作大匠觀魚於汾水昏夜不歸彰諫曰今愚
民歸漢之志未專思晉之心猶盛劉琨咫尺刺客縱橫
帝王輕出一夫敵耳聰大怒命斬之彰女為夫人叩頭
乞哀乃囚之太后張氏以聰刑罰過差三日不食太弟
又單于繫輿觀切諫聰怒曰吾豈桀紂而汝輩生來哭
人太保殷等百餘人皆免冠涕泣而諫聰慨然曰朕昨
大醉非其本心微公等言之朕不聞過各賜帛百匹使
侍中持節赦彰
質實 汾水注見周威烈王二十三年一
進封定襄郡公 統志云定襄郡漢初所置治定襄
縣魏晉俱仍舊隋廢之故城在大同府城西
二十八里下有陰山青坡二道皆出兵之路

雍州刺史賈疋等進圍長安漢劉曜敗走秦王業入長安

○漢太保劉殷卒

殷不為犯顏忤旨然因事進規補益甚多漢主聰每與
群臣議政事殷無所是非群臣出殷獨留敷暢條理商
確事宜聰未嘗不從之殷嘗戒子孫曰事君當務幾諫
凡人尚不可面斥其過况萬乘乎夫幾諫之功無異犯

顏但不彰君之過所以為優耳殷在公卿間常怕怕有
卑讓之色故能處驕暴之國保其富貴不失名以壽
終考

書法

卒借國臣
錄賢也

石勒引兵據襄國

考異

石上亦
漏漢字

劉琨以兄子演鎮鄴石勒濟河演保三臺以自固勒諸
將欲攻之張賓曰攻之未易卒拔捨之彼將自潰方今
王彭祖劉越石公之大敵也宜先取之演不足顧也且
天下饑亂明公擁兵羈旅人無定志非所以保萬全制
四方也不若擇便地而據之廣聚糧儲西稟平陽以固
幽并此霸王之業也勒遂進據襄國分命諸將攻冀州
郡縣運穀以輸襄國
集覽 彭祖王凌表字
漢以勒為冀州牧
質實 鄴縣名
獻帝建安十五年襄國注見楚義帝元年冀州注見秦
二世二年信都國幽并二州名幽注見唐高祖武德四
年并注見愍
帝建興四年

漢劉曜襲晉陽陷之劉琨奔常山

劉琨移檄州郡期十月會平陽擊漢琨素奢豪喜聲色
徐潤以音律得幸驕恣干預政事護軍令狐盛數以為
言現收盛殺之琨母曰汝不能駕御豪傑以恢遠畧而
專除勝已禍必及我盛子泥奔漢且言虛實漢主聰大
喜遣黎曜將軍寇并州以泥為鄉導琨聞之東出收兵
於常山且遣使求救於代黎曜乘虛襲晉陽琨還救不
及帥數十騎奔常
質實 常山郡名注見漢
山泥殺琨父母
光武建武九年

秋九月賈疋等奉秦王業為皇太子建行臺

疋等奉業為皇太子建行臺
臺登壇告類建宗廟社稷
質實 告類注見惠
帝光熙元年

冬十月代公猗盧攻晉陽劉曜敗走猗盧追擊大敗之

猗盧遣其子六脩帥眾數萬為前鋒自帥二十萬繼之
劉琨收散卒為鄉導六脩與劉曜戰於汾東曜兵敗墜
馬中七創夜踰蒙山而歸猗盧追之戰於藍谷漢兵大
敗伏尸數百里猗盧因大獵壽陽山陳閱皮肉山為之

赤現自營門步出拜謝固請進軍猗盧曰吾遠來士馬疲弊且待後舉劉聰未可滅也留其將箕澹等戍晉陽

現徙居陽曲招集亡散**質實**汾東汾水之東注見周威烈王二十三年一統志云蒙山在太原府平定

州東北一十五里一峯孤秀高出衆山士人九日登高于此上有晉山神祠壽陽古邑名春秋晉為馬首邑漢

為榆次縣之東境晉始置壽陽縣屬樂平郡晉末省隋初復置屬并州唐於此置受州貞觀中州廢縣仍屬并

州金於此置晉州尋移治清源縣元仍舊本朝因之屬太原府晉陽郡名注見周威烈王二十三年陽曲縣

名注見秦王政十五年狼孟

十二月盜殺賈疋勳允領雍州刺史

初賈疋入關殺漢梁州刺史彭蕩仲至是其子天護帥群胡攻疋殺之衆推勳允領雍州

周赧王四年漢中雍州注見唐玄宗開元十一年謂南郡

書法

盜者何彭天護也譙登復父讐綱目書死之義也此亦復父讐也其書盜何天護臣漢者也

逆順異矣是故郭循魏臣也殺漢費禕則書盜天護漢臣也殺晉賈疋則書盜綱目示人所從之意深切

矣賈疋不書官以上文見也終綱目書盜殺十一詳周威烈王二十四年不書以何帝在平陽也然則

曷為不書自領帝在平陽也綱目一字之筆削審矣哉

王浚攻石勒於襄國大敗而還

王浚遣督護王昌帥諸軍及段疾陸眷與弟匹碑文鴛從弟末桎攻勒於襄國勒兵出戰皆敗勒召將佐曰吾

欲悉衆決戰何如諸將皆曰不知堅守俟其退而擊之張賓孔萇曰鮮卑段氏最為勇悍而未桎尤甚其銳卒

皆屬焉今刻日來攻北城必謂我孤弱不敢出戰意必懈惰宜且勿出示之以怯鑿北城為突門二十餘道俟

其來至列守未定出其不意直衝未桎帳彼必震駭不暇為計破之必矣未桎敗則其餘不攻而潰矣勒從之

密為突門既而疾陸眷攻北城勒登城望之見其將士或釋仗而寢乃命孔萇督銳卒從突門出擊之不克而

退未桎逐之入其軍門為勒衆所獲疾陸眷等軍皆退走萇乘勝追擊枕尸三十餘里疾陸眷以鎧馬金銀賂

勒且以未枉三弟為質而請未枉諸將皆勸勒殺之勒曰遼西鮮卑捷國也與我素無仇讐為王浚所使耳今殺一人而結一國之怨非計也歸之必深德我不復為浚用矣乃遣石虎與疾陸眷盟于渚陽結為兄弟疾陸眷等引歸王昌亦還薊勒召未枉與之燕飲誓為父子遣還由是段氏專心附勒浚勢遂衰

實 地名未詳處所薊縣名注見漢帝玄更始二年

大疫○王敦殺其兄荊州都督澄

澄少與兄衍名冠海內劉琨謂澄曰卿形雖散朗而內實動俠以此處世難得其死及在荊州屢為杜弢所敗望實俱損猶傲然自得與內史王機日夜縱酒博奕上下離心故山簡參軍王冲擁眾自稱刺史澄懼徙治沓中琅邪王聞之召為軍諮祭酒以周顛代之王敦方討杜弢進屯豫章澄過之自以名聲素出敦右猶以舊意侮敦敦怒誣其與杜弢通信殺之機將刺客門生千餘人入廣州機父嘗刺廣州將士皆其部曲刺史郭訥遣

拒機皆迎降訥乃避位以州授之

書法 書兄書官敦不弟不臣之罪具矣

發明 人有常言皆曰父兄蓋嚴於事兄乃所以嚴於事父正所以謹其漸也王處仲不難於殺其兄

則亦不知有其父矣况澄身為方伯正使有罪合請于朝而處仲專輒行戮則其無君之心又已見於此特矣故澄既書其兄又特以荊州都督書之而處仲則去其官

王如詣王敦降○前太子洗馬衛玠卒

玠璠之孫也美風神善清談常以為人不及可以情恕非意相干可以理遣故終身不見喜愠之色

實 衛玠安邑人

書法 卒前官錄賢也終綱日卒前官者六而已詳漢安帝元初一年

羗酋姚弋仲自稱扶風公

弋仲南安赤亭卷也東徙榆
眉戎夏磁負隨之者數萬
質實 南安郡名注見漢後
主建興六年赤亭縣

名注見漢安帝元初四年榆眉地名未詳處所扶風郡
名注見周顯王八年岐嶺負注見漢殤帝延平元年

孝愍皇帝建興元年 漢嘉平二年
考異 提要帝下注業字據歲
年例正統即位在今年

內者當大 **春二月漢主劉聰弒帝於平陽庾珉王雋死之**
書君名

正月朔漢主聰宴群臣於光極殿使帝著青衣行酒庾
珉王雋等不勝悲憤因號哭聰惡之有告珉等謀以平

陽應劉琨等聰遂殺珉雋
等帝亦遇害謚曰孝懷

書法 戰國之篇魏人殺衛君書殺異國辭也已酉年
聰書漢主則其書弒何首足之分也是故帝書

封會稽郡公矣此復書帝而漢主亦書劉聰不以足
加首也珉雋始以悲憤見惡於聰繼有告其應劉琨

者於是殺之而帝亦遇害則二臣之死先於帝矣綱
目曷為先書弒先書弒所以著二臣之死為帝而死

也大書死之其為
死節之勸深矣

發明 劉淵舉兵自立不書其反者晉氏不謹華戎之
辨且又骨肉相殘有以致寇也劉聰平陽之禍

則書弒者聰固晉之臣子且不使外夷得以加中國
也嗚呼夷狄之禍至此極矣天地為之晦冥日月為

之薄蝕斯固古今之大變而非可以常事論者庾珉
王雋書其死節正以嚴夷夏之分存君臣之義扶三

綱立人極為萬世之戒也人君觀此其亦防微杜漸
不見是圖謹於禮以處國勤於政以御宇務明其德

而天下歸無怠無荒而四夷王必使大明既升而燭
火自熄中國既治而外患自弭則亦庶乎其可也有

天下者尚
監茲哉

三月漢立其貴嬪劉娥為后

漢主聰為劉后起鷄儀殿廷尉陳元達切諫以為天生
民而樹之君使司牧之非以兆民之命窮一人之欲也

是以先帝身衣大布居無重茵后妃不衣錦綺乘輿馬
不食粟陛下踐柞以來已作殿觀四十餘所加之軍旅

數興餽運不息饑饉疾疫死亡相繼而益思營繕豈為
民父母之意乎聰大怒曰朕為天子營一殿何問汝鼠

子乎命左右曳出斬之并其妻子梟首東市時聰在道
逢園李中堂元達先鎖腰而入即以鎖鎖堂下樹呼曰
臣所言者社稷之計而陛下殺臣朱雲有言臣得與龍
逢比干遊足矣左右曳之不能動大司徒任顛等叩頭
出血曰元達為先帝所知盡忠竭慮知無不言臣等每
見之未嘗不發愧今言雖狂直願陛下容之聰默然劉
后聞之密敕左右停刑手疏上言今宮室已備無煩更
營四海未一宜愛民力廷尉之言社稷之福也宜加封
賞而更誅之四海謂陛下何如哉夫忠臣進諫者固不
顧其身也而人主拒諫者亦不顧其身也陛下為妾營
殿而殺諫臣使忠良結舌者由妾遠近怨怒者由妾公
私困弊者由妾社稷危者由妾天下之罪皆萃於妾
妾何以當之妾觀自古敗國喪家未始不由婦人心常
疾之不意今日身自為之使後世觀妾由妾之視昔人
也妾誠無面目復奉巾櫛願賜死此堂聰覽之变色命
顛等冠履就坐引元達上以表示之曰外輔如公內輔
如后朕復何憂更命園曰納賢園堂曰愧賢

集覽

鷄儀
義取

鳳皇
來儀

書法

娥者何字也立后書氏未有書字者此則曷為
書字譏也何譏英娥同位譏屬少者也娥漢同

姓妾同姓非矣
况立為后乎

夏四月太子業即位於長安索綝領太尉

懷帝凶問至長安皇太子舉哀因加元服即帝位以梁
芬為司徒麴允索綝為僕射是時長安城中戶不盈百
蒿荆成林公私有車四乘百官無章服印綬唯桑版署
號而已尋以綝為衛將軍領大尉軍國之事悉以委之

集覽

索綝姓名索昔
各反綝丑林反

書法

太子即位矣綝不書以何太子尚幼冲非能以

皇太子未有書奉者業特書奉懷帝永嘉六年非上
命未有不書自者允綝止書領綱目之權衡審矣

漢寇長安僕射麴允拒之

考異

提要拒下
○石勒遣石虎

攻陷鄴而據之

考異

石上漏
漢字

初劉琨用焦求為兖州刺史荀藩又用李述為之琨召
求還及鄴城失守琨復以劉演為兖州鎮廩丘前中書
侍郎郝鑒少以清節著名帥高平千餘家避乱保嶧山
琅邪王就用為兖州鎮鄒山三人各屯一郡兖州吏民
莫知**集覽**郝鑒姓名晉書**賈實**廩丘縣名注見周顯王
所從**集覽**注郝丑之反**賈實**十六年高平縣名注見
漢光武建武六年嶧山注見秦
始皇二十八年鄒山注同上年

琅邪王睿以華譚為軍諮祭酒陳頤為譙郡太守

譚嘗在壽春依周馥至是睿謂譚曰周祖宣何故反譚
曰周馥雖死天下尚有直言之士馥見寇賊滋蔓欲移
都以紓國難執政不悅與兵討馥死未踰時而洛都淪
沒若謂之反不亦誣乎睿曰馥位為征鎮召之不入危
而不持亦天下之罪人也譚曰然危而不持當與天下
共受其責非但馥也睿參佐多避事自逸參軍陳頤言
於睿曰洛中承平之時朝士以小心恭恪為凡俗偃蹇
倨肆為優雅流風相染以至敗國今僚屬皆承西臺餘
弊養望自高是前車已覆而後車又將隨之也請自今
臨使解疾者皆免官不從三王之誅趙王倫也制已交
格以賞功自是循而用之顧曰昔趙王篡逆惠皇失位
三王討之故厚賞以懷嚮義之心今功無大小皆以格
斷乃至金紫佩士卒之身符策委僕隸之門非所以重
名器正紀綱也請一切停之顧出於寒微數為正論府
中多惡之出**集覽**以格斷皆以已**賈實**祖宣周馥表字
為譙郡太守**集覽**交格例決斷之**賈實**譙郡注見漢獻
帝建安五年譙

吳興太守周玘卒

玘宗族彊盛琅邪王睿頗疑憚之睿左右用事者多中
州亡官失守之士駕御吳人吳人頗怨玘自以失職又
為才協所輕陰與其黨謀誅挑政以南士代之事泄憂
憤而卒將死謂其子總曰殺我者諸儉子也能復之乃
吾子也**集覽**總傲類反諸儉子儉仕行反顏師占曰吳人
也謂楚人為儉晉陽秋云吳人謂中州人曰儉
廣韻注儉楚人別種

書法

太守不卒卒玘何錄功也太守書卒始此
終綱目太守書卒四周玘郝超謝瞻馮寶

慕容廆攻段氏取徒河

初中國民避亂者多依王浚浚政法不立往往去之段氏兄弟專尚武勇不禮士大夫唯廆政事修明愛重人物故多歸之廆以裴嶷陽耽為謀主游邃逢羨封抽裴開為股肱宋該皇甫岌弟真及封奕封裕典機要嶷清方有幹畧兄武為玄菟太守卒嶷與武子開以其喪歸過廆廆敬禮之行及遼西道不通嶷欲還開曰等為流寓段氏疆慕容氏弱何必去此而就彼也嶷曰欲求託足之地豈可不慎擇其人汝觀諸段豈有遠畧且能待國士乎慕容公修仁行義有霸王之志加以國豐民安今往從之高可以立功名下可以庇宗族汝何疑焉既至廆大喜遂又避地於蓟後歸廆王浚屢以手書招其兄暢暢欲赴之遂曰彭祖必不能久宜且磐桓以俟之暢曰彭祖忍而多疑今手書殷勤而稽留不往將累及卿且亂世宗族宜分以冀遺種遂從之卒與浚俱沒

集覽

碑段文鴛段疾陸眷段匹

管實

徒河縣名注見武帝

注見漢武帝元封二年彭祖王浚表

五月以琅邪王睿為左丞相南陽王保為右丞相分督陝

東西諸軍事

詔曰今當掃除鯨鯢奉迎梓宮令由并兩州勒卒三萬直造平陽右丞相宜帥秦涼梁雍之師徑詣長安左丞相帥所領精兵造洛陽同赴大期克成元勳又詔睿以時進軍與乘輿會除中原睿辭以方平定江東未暇北伐以刀協為丞相差長史劉隗為司直隗雅習文史善伺候睿意故特親愛之主簿熊遠上書以為軍興以來處事不用律令主者不敢任法每輒闕諮非為政之體也愚謂凡為駁議者皆當引律令經傳不得直以情言無所依準以虧舊典若開塞隨宜權道制物

集覽

掃除

鯨鯢左傳宣十二年古者明王伐不敬取其鯨鯢而封之以為大戮注鯨鯢大魚名吞食小魚以喻不敬之人吞併小國殺之而以梓木為之親身之棺也風俗通曰宮者存時所居緣生

管實

劉隗彭城人諡之姪熊遠豫章

十五年

左丞相睿以祖逖為豫州刺史

祖逖范陽人少有大志與劉琨俱為司州主簿同寢中夜聞鷄鳴蹴視亮曰此非惡聲也因起舞及渡江左丞相睿以為軍諮祭酒逖居京口糾合驍健言於睿曰晉室之亂非上無道而下怨叛也由宗室爭權自相魚肉遂使戎狄乘隙毒流中土今遺民思奮大王誠能命將出師使如逖者統之以復中原郡國豪傑必有望風響應者矣睿素無北伐之志以逖為豫州刺史給千人廩命三千匹不給鎧仗使自召募逖將其部曲百餘家渡江中流擊楫而誓曰祖逖不能清中原而復濟者有如此大流遂屯淮陰起冶鑄兵募得二千餘人而後進

實 范陽郡名注見漢帝玄更始二年涿郡司州注見秦注襄王元年三川郡京口郡名注見成帝咸和三年

豫州 注見秦莊襄王元年三川郡

淮陰 縣名注見漢獻帝興平二年

陶侃破走杜弢王敦表侃為荊州刺史

周顛屯淠水城為杜弢所困陶侃使將軍朱伺救之弢退保淠口侃使伺逆擊大破之弢遁歸長沙敦乃表侃刺荊州屯淠江左丞相

集覽 淠水城淠本作尋江州圖

睿召顛復為軍諮祭酒

水之陽淠即蘭城是晉置尋陽郡刺史溫嶠徙治江南江北自置蘄州蘄春郡則尋已為蘄之望水淠口在零陵郡淠水出九疑山北

質實 一統志云淠水城在九江至淠道縣入江淠音聆

府城西一十五里本漢尋陽縣其城晉孟懷玉所築隋因水患移入城為附郭今名故州曰彭蠡曰淦城即其地也朱伺安陸人淠江注見漢獻帝建安十二年漢沔

發明

王處仲表陶侃刺荊州書之初無貶詞然亦足見其專輒之漸可為履霜之戒

冬十月氏楊難敵寇陷梁州刺史張光卒

初氏王楊茂搜之子難敵遣養子販易於梁州刺史張光殺之及光與王如餘黨楊虎相攻求救於茂搜茂搜遣難敵救光虎厚路難敵與夾擊光大破之光嬰城自守憤激成疾僚屬勸光退據魏興光按劔曰吾受國重

任不能討賊今得死如登僊何謂
退也聲絕而卒難敵竟攻拔之

質實

梁州注見周赧
王四年漢中魏

後與郡名注見漢
主建興八年

書法

於是光卒而後城陷先書寇陷何以失守之罪
罪光也曷為罪之光殺難敵之子而求援於茂
搜則難敵之來宜有以備之矣不備不虞不可以師
城之陷光為之也不先書陷則光得以逃其責矣

陶侃復擊杜弼大破之○漢劉曜寇長安十一月魏允破
走之

曜使趙染帥精騎襲長安夜入外城帝奔射鴈樓染焚
龍尾及諸營退屯道遙園將軍麴璜帥眾救長安與曜
遇於零武鑿兵大敗曜恃勝不設備麴允引兵
襲之漢兵大敗殺其將軍喬智明曜引歸平陽
縣名注見漢惠帝五年一統志云龍尾坡名在鳳翔府
岐山縣東二十里唐武德中移縣治於龍尾城鄭畋嘗
破黃巢兵于此零
武地名未詳處所

十二月石勒遣使奉表於王浚

考異 據建武元年書漢石
虎則此石勒也疑漏

漢字

浚謀稱尊號劉亮高柔切諫皆殺之燕國霍原志節清
高屢辭徵辟浚以尊號事問之原不答浚誣以罪殺而
梟其首於是士民駭怨而浚矜豪日甚不親政事所任
皆苛刻小人藁嵩朱碩貪橫尤甚比州誰曰府中赫赫
朱丘伯十囊五囊入藁郎石勒欲襲之未知虛實將遣
使覘之參佐請用羊祐陸抗故事致書於浚勒以問張
賓賓曰浚名為晉臣實欲廢晉自立但患四海英雄莫
之從耳將軍威振天下今折節事之猶懼不信况為羊
陸之亢敵乎夫謀人而使入覺其情難以得志矣勒曰
善遣舍人王子春奉表於浚曰勒本小胡遭世饑亂流
離屯厄竄命冀州竊相保聚以救性命今晉祚淪夷中
原無主為帝王者非公復誰願殿下應天順人早登皇
祚勒奉戴殿下如天地父母殿下察勒微心亦當視之
如子也浚甚喜謂子春曰石公可信乎子春曰殿下
州貴望威行夷夏自古胡人為輔佐名臣則有矣未有
為帝王者也石將軍非惡帝王不為而讓於殿下顧以

帝王自有歷數非智力之所取故也又何怪乎浚大悅遣使報聘游綸兄統為浚鎮范陽遣使私附於勒勒斬其使以送浚浚雖不罪統矣集覽羊祐陸抗故事祐晉將益信勒為忠誠無復疑矣集覽抗吳將二將對境務修德信皆不為掩襲之計質實燕國注見唐高祖武德四事在晉武帝泰始七年質實年幽州霍原廣陽人范陽郡名注見漢帝玄更始二年涿郡丘伯謂朱碩棗郎謂棗嵩

左丞相睿遣世子紹鎮廣陵

以丞相掾蔡謨為參軍質實蔡謨陳留人廣陵郡名注見漢後主建興二年

代城盛樂及平城

代公猗盧城盛樂以為北都治故平城為南都又作新平城於灑水之陽使右賢王六脩居之統領南部集覽盛樂注見漢後主景曜四年灑水

質實灑音力軌反水出鴈門郡凌靡縣質實一統志云灑府馬邑縣西北一十里洪濤山下即桑乾水之源也漢書謂之治水水經謂之濠水

二年漢嘉平四年春正月有如日隕于地又有三日相承東行

戌甲

二年漢嘉平四年春正月有如日隕于地又有三日相承東行

書法如日何非日也者世所無有者非日也非日也故曰有有也者世所無有者非日也非日也故

月相承晨見東方建始元年亦所無有之辭也愍帝之世變莫大於此者至太興元年又書日夜出高二丈晉之中葉何其多變哉終綱目千三百六十二年三日相承夜出三丈各一書而巳矣

有流星隕于平陽北化為肉

流星出牽牛入紫微光燭地隕平陽北化為肉長三十步廣二十七步漢主聰惡之以問公卿陳元達以為女寵太盛亡國之徵聰曰集覽牽牛天官書牽牛為犧牲此陰陽之理何関人事集覽其北河鼓也注正義曰牽

牛主関梁爾雅河鼓謂之牽牛郭璞注質實平陽縣名今荆楚人呼牽牛為擔鼓按擔荷也質實注見秦王

政十四年

書法書星隕多矣未有書所化者於是肉長三十步廣二十七步宇宙以來所未有之大異也平陽

漢地綱目不書漢為天下異之也

發明 是時劉聰竊據中土淫虐不已故星隕於其所

姑以見上天示變之意云爾

漢石勒復遣使奉表於王浚

浚使者至襄國勒匿其勁卒精甲羸師虛府以示之北
面拜使者而受書浚遣勒塵尾勒陽不敢執懸之於壁
朝夕拜之曰我不得見王公見其所賜如見公也復遣
董肇奉表于浚期以三月中旬親詣幽州奉上尊號亦
脩殿于棗嵩求弁州牧勒問浚於王子春子曰幽州
去歲大水人不粒食浚積粟百萬不能賑贍刑政苛酷
賦役殷煩忠賢內離夷狄外叛人皆知其將亡而浚意
氣自若曾無懼心方更置立臺閣布列百官自謂漢高
魏武不足比也勒撫几笑曰王彭祖真可擒也浚使者
還薊具言石勒形勢寡弱款誠無二浚益驕怠不復設
備覽 塵尾注見齊武帝永明十一年

質覽 襄國注見楚義帝元年幽州注見唐高祖武德四年

薊 縣名注見漢帝玄更始二年

發明 奉表乃人臣事上之禮也浚為臣子受之可乎

一以見勒之詐一以見浚之愚也然勒羯賊耳詐乃其所素有浚身為晉臣乃坐視朝廷傾覆而不救方且甘受其詐僥倖非望其罪有加於勒多矣故他日見殺於勒盡削其官也

梁州人張咸逐楊難敵以州降成

於是漢嘉涪陵漢中之地皆為成有主雄虛已好賢
隨才授任命太傅驤養民於內李鳳等招懷於外刑政
寬簡獄無滯囚興學校置史官其賦民男丁歲穀三斛
女丁半之疾病又半之戶調絹不過數丈綿數兩事少
役希民多富實新附者給復除是時天下大亂而蜀獨
無事年穀屢熟乃至閭門不閉路不拾遺然朝無儀品
爵位濫溢吏無祿秩取給於民軍
集覽 復除復芳目反
無部伍號令不肅此其所短也
質覽 梁州注見周赧王四年漢中漢嘉縣名注見
也 漢後主建興十三年涪陵縣名注見惠帝太

安二年漢中郡名注見周赧王四年

二月以張軌為太尉涼州牧劉琨為大將軍質實涼州注見唐中

二年宗景龍○三月漢石勒襲薊陷之殺王浚師還薊降於段

匹磾

勒纂嚴將襲王浚而未發張賓曰豈非畏劉琨及鮮卑烏桓為吾後患乎勒曰然賓曰彼三方智勇無及將軍者將軍雖遠出彼必不敢動且彼未謂將軍便能懸軍千里取幽州也輕軍往返不出二旬籍使彼有心比其謀議出師吾已還矣劉琨王浚雖同名晉臣實為仇敵若修葺于現送質請和琨必喜我之服而快浚之亡終不救浚而襲我也用兵貴神速勿後時也勒曰吾所未了右侯已了之遂以火宵行遣使奉葺于現自陳罪惡請討浚自效現大喜移檄州郡言勒已降當襲平陽除僭逆三日勒軍連易水浚督護孫緯馳遣白浚將勒兵拒之游統禁之浚將佐皆曰胡貪而無信必有詭計請擊之浚怒曰石公來正欲奉戴我耳敢言擊者斬設饗

以待之勒晨至薊叱門者開門猶疑有伏兵先驅牛羊數千頭聲言上禮實欲塞諸街巷浚始懼勒升其聽事執浚於前浚罵曰胡奴調乃公何凶逆如此勒曰公位冠元台手握疆兵坐觀本朝傾覆曾不救援乃欲自尊為天子非凶逆乎即送襄國斬之浚將佐等詣軍門謝罪前尚書裴憲從事中郎荀綽獨不至勒召而讓之對曰憲等世事晉朝荷其榮祿浚雖凶麤猶是晉之藩臣故從之不敢有貳明公苟不修德義專事威刑則憲等死自其分請就死不拜而出勒謝之待以客禮勒數朱碩棗高等以納財亂政責游統以不忠所事皆斬之籍浚將佐親戚家貲皆巨萬惟憲綽止有書百餘卷益米各卜餘斛而已勒曰吾不喜得幽州喜得二子以憲為從事中郎綽為參軍分遣流民各還鄉里勒停薊二日焚浚宮殿以故尚書劉琨行幽州刺史成薊置守宰而還孫緯遮擊之勒僅而得免勒遣使奉浚首獻捷于漢漢以勒為東單于劉琨請兵於拓跋猗廬以擊漢會猗廬所部雜胡謀應勒猗廬悉誅之不果赴約琨知勒無降意大懼劉琨不欲從勒乃歸段匹磾匹磾遂據薊城

集覽

纂嚴索隱曰謂纂集兵嚴也未了了曉也下同易水注見秦王政二十年聽事顏師古曰古者治官

處謂之聽事後語省直曰聽故加广禮記南面聽天下
注聽體寧反調乃公調去聲戲弄也乃公猶言汝翁也
正誤 未了今按 了猶决也

左丞相屠以邵續為平原太守

王浚所署樂陵太守邵續附勒勒以其子人為督護渤海太守劉胤棄郡依續謂曰君晉之忠臣奈何從賊以自汚乎會段匹碑以書邀續同歸江東續從之其人曰其如又何續泣曰我豈得顧子而為叛臣乎殺異議者數人勒聞之殺又續遣胤使江東辱以胤為參軍續為平原太守石勒圍續匹碑救之勒引去
質實 樂陵郡名注見宋明帝泰始三年勃海國名注見隋恭帝義寧二年景城郡劉胤掖縣人邵續安陽人平原郡名注見漢光武建武五年

襄國大饑質實

襄國注見楚義帝元年
時穀二升 值銀一介

夏五月太尉涼州牧西平公張軌卒子寔嗣

軌寢疾遺令文武將佐務安百姓上思報國下以寧家軌卒長史張璽等表世子寔攝父位詔寔為都督刺史
西平公謚 **質實** 西平郡名注見軌曰武穆 懷帝永嘉二年

書法 書卒何予忠也軌自書為涼州刺史惠帝永寧元年繼書遣北宮純入衛懷帝永嘉二年又書

遣兵詣長安懷帝永嘉六年又書以為太尉涼州牧至是具官爵姓書卒皆所以重予之也

發明 綱目於晉世割據諸人皆書死獨於西涼張氏及前燕慕容氏父子獨書其爵及以卒書者何

予其有匡輔晉室之功也夫晉之南渡猶周之東遷也東遷之後諸侯不復宗周獨齊桓晉文拳拳以尊王室為事故春秋予之當五胡亂華之時干戈紛紛世不復知有晉矣而張氏據涼慕容氏據燕獨能不忘本朝此其所以予之也

六月漢寇長安索紉大破之

漢寇長安索紉大破之

漢大司馬中山王曜趙染寇長安索繚出拒之染有輕
繚之色長史魯徽曰晉之君臣自知疆弱不敵將致死
於我不可輕也染曰以司馬模之疆吾取之如拉朽索
繚小豎豈能汚吾馬蹄刀刃邪晨帥輕騎數百逆之曰
要當獲繚而後食繚與戰于城西染兵敗而歸悔曰吾
不用徽言至此何面目見之先命斬徽徽曰將軍愚復
以取敗乃復忌前害勝猶有天地其

實

長安縣名注見漢惠帝五年

漢石勒命州郡閱實戶口

戶出帛二匹穀二斛

冬漢主聰以子粲為相國

考異

子上漏其字

漢晉王粲少有雋才自為相驕奢專恣遠賢親倭嚴刻懷諫四人始惡之

三年漢建元春正月左丞相廢以周札為吳興太守

周總以其父遺言因吳人之怨謀作亂使吳興功曹徐
馥矯稱叔父札之命收合徒眾以討王導乃協豪傑翕
然附之是月馥殺吳興太守孔侃總知札意不同不敢發馥黨
大驚以告義興太守孔侃侃亦眾應馥左丞相廢議發兵討
懼攻馥殺之札子續亦眾應馥左丞相廢議發兵討
之王導曰今少發兵則不足以平寇多發兵則根本空
虛續族弟黃門侍郎連忠果有謀請獨使連往足以誅
續廢從之連兼行至郡將入遇續於門逼與俱詣侃坐
定連謂侃曰府君何以置賊在坐續即出衣中刀逼連
筵北郡傳教格殺之因欲誅總札不聽委罪於從兄邵
而誅之連不歸家省母遂長驅而去辱以札為吳興太
守筵為太子右衛率以周氏吳之豪望故不旁治撫總
如**集覽**其父遺言前年侃將死曰殺我者諸儉子也能
舊**集覽**復之乃吾子也傳教格殺之郡之傳教令者姓
吳名魯格者**實**吳興郡名注見宋明帝泰始二年刀
相抱而殺之**實**協渤海饒安人義興郡名注見武帝
太元十七年

二月以左丞相廢為丞相都督中外諸軍事南陽王保為

相國劉琨為司空

質實

南陽郡名注見秦二世三年

○進代公猗盧爵

為王

詔廷猗盧爵為代王置官屬食代常山二郡猗盧請并州從事莫舍於劉琨舍不欲行琨曰以并州單弱吾之不材而能自存於胡羯之間者代王之力也吾傾身竭貲以長子為質而奉之者庶幾為朝廷雪大耻也卿欲為忠臣奈何惜共事之小誠而忘殉國之大節乎往事代王為之腹心乃一州之所賴也舍遂行猗盧甚重之常與參大計猗盧用法嚴國人犯法者或率部就誅老幼相攜而行人問何之曰往就死無一人敢逃匿者

集覽

莫舍姓名舍與舍同

書法

書進其爵何命自上出也與書魏公操進爵為王者異矣漢獻帝建安二十一年終綱目書進其爵為王七猗盧朱全忠再書李克用錢鏐王建羅紹威詔其進爵為王三周齊公憲李晟朱全忠

三月杜弼將張彥陷豫章尋陽太守周訪擊斬之

王敦等陶侃等討杜弼前後數十戰弼將士多死乃請降丞相膺以為巴東監軍弼既受命諸將猶攻之不已弼不勝憤怒復反遣其將張彥陷豫章周訪擊斬之

質實

巴東郡名注見漢獻帝建安十九年周訪汝南人尋陽郡名注見明帝太寧二年

漢太子太傅崔瑗少保許遐伏誅

兩血於漢東宮延明殿太弟義惡之崔瑗許遐說義曰今相國威重踰於東宮殿下非徒不得立也朝夕且有不可測之危不如早為之計義弗從舍人告之漢主聰殺瑗遐使將軍卜抽將兵監守東宮義上表乞為庶人且請以察為嗣

集覽

相國劉聰之子名察

漢曹疑據臨淄

漢青州刺史曹疑盡得齊魯間郡縣自鎮臨淄有衆十餘萬臨河置戍石勒表稱疑有專據東方之志請討之漢主聰恐勒威疑不可復制弗許

集覽

曹疑姓名疑吾已反

質實

青州注見漢桓帝永康元年臨

淄縣名注見周赧王三十一年

漢立三后

漢主聰納中護軍勣準二女月光月華立月光為上皇后劉貴妃與月華為左右皇后陳元達極諫以為並立三后非禮也聰不悅元達又奏月光有撒行聰不得已廢之月光慙恚自殺聰以是恨元達

書法

書識也自漢立三后其後也周立四后立五后益無謂矣

夏六月盜發漢霸杜二陵

盜發二陵及薄太后陵得金帛甚多朝廷以用度不足詔收其餘以實內府

寶

霸陵注見漢文帝二年

年杜陵注見漢元帝初元元年

發明

綱目書盜發二陵分注載得金帛甚多此亦可為厚葬者之戒

陶侃擊杜弢破之弢走死湘州平丞相睿加王敦都督江

楊等州軍事

陶侃與杜弢相攻弢使王真出挑戰侃遙謂之曰弢為益州小吏盜用庫錢父死不葬喪卿本佳人何為隨之

天下寧有白頭賊邪真遂降弢衆潰遁走道死侃進克長沙湘州悉平丞相睿進王敦鎮東大將軍都督江揚

荆湘交廣六州諸軍事江州刺史敦始自選置刺史以下寔益驕橫物王如之降也敦從弟稜愛如驍勇請敦

配已麾下甚加寵遇如數與敦諸將角射爭鬪稜杖之如深以為耻及敦潛畜異志稜每諫之敦怒密使人激

如殺稜敦聞之陽驚亦捕如誅之

集覽

配已麾下請以王

質實

長沙郡名注見

漢獻帝興平元年湘州注同上年

王敦徙陶侃為廣州刺史

考異

提要王字上有荆州吏杜曾奉兵拒陶侃十字徙下

無陶字

初朝廷以第五琦為荆州刺史杜曾迎琦於襄陽聚兵萬人與琦分據漢沔侃既破杜弢乘勝進擊曾有輕曾

之志反為所敗死者數百人時荀崧都督荊州屯宛會引兵圍之崧兵少食盡欲求援於故吏襄城太守石覽崧小女灌年十三帥勇士數十人踰城突圍夜出且戰且前遂達覽所又為崧書求救於周訪訪遣子撫帥兵與覽共救崧會乃遁去會復致成於崧求自效崧許之侃遺崧書曰杜會凶狡所謂鷓鴣食母之物此人不死州土未寧足下當識吾言崧以兵少藉為外援不從會復帥流亡二千餘人圍襄陽不克而遷王敦嬖人錢鳳疾侃之功屢毀之侃請敦自陳敦留不遣左轉廣州刺史以其從弟廙刺荊州將吏鄭攀等請敦留侃不許衆情憤惋遂迎杜會第五猗以拒廙敦意攀等承侃風旨被甲持矛將殺侃侃出而復還者數四侃正色曰使君雄斷當裁天下何此不決乎因起如廁參軍梅陶言於敦曰周訪與侃親姻如左右手安有斷人左手而右手不應者乎敦意解乃設盛饌以餞之侃便夜發時王機盜據廣州侃至始興州人皆言宜觀察形勢侃不聽直至廣州遣督護討機走之廣州遂平侃在州無事輒朝運百甓於齋外暮運於齋內人問其故答曰吾方致力中原過爾優逸恐不堪事故習勞耳

集覽

第五猗第五桓姓猗其名也第

左轉猶言左遷也廙羊吏反風旨風讀曰調微如曉告也始興漢武定南粵而曲江縣隸桂陽郡後漢置始興郡尉宋改廣興齊復置始興隋改曰韶州百甓甓蒲歷反韻會僊甌謂之甓詩中唐有甓注鄭玄曰甌甌也

正誤

風旨今按管實襄陽郡名注見齊和帝中興元年

安十二年宛縣名注見周赧王十七年襄城郡名注見周赧王十五年廣州注見武帝太康元年交廣一統志云始興三國吳之郡名治曲江縣劉宋改為廣興郡齊復改為始興郡隋平陳郡廢以其地屬廣州唐置蕃州治曲江縣尋改為東衡州貞觀初改為韶州五代時屬南漢道天寶初復改始興郡後又改為韶州五代時屬南漢宋仍置韶州屬廣南東路元改置韶州本朝初改為韶州府隸廣東道

書法

直書敦徒惡專也據前為荊州書敦表

冬十月漢寇馮翊陷之

劉曜寇北地進拔馮翊翹允軍于靈武以兵弱不敢進帝屢徵兵於相國保保左右皆曰蝮蛇螫手壯士斷腕

今蛇已螫頭頭可斷乎保乃以胡崧行前鋒都督須諸

軍集乃發先欲奉帝往就保索緝曰保得天子必逞其

私志乃止於是自長安以西不復貢奉百官饑乏採稻

以自**集覽**北地注見漢哀帝建平元年靈武注見唐玄

蠖蛇螫手蠖音福毒蛇也螫音釋行毒也蠖螫手則手

斷楚辭招鬼曰蠖蛇養養注蠖大蛇也山海經曰蠖蛇

色如綬文大者百餘斤一名反鼻蛇探稻稻本作擗通

作旅漢光武本紀嘉穀旅生注旅寄也不因種而生

質實長安縣名注見漢惠帝五年

涼州軍士得璽文曰皇帝行璽獻於張寔僚

屬皆賀寔曰是非人臣所得留歸之長安

質實涼州注見唐中宗景龍二年

四年漢麟嘉春二月漢殺其少府陳休等七人

漢中常侍王沈郭琦等寵幸用事漢主聰遊宴後宮或

百日不出政事一委相國蔡惟殺生除拜乃使沈等入

白沈等多自以其私意決之琦有怨於太弟義謂蔡曰

聞太弟與大將軍謀因上已大宴作亂今禍期甚迫宜

早圖之殿下儻不信臣言可召大將軍從事王皮司馬

劉惇許其歸首以問之必可知也蔡許之琦密謂皮惇

曰三王逆狀主上及相國具知之矣卿同之乎二人驚

曰無之琦曰茲事已決吾隣卿親舊弄見族耳因歎歎

流涕二人懼叩頭求哀琦曰相國問卿但云有之皮惇許諾蔡問之二人至不同時而其辭若一蔡以為信然靳準復說蔡曰人告太弟為變主上必不信宜緩東宮之禁使賓客得往來太弟雅好待士必不以此為嫌輕薄小人不能無迎合為之謀者然後下官為殿下露表其罪收其賓客考問之獄辭既具則主上無不信之理也蔡乃命卜抽引兵去東宮少府陳休將軍卜崇為人清直沈等深疾之侍中卜幹謂休崇曰沈等勢力足以回天地卿輩自料親賢孰與實武陳蕃休崇曰吾輩年踰五十職位已崇唯欠一死耳死於忠義乃為得所安能俛首低眉以事闒豎乎至是聰命收休崇及特進蔡母達等七人誅之皆宦官所惡也卜幹泣諫王沈

子丙

叱之聰怒免幹為庶人河間王易及陳元達等諫曰今

遺晉未殄巴蜀不賓石勒謀據趙魏曹嶷欲王金齊陞

下心腹四肢何處無患乃復以沈等助亂誅巫咸戮扁

鵠臣恐遂成膏肓之疾後雖救之不可及已請免沈等

官付有司治罪聰以表示沈等笑曰群兒為元達所引

遂成癡也聰問沈等於黎黎盛稱其忠清聰悅封沈等

為列侯易又上疏極諫聰大怒手壞其疏易忿恚而卒

易素忠直元達倚之為援得盡諫爭及卒元達哭之慟

日人之云亡邦國殄悴吾既不復能言安用默默苟生

乎婦而自殺既而聰宴群臣引見太弟又見其憔悴涕

泣陳謝聰亦慟

集覽 歸首漢書鼂錯入宮自歸正義曰

使卜抽將兵監守東宮今命其離去竇武陳蕃竇武漢

桓帝后父靈帝時與陳蕃謀誅宦官事泄被害特進

母達特進注見漢成帝鴻嘉元年綦毋音其無複姓也

名達巫咸商書序注巫咸臣名馮氏云殷之巫也名咸

天官書太史公曰昔之傳天數者殷商巫咸正義曰巫

咸殷賢臣本吳人家在蘇州常熟西海隅山上子賢亦

在焉扁鵲春秋時人姓秦名越人渤海郡鄆縣人為醫

或在齊或在趙在趙者名扁鵲正義曰黃帝八十一難

序云秦越人與軒轅時扁鵲相類故仍號為扁鵲又家

於盧國因命曰盧醫按盧國今齊州縣膏肓之疾左傳

成十年晉侯疾病求醫于秦秦伯使醫緩為之緩至曰

疾在肓之上膏之下攻之不可達之不及藥不至焉不

可為也注肓也心下也

質實 巴蜀二郡名巴注見周顯

為膏說文心下肓上也

質實 王五年蜀注見漢後主建

興三年竇武陳蕃事見漢靈帝建寧元

年河間國名注見漢帝玄更始二年

發明 陳休等皆以忠直事人自以為盡節而死然失

而不列叙其名者畧之也畧之者賤之也是以君子謹於擇主

代六脩弒其君猗盧普根討之而立尋卒鬱律立

初代王猗盧愛其少子比延欲以為嗣使長子六修出

居新平城而黜其母六修來朝猗盧使拜比延六修不

從而去猗盧大怒帥衆討之兵敗遂為所弒猗苞子普

根攻六修滅之代立國中亂將軍衛雄箕澹與劉琨

質子遵帥晉人及烏桓三萬家馬牛羊十萬頭

歸于琨琨兵由是復振普根尋卒國人立鬱律

質實 烏桓

東胡國名注見漢宣帝本始三年

張寔遣兵入援

張寔下令所部吏民有能舉其過者賞以布帛羊米賊曹佐隗瑾曰明公為政事無巨細皆自決之群下畏威受成而已如此雖賞之千金終不敢言也謂宜少損聰明延訪群下使各盡所懷然後采而行之則嘉言自至何必賞也寔悅從之增瑾位二等寔遣將軍王該帥步騎五千入援長安且送諸郡貢計詔拜寔都督陝西諸事

集覽

賊曹佐職主盜賊事

書法

前書張軌遣督護入衛矣又書張軌遣兵詣長安矣於是復書張寔遣兵入援張氏父子可謂能事君矣備書予之書入援始此終綱目書入援十有五 是年梁戊辰年湘東王繹邵陵王綸鄱陽王範等緯黎等庚午年武陵王紀唐玄宗天寶十五年回紇于寘王肅宗寶應元年回紇德宗建中四年靈武諸道李茂德宗廣明元年王處存王重榮昭宗乾寧二年王建三年李克用

發明

春秋之法凡書救未有不善者然於救之中又衛是也救在遠國則罪四隣晉陽處父救江是也救在夷狄則罪中國狄救齊吳救陳是也是時虜寇滔天晉室危如累卵四方征鎮擁兵自固未聞有勤王之舉張寔遠在河西乃能遣兵入援綱目據事書之近地諸鎮得無愧乎美在遠者則責在近者此固書法之深意也吁

石勒寇廩丘陷之

考異

石上漏漢字

劉演奔

質實

廩丘縣名注見周顯王十六年

夏六月朔日食 ○秋七月漢劉曜陷北地進至涇陽

曜圍北地魏先救之曜使反間給先曰郡城已陷往無及也衆懼而潰曜追敗先遂取北地先性仁厚無威斷喜以爵位悅人諸郡太守皆領征鎮村塢主帥小者猶假銀青將軍之號然恩不及下故諸將軍驕恣而士卒離怨曜進至涇陽渭北諸城悉潰曜獲將軍魯克梁緯飲之酒曰吾得子天下不足定也克曰身為晉將國家

喪敗不敢求生若蒙公恩速死為幸曜曰義士也與之
錮令自殺緯妻辛氏美色曜將妻之辛氏大哭曰妾夫
已死義不獨生且一婦人而事二夫明公又
安用之曜曰貞女也亦聽自殺皆以禮葬之
注見漢哀帝建平元年涇陽
縣名注見周赧王四十九年

漢主聰立婢樊氏為后

樊氏故張后侍婢也聰立為上皇后三后之外佩皇后
璽綬者復七人嬖寵用事刑賞紊亂大將軍數數涕泣
切諫聰怒曰汝欲乃公速死邪何
以朝夕生來哭人敷憂憤而卒

書法

漢書立三后矣於是又以婢為后而位之上是
何以母儀一國乎故綱目直書立婢而斥名聰

所以深惡之也立婢耻矣立其父婢又甚哉終綱目
書立婢為后三漢主聰婢乙未年間主璘丙申年閩
主景並父婢未有
不斥其名者也

發明

聰夷狄也本無足責然據有中土僭號稱尊故
其所為亦不容盡畧是以前書立三后此書立

婢樊氏皆以著其雜亂之醜也夫並后且為亂階况
三后乎妾媵且不可為主况賤婢乎據事直書惡自
見矣

漢大蝗

河東平陽大蝗民流殍者什五六石勒遣將屯并州
招納流民歸之者二十萬戶聰遣使讓之勒不受命
實 河東郡名注見漢獻帝建安七年平
陽郡名注見周威烈王二十三年

冬十一月漢劉曜陷長安帝出降御史中丞吉朗死之漢

封帝為懷安侯

考證 封當
作廢

曜逼長安安定太守焦嵩新平太守竺恢引兵來救皆
畏漢兵彊不敢進相國保遣胡崧入授擊曜於靈臺破
之崧恐國威復振則麴索勢盛乃還槐里曜攻陷長安
外城麴允索緝退守小城內外斷絕城中饑甚亡逃不
可制唯涼州義衆千人守死不移太倉有麴數十甃允
屑之為粥以進至是帝泣謂允曰今窮厄如此外無救

援當忍耻出降以活士民因歎曰誤我事者趙索二公也
也使侍中宋敞送降牋於曜繼潛留敞使其子說曜曰
若許繼以車騎儀同萬戶郡公者請以城降曜斬而送
之曰帝王之師以義行也孤將兵十五年未嘗以詭計
敗人必窮兵極勢然後取之今繼所言如此天下之惡
一也輒相為戮之帝乘羊車肉袒出降群臣號泣攀車
帝亦悲不自勝御史中丞吉朗歎曰吾智不能謀勇不
能死何忍君臣相隨北面事賊虜乎乃自殺曜送帝於
平陽漢主聰臨光極殿帝稽首於前伏地慟哭聰怒
囚之允自殺聰以帝為光祿大夫封懷安侯以曜為太
宰假黃鉞督陝西封秦王贈允車騎將軍謚節愍侯斬
繼于市于寶曰晉之亡也樹立失權託付非才四維不
張而苟且之政多也夫基廣則難傾根深則難拔理節
則不亂膠結則不遷昔之有天下者所以能長久用此
道也今晉之興也其基本固異於先代矣加以朝寡純
德之人卿之不貳之老風俗淫僻耻尚失所學者以莊
老為宗而黜六經談者以虛蕩為辯而賤名檢行身者
以放濁為道而狹節信進仕者以苟得為貴而鄙居正
當官者以望空為高而笑勤恪是以劉頌屢言治道傳
咸每糾邪正皆謂之俗吏而倚杖虛曠依阿無心者名

重海內由是毀譽亂於善惡之實情愚弊於貨欲之途
選者為人擇官官者為身擇利其婦女不知女工任情
而動逆舅姑殺妻媵父兄弗之罪也天下莫之非也禮
法刑政於此大壞國之將亡本必先顛其此之謂乎故
觀阮籍之行而覺禮教崩弛之所由察庾純賈充之爭
而見師尹之多僻考平吳之功而知將帥之不讓思郭
欽之謀而寤戎狄之有釁覽傅玄劉毅之言而得百官
之邪核傅咸之奏錢神之論而覩寵賂之彰民風困勢
既已如此雖以中庸之才守文之主治之猶懼致亂况
惠帝以放蕩之德臨之哉懷帝承亂得位羈以疆臣愍
帝再播之後徒守虛名天下之勢既
去非命世之雄才不能復取之矣

集覽

靈臺縣名屬安定今涇州

正誤

望空今按文選注引劉謙晉紀元康以來

質實

安定郡名注見

望白署空顯以台衡之量蓋謂當官者不
務實治事省審案牘但望空署白而已
漢光武建武元年新平郡名注見漢桓帝延熹五年邠
州一統志云靈臺古地名即古之密須國漢為北地郡
鶡觚縣地晉為鶡觚陰密二縣地屬安定郡隋析置靈
臺縣取文王伐密作靈臺之義後省入鶡觚唐復置宋

金仍舊元初省入涇川後復置以良原縣省入本朝
因之改屬平涼府魏索謂魏允索緝也掘里縣名注見
漢元帝永光元年懷安三國吳之縣名分宛陵地置之
晉屬宣城郡隋省之故城在寧國府寧國縣西南四十
里二

書法

書帝出降與遷異矣既至平陽帝稽首魏允
哭聰怒囚之允自殺其視庾珉王儁等耳則何
以不書允之慟哭義也因而自殺則安知其非有不
得已者乎固不可與朗之自殺同矣珉儁不書官朗
何以書朗稱不忍北面事賊則固
晉廷之臣也故特書官書死之

發明

懷帝書遷愍帝書出降各書其實也春秋凡因
滅君死則止書滅或執或遷或殺則皆滅國者
之罪或以歸或出奔或降于師則皆不能死於其位
者之罪此固書法不同之意而亦綱目之所本也晉
氏失馭虜寇滔天四方無勤王之衆京邑無守禦之
資愍帝勢窮力屈身為降虜雖有忍耻以活士民之
語然辱亦甚矣綱目據事直書雖欲曲為隱諱不可
得也然則強暴橫逆者獨無罪乎夫滅人家國奪人

土地毀人宗廟其罪固無待於貶黜而後見况夷狄
亂華又匪其他滅國者之比書之于冊亦以著非常
之變哀中國之不幸而已吉中丞自殺則書死節魏
先亦自殺何以不書允任事大臣危不能持顛不能
扶死自其分僅足以償誤朝之罪故耳劉曜直書陷
長安如入無人之境又以見晉之虛弱如此可勝歎
吁哉

石勒寇樂平劉琨救之大敗樂平遂陷

考異

石上漏
漢字

石勒圍樂平太守韓據請救於劉琨琨新得倚盧之衆
欲因其銳氣以討勒箕澹諫曰此雖晉民久淪異域未
習明公思信恐其難用不若閉關守險務農息兵琨不
從命澹帥騎二萬為前騎琨屯廣牧為之聲援勒據險
要設疑兵於山上前設二伏出輕騎與澹戰陽為不勝
而走澹縱兵追之入伏中勒前後夾擊大破之澹奔代
郡據棄城走

集覽

弁土并州境土也按弁州今太原府
是正義曰漢置太原郡分置弁州

質實

一統志云樂平晉之郡名治樂平縣本漢之沾縣
地屬上黨郡隋初郡廢以縣屬遼州大業初改屬

太原郡唐初置遼州於樂平後徙州治遼山朱陞為平
晉軍尋廢復為樂平縣屬平定軍金陞軍為臯州尋廢
以縣屬平定州元仍舊 本朝因之改
屬太原府并州注見齊明帝建武三年

十二月朔日食。劉琨長史以并州叛降石勒琨犇薊

司空長史李弘以并州降勒琨進退失據段匹碑遣信
邀之琨帥眾犇薊匹碑見琨甚相親重與結婚約為兄

弟質實薊縣名注見漢

石勒以李回為高陽守考異石上漏漢字

勒遣孔萇攻賊帥馮腊久而不克流民數萬戶在遼西
迭相招引民不安業勒問計於張賓賓曰馮腊本非公
仇流民亦皆戀本今班師振旅選良牧守使招懷之則
幽冀之寇可不日而清遼西流民將相帥而至矣勒乃
召萇歸以李回為高陽太守腊帥其眾降流民歸者相繼於道
莊八年甲午祠兵祠兵者何出曰祠兵入曰振旅其禮
一也皆習戰也注云禮兵不徒使故將出兵必祠於近

郊陳兵習戰殺生饗士卒其禮一者言將出不嫌不習
故以祠兵言之將入嫌於廢之故以振訊士衆言之祠
兵壯者在難在前也振旅壯者在後復質實一統志
長幼且備後也又注見漢宣帝神爵二年云高陽
古地名漢置高陽縣屬涿郡東漢屬河間因三國魏置
高陽郡隋罷郡以縣置滿州尋罷唐初復置滿州貞觀
初州罷以縣屬瀛州宋熙寧中省為鎮尋復為縣金屬
莫州後屬安州元仍舊本朝因之改屬保定府遼西
郡名注見漢獻帝建安十年

丞相睿出師露次移檄北征

睿聞長安不守出師露次躬擐甲胄移檄四方刻日北
征以漕運稽期斬督運令史淳于伯刑者以刀拭柱血
流上至柱末二丈餘而下觀者咸以為冤司直劉隗上
言伯罪不至死請免從事中郎周逵等官於是王導等
引咎請解職睿曰政刑失中皆吾聞塞所致一無所問
隗性剛訐當時名士多被彈劾睿率皆容貸由是眾怨
歸之南中即將王含敦之兄也以族彊位顯驕傲自
恣隗奏舍文致甚苦事雖被寢而王氏深忌疾之集

覽 傳擢甲執兵文致持法深刻謂之文以文法致人於罪謂之文致

書法 征伐不書出師書出師何遲延也若曰書無北伐之志徒見出師露次移檄北征而已矣是故

書無北伐之志則書曰出師露次移檄北征是年高駢無討賊之實則書曰移檄討賊出屯東塘唐僖宗

初平二年皆譏其非誠也終綱目書移書一漢獻帝

發明 當長安危蹙之際琅邪初無救援之意及聞其勤王之舉然始出師露次移檄北征大書于冊若足示

而已綱目於此雖曰幸之蓋亦惜之也此事觀之其

義自見

丞相睿以邵續為冀州刺史劉遐為平原內史

晉寶 冀州注見

秦二世二年信都平原因名注見漢光武建武五年

中宗元皇帝建武元年 漢麟嘉二年○涼元公張寔稱建

新小國一 考異 提要帝下注睿字按歲年例曰凡正統朱

凡三楷國 書國號謚號君名年號又君名下注曰即

位在今年內者用之則此當依提要而大書睿字於

帝字之下然中宗元皇帝睿建武八字皆當用白字

月張寔遣司馬韓璞將兵伐漢

黃門郎史淑自長安奔涼州稱愍帝出降前一日使淑

齊詔賜張寔拜涼州牧承制行事且曰朕已詔琅邪王

時攝大位君其協贊共濟多難淑至姑臧寔大臨三日

辭官不受初寔叔父肅為西海太守聞長安危逼請為

先鋒入援寔以其老弗許及是肅悲憤而卒寔遣司馬

韓璞等帥步騎一萬東擊漢遺相國保書曰王室有事

不忘投軀前遣賈騫瞻公舉動中被符命敕騫還軍魯

開朝廷傾覆為忠不遂憤痛之深死有餘責今遣璞等

惟公命是從璞等卒不能進而還先是長安謚曰秦川

中血沒腕唯涼州倚柱觀及漢兵覆關中氏羗掠隴

丁

右雍秦之民死者什一姑臧縣屬武威郡在河西括

富饒按武威今西涼州是也倚柱觀觀去聲諦視也倚

柱而觀閑雅貌猶言袖手傍觀荀子性惡篇倚而觀天

猶坐觀也質實一統志云姑臧漢之縣名為武威郡治

址在陝西行都司涼州衛城東二里西海晉之郡名治

集乃路總管府領山丹西寧二州本朝初廢之故城

在陝西肅州東北五百一十里涼州注見唐中宗景龍

年二

書法於是璞等竟不能進而還矣書伐漢何予義

也張氏父子之事綱目悉書之所以勸義也

發明自胡羯交亂懷愆蒙塵未聞遠近有勤王之師

獨張寔前日遣兵入援至於長安不守諸軍逃

散惟涼州義衆守死不移今又遣將伐賊雖卒不能

進然綱目書之若真能伐漢然者蓋予其忠義之節

所以遂其本志云爾書法若此其為斯世勸也多矣

二月漢寇榮陽太守李矩擊敗之

漢劉暢帥兵三萬攻榮陽矩未及為備乃遣使詐降暢

不復設備矩欲夜襲之士卒皆疑懼乃遣其將郭誦禱

於子產祠使巫陽言曰子產有教當遣神兵質實榮陽

相助衆皆踊躍爭進掩擊暢營暢僅以身免郡名

注見秦莊襄王元年一統志云子產祠在開

封府新鄭縣西通鑑云子產鄭大夫因僑也

三月丞相睿即晉王位

更革皆書東漢之興也建武二年立宗廟郊社于洛陽昭

烈即位立宗廟拾祭高皇帝以下東晉開百年之基立宗

集覽

姑臧縣屬武威郡在河西括

地志云姑臧在卷胡中最高

倚柱觀觀去聲諦視也倚

柱而觀閑雅貌猶言袖手傍觀荀子性惡篇倚而觀天

猶坐觀也質實一統志云姑臧漢之縣名為武威郡治

址在陝西行都司涼州衛城東二里西海晉之郡名治

集乃路總管府領山丹西寧二州本朝初廢之故城

在陝西肅州東北五百一十里涼州注見唐中宗景龍

年二

書法於是璞等竟不能進而還矣書伐漢何予義

也張氏父子之事綱目悉書之所以勸義也

發明自胡羯交亂懷愆蒙塵未聞遠近有勤王之師

獨張寔前日遣兵入援至於長安不守諸軍逃

散惟涼州義衆守死不移今又遣將伐賊雖卒不能

進然綱目書之若真能伐漢然者蓋予其忠義之節

所以遂其本志云爾書法若此其為斯世勸也多矣

三月丞相睿即晉王位

更革皆書東漢之興也建武二年立宗廟郊社于洛陽昭

曰世子宣城俱有朗儁之美而世子年長王從之立世子紹為王太子封哀為琅邪王奉恭王後鎮廣陵以西陽王羨為太子保封譙王遜之子承為譙王王敦為大將軍王導為揚州刺史領中書監錄尚書事才協為僕射周顛為吏部尚書賀循為太常時承喪亂之後江東草創協久官中朝諳練舊事循為世儒宗明習禮學凡有疑議皆**集覽**出次次喪次也禮孝子次中門之外賈氏取決焉**集覽**曰凡言次者倚廬聖室以下總名孝子次於中門外者哀親之在外**質實**弘農郡名注見周顯王也哀蕭侯反兼餘亮反**質實**四十五年陝宣城郡名注見漢明帝永平十三年丹陽西陽國名注見懷帝永嘉元年譙國名注見漢獻帝建安十五年**廣陵**郡名注見漢武帝元朔五年朗儁之美詳其義按釋名云朗明也儁偉也

劉琨慕容廆皆遣使勸進

劉琨段匹磾相與歃血同盟翼戴晉室琨檄告華夷遣右司馬溫嶠奉表詣建康勸進琨謂嶠曰晉祚雖衰天命未改吾當立功河朔使卿延譽江南行矣勉之嶠至建康王導周顛庾亮等皆愛其才爭與之交王以慕容廆為龍驤將軍大單于昌黎公廆不受處士高詡曰勸王之資非義不濟今晉室雖微人心猶附之宜遣使江東示有所遵然後杖大義以征諸部不患無**集覽**勸進辭矣廆從之遣長史王濟浮海詣建康勸進

進上尊號也延譽延引也譽去聲延譽猶言傳名也行矣漢書注顏師古曰行矣猶言好去也詔况羽反杖大義杖上聲持也漢書扶義而西注顏師古曰扶或作杖杖者倚任之意也**正誤**勸進今按言也位**質實**歃血注見周赧王五十七年昌黎縣名注見武帝太康二年溫嶠太原祁人愔之子**書法**書勸進何正統也故雖未即位特書元年終綱目書勸進者惟晉元帝漢主知遠而已**發明**琨中國也廆夷狄也合而書之者嘉廆能尊主知義所謂夷而進於中國則中國之也

夏四月漢主聰殺其太弟義

相國黎使其黨謂義曰適奉中詔云京師將有變宜衷甲以備義信之命宮臣皆衷甲黎遣告靳準王沈準白漢主聰曰太弟將為亂已衷甲矣聰於是誅東宮官屬阮士卒萬五千餘人廢義為北部王黎尋使準殺之

形神秀爽寬仁有器度故士心多附之聰聞其死哭之
勸曰吾兄弟止餘二人而不相容安得使天下知吾心

邪集覽

王沈姓名

質實

袁甲注見梁武帝太清二年

五月日食○六月豫冀青寧等州皆上表勸進

豫州牧荀組及冀州刺史邵續青州曹
嶷寧州王孫等皆上表勸進王不許

質實

張九韶曰

治項城注見秦莊襄王元年三川冀州
二世二年信都青州治臨淄注見漢桓帝永康元年寧

州治雲南注見漢武帝元狩元年滇國

祖逖取譙城漢石虎入寇逖擊走之

初流民張平樊雅各聚衆在譙為塢主王之為丞相也
遣行參軍桓宣說而下之及逖屯蘆洲使參軍殷乂詣

平雅乂意輕平視其屋曰可作馬廐見大鑊曰可鑄鐵
器平曰此乃帝王鑊天下清平方用之乂曰卿未能保

其頭而愛鑊邪平大怒於坐斬乂勒兵固守逖攻之歲
餘不下乃誘其部將使殺之雅猶據譙城逖攻之不克

南中郎將王含遣桓宣將兵助逖逖謂宣曰卿信義已
著於彼今復為我說雅宣乃單馬從兩人詣雅曰祖豫

州方欲平蕩劉石倚卿為援前殷乂輕薄非豫州意也
雅即詣降逖既入譙城石勒遣石虎圍譙含復遣宣救

之虎解去逖表宣為譙國內史晉王傳檄天下稱石虎
敢帥大羊渡河縱毒今遣琅邪王哀等水陸四道徑造

賊場受逖節度尋復召
質實 一統志云譙城在開封府
夏邑縣西北三十一里晉

哀還建康數月而卒
祖逖屯淮陰進據大丘城遂克譙城而居
之謂此桓宣譙國鉅人蘆洲未詳處所

秋七月大旱蝗河汾溢
質實 河汾二水名河注見梁武帝
天監十五年汾注見漢獻帝

建安七年○漢立子粲為太子

書法

晉世僭國立太子不悉書必有
故而後書書立粲志準弒也

○劉琨段匹磾討石勒未行而罷

匹磾推琨為大都督檄其兄遼西公疾陸眷及叔父涉
復辰弟末桎等共討石勒末桎說眷辰曰以父兄而從

子第耻也各引兵還現
匹碑不能獨留亦還薊
實實薊縣名注見漢
帝玄更始二年

書法未卒事不書此
其書何予義也

杜曾攻陷揚口周訪討破之

鄭攀等相與拒王廩衆心不一攀懼請降杜曾亦請擊
第五猗以自贖廩將赴荊州留長史鎮揚口壘竟陵內
史朱伺謂廩曰曾猾賊也外示屈服宜大部分未可便
西廩矜厲自用以伺為光怯遂行曾等果還攻揚口陷
之乘勝徑造沔口廩使豫章太守周訪擊之訪有衆八
千進至沔陽使將軍李桓督左甄許朝督右甄自領中
軍曾先攻左右甄訪於陳後射雉以安衆心令其衆曰
一甄敗鳴三鼓兩甄敗鳴六鼓自旦至申兩甄皆敗訪
選精銳八百人自行酒飲之敕不得妄動聞鼓音乃進
曾兵未至三十步訪親鳴鼓將士皆騰躍赴曾遂大
潰訪夜追之諸將請待明日訪曰曾驍勇能戰向者彼
勞我逸故克之宜及其衰乘之可滅也乃鼓行而進遂
定漢沔曾走保武當廩始得至荆
州訪以功遷梁州刺史屯襄陽

集覽

拒王廩事詳見
前年竟陵內史

竟陵郡名也內史官名沔陽江夏郡安陸縣有沔水其
地曰沔陽屬荊州沔柱衮反左甄軍號也甄居延反武
當均州縣後魏改均州為武當郡荊州記云武當
山在武當縣南二百里武當記云山周迴五百里
竟陵郡名注見孝武太元六年揚口壘未詳處所沔口
注見漢獻帝建安十三年一統志云沔陽晉之縣名為
江夏郡治所唐廢之故縣址在漢陽府城西六十里臨
漳山下武當漢之縣名屬南陽郡三国魏屬南鄉郡晉
屬順陽郡後魏置武當郡尋廢南齊置始平郡後改齊
興郡梁兼置興州後周改曰豐州隋初廢郡改州曰均
州大業初州廢以縣屬浙陽郡唐初復置均州天寶初
改武當郡乾元初復為均州宋置武當軍元復為均州
皆治武當縣本朝省
縣入州改屬襄陽府

冬十一月朔日食○以劉琨為太尉○立太學

征南軍司戴邈上疏以為世道久喪禮俗日弊猶火消
膏莫之覺也今王業肇建萬物權輿謂宜篤道崇儒以
勵風化
王從之

十二月漢主劉聰弒帝於平陽辛寅死之

漢主聰出畋以愍帝行車騎將軍戎服執戟前導見者指之曰此故長安天子也故老有泣者太子粲言於聰曰昔周武王豈樂殺紂乎正恐同惡相求為患故也不如早除之聰曰前殺庾珉輩而民心猶如是吾未忍也且小觀之十二月聰饗群臣使帝行酒洗爵已而又使執蓋晉臣涕泣有失聲者尚書郎辛寅起抱帝大哭聰斬之洛陽守將趙固河內太守郭默侵漢河東揚言曰要當生縛劉粲以贖天子帝遂遇害謚曰孝愍

覽

庾珉先劉聰使懷帝行酒庾珉號泣被殺懷帝亦遇害

質

平陽郡名注見秦王政十四年洛陽

縣名注見周顛王三年河內郡名注見楚義帝元年河東郡名注見漢獻帝建安七年

書法

於是漢暴使帝賓起抱帝大慟聰殺之趙固揚言欲贖天子帝遂遇害是先殺賓也先書弒帝死也先書死之其為死節之勸深矣

發明

凡偽國書弒王其今懷愍之禍劉聰兩書姓書名者聰齊夷之醜臣服於晉乃乘時竊發躬行

大惡故揭姓名以誅其弒逆之罪耳豈得以偽國之例而比之哉一字之間蓋有深意矣

王命課督農功

王命課督農功二千石長吏以入穀多少為殿最諸軍各自佃作即以為稟

質

殿最注見漢武帝元

鼎四年課殿

河南王吐谷渾卒

吐谷渾者慕容廆之庶兄也父涉歸分戶以隸之及廆嗣位二部馬闐廆遣使讓之曰分建有別何不相遠異渾怒曰馬闐乃其常何至怒人欲遠別甚易恐後會為難耳遂帥其衆西徙廆遣長史追謝之渾遂四傳陰山而居屬永嘉之亂因度隴據洮水之西極于白蘭地方數千里鮮卑謂兄為阿于廆追思之為之作阿于之歌渾有子六十人長子吐延

集覽

吐谷渾西域國其先本遼東鮮卑徙河涉歸之

庶長名吐谷渾即慕容廆庶兄也吐谷渾長子吐延吐延子葉延保于白蘭以為禮公孫之子得以王父字為

寅戊

氏乃號其國曰吐谷渾姓慕容氏渾胡昆反四傳讀曰
附白蘭羗種名吐蕃謂之丁零左屬党項右接多彌戎
日亦吐谷渾
之別種也
正誤 吐谷渾今按吐
當作他骨切
質實 陰山注見秦王
政三年洮水注

見漢後主延
熙十二年

太興元年 漢主劉曜 春遼西公段疾陸眷卒

疾陸眷子幼叔父涉復自立
未極乘虛襲殺之自稱單于

書法 段氏每詳之義焉而已矣

三月王即皇帝位

愍帝凶問至建康王斬縗居廬百官請上尊號不許紀
瞻曰晉氏統絕於今二年兩都燔蕩宗廟無主劉聰竊
號於西北而陛下高讓於東南此所謂揖讓而救火也
王猶不許使殿中將軍韓績撤去御坐瞻叱績曰帝座
上應列星敢動者斬王為之改容奉朝請周嵩上疏曰
古之王者義全而後取讓成而後得是以享世長久今

梓宮未返舊京未清宜開延嘉謀訓卒厲兵先雪大耻
副四海之心則神器將安適哉由是忤旨出為新安太
守嵩顛之弟也王遂即皇帝位百官皆陪列命王導升
御床共坐導固辭曰若太陽下同萬物蒼生何由仰照
乃止大赦文武增位一等帝欲賜諸吏投刺勸進者加
位二等民投刺者皆除吏凡二十餘萬人散騎常侍熊
遠曰陛下應天繼統率土歸戴豈獨近者情重遠者情
輕不若依漢法徧賜天下爵於思為普且可以息檢覈
之煩塞巧偽之端也帝不從
集覽 居廬喪大記曰父母之喪居倚廬
不塗寢苦枕由賈氏曰古者父母
之喪倚木為廬在中門之外東方北戶東倚墻西至地
以為廬而居之無楣柱既虞之後楣柱翦屏乃西向開
之今所謂朴陋之室殺古倚廬之制也神器注見漢光
武建武六年陪列猶言陪位爾雅釋言曰陪朝也注陪
位為朝投刺投上
刺書也刺七賜反
質實 韓績吳郡嘉興人熊遠豫章南
昌人新安郡名注見漢獻帝建

安十三
年新都

書法 漢書高祖光武昭烈晉則元帝舍是無書即皇

通鑑綱目卷之...

帝位者矣

發明

繼統與創業不同臣前已論之矣今周嵩所言與費詩同旨固不為無見然特未知紹續之意耳五代劉崇僭立謂其臣曰朕以高祖之業一朝墜地今日位號不得已而正之崇雖僭竊其言蓋亦有理此綱目於光武昭烈元帝未混一之時所以皆書即皇帝位而無嫌者正以幸其繫人心續正統副四海依歸之望慰祖宗在天之靈固不得與其他妄自尊大者比也

立王太子紹為皇太子

考證

立當作更○謹按凡例曰更

子為皇太子此當比漢例立當作更

紹仁孝喜文辭善武藝好賢禮士容受規諫與庾亮溫嶠等為布衣之交亮風格峻整善談老莊帝器重之聘其妹為紹妃使亮侍講東宮帝好刑名家以韓非書賜太子亮諫曰申韓刻薄傷化不足留聖心太子納之

集覽

善談老莊注見成帝咸康三年習尚老莊好刑名家注見漢景帝元年申韓刻薄揚子問道篇曰申

韓之術不仁之至矣又注見漢武帝建元元年

以慕容廆為龍驤將軍大單于

廆以游邃為龍驤長史劉翔為主簿命邃創朝儀裴嶷曰晉室衰微介居江表中原之亂非明公不能拯也今諸部雖各擁兵然皆頑愚相聚宜以漸并取為西討之資廆以為長史委以軍國之謀諸部弱小者稍稍擊取之

集覽

裴嶷姓名嶷牛已反

以李矩都督河南軍事

荊陽太守李矩使郭默郭誦救趙固誦潛遣其將耿稚等夜襲漢營漢軍驚潰死傷大半太子粲走保陽鄉稚帥騎助之稚等殺其所獲牛馬焚其軍資突圍犇虎牢詔以矩都督河

質實

榮陽郡名注見帝奕太和四年河南

郡名注見秦莊襄王元年三川李矩平陽人

漢螽斯則百堂災質實

螽斯詩螽斯篇螽斯羽詵詵兮宜爾子孫振振兮注螽蝗屬長而青

長角長股能以股相切作聲一生九十九子

燒殺漢主聰子二十一人

書法

火災非宮闕宗廟不書堂也何以書著聰滅也於是聰子死者二十一人

張寔遣使上表

都尉陳安叛相國保舉兵逼上邽保遣使告急於張寔寔遣步騎二萬赴之軍至新陽聞愍帝崩保謀稱尊號

破羗都尉張詵言於寔曰南陽忘大躰而亟欲自尊必不能成功晉上近親且有名德當帥天下以奉之寔從

之遣牙門蔡忠奉表詣建康比至帝已即位然寔竟不用江東年號猶稱建興

集覽

南陽謂南陽王保

質實

上邽縣名注見漢光武建武八年一統志云新陽陽郡隋省之故城在長沙府城西南一百二十六里

漢建武元年於是書遣使上表皆予其忠也寔可謂世篤忠貞矣

書法

寔自嗣立一書得璽獻之愍帝建興三年一書遣韓璞將兵伐

夏四月朔日食○加王導驃騎大將軍開府儀同三司

導遣從事行揚州郡國還見各言二千石官長得失獨顧和無言導問之和曰明公作輔寧使網漏吞舟何緣

採聽風聞以察察為政邪導咨嗟稱善

集覽

從事行揚州郡國從事將軍之屬官也行音下孟反循行

也謂至揚州所隸郡國有所按察也察察為政謂用明太過也老子曰俗人察察我獨悶悶其民醇

醇其政察察其民缺缺林希逸曰義云悶悶者不作聰明也察察者煩碎也

質實

顧和吳郡人衆之族

子揚州注見漢獻帝興平二年金陵

成丞相范長生卒

長生博學多藝能年近百歲蜀人奉之如神

書法

不自立國以來至是十有五年綱目書成政事不一二而卒其臣者再錄賢也終綱目卒儲國臣二十有二晉氏居九成有二焉何地不生才信哉

漢殺其尚書令王鑒中書監令崔懿之曹恂

中書監王沈養女有美色漢主聰立以為左皇后鑒及中書監崔懿之中書令曹恂諫曰借使沈之弟女刑餘

小醜猶刑沈不可以杖叩之曰庸奴復能為惡乎鑒瞋目叱鑒等臨刑沈以杖叩之曰庸奴復能為惡乎鑒瞋目叱

之曰豎子滅大漢者正坐汝鼠輩與靳準耳懿之謂準曰汝心如梟鏡必為國患汝既食人亦當食汝

覽刑餘小醜王沈乃官官刑餘之人也說文曰醜可惡也此云小醜憎惡之稱也記曲禮曰刑人不在君側

註為怨恨為害也公羊傳曰君子不近刑人近刑人則輕死之道椒房注見漢昭帝始元四年汝心如梟鏡前

漢郊祀志古者天子常以春解祠祠黃帝用一梟破鏡注孟康曰梟鳥名食母破鏡獸名食父黃帝欲絕其種

類故使百吏祠皆用之或云直用破鏡也破鏡如類而虎眼如淳曰漢使東郡送梟五月五日為梟羹以賜百

官以其惡鳥故食之梟留堯反鏡本作鏡音敬

五月段匹磾殺太尉廣武侯劉琨

初琨世子群為段末枏所得未枏厚禮之許以琨為幽州刺史欲與之襲匹磾密遣使齎群書請琨為內應為

匹磾羅騎所得時琨別屯征北小城不知也來見匹磾匹磾以書示琨曰意亦不疑公是以白公耳琨曰與公

同盟庶雪國家之耻若兒書密達亦終不以一子之故負公而忘義也匹磾雅重琨初無害琨意將聽還屯其

弟叔軍諫之遂留琨會代郡太守辟問嵩潛謀襲匹磾事泄匹磾收琨縊殺之琨從事盧諶等帥琨餘眾依未

枏朝廷以匹磾尚彊冀其能平河朔乃不為琨舉哀温嶠表現盡忠帝室家破身仁宜在褒恤後數歲乃加贈

太尉諡曰愍於是夷晉皆不附匹磾嶠之詰建康也其母崔氏固止之嶠絕裾而去既至屢求返命朝廷不許

會琨死除散騎侍郎嶠聞母亡阻亂不得奔喪固讓不拜苦請北婦詔曰今桀逆未梟諸軍奉迎梓宮猶未得

進嶠可以私難而不從集覽辟問嵩元和姓纂云衛文王命邪嶠不得已受拜

後因氏焉廣武縣名注見
嵩其名也

書法

具官何予義也現自書并州刺史綱目凡十一
書遣劉希合衆則書王浚殺之劉曜襲晉陽則

史以并州叛則書奔薊與匹碑討石勒則書未行而
罷殆亦無一大快人意其餘書為大將軍書為司空

書為太尉書上表勸進耳綱目於其遇害具官書太
尉廣武侯則亦唯其乃心帝室而已矣書匹碑殺

罪匹碑也綱目於段氏有取焉功罪不相掩可也

發明

匹碑鮮卑之種乃心帝室亦甚可嘉然不思戮
力共功之義遂至戕害督將則其餘不足觀矣

書殺太尉廣武侯劉琨予琨
所以誅匹碑也其旨明矣

青州刺史曹嶷叛降石勒

初嶷既據青州乃叛漢來降又
以建康懸遠復與石勒相結

質實

青州注見漢桓帝
永康元年建康郡

名注見漢獻
帝興平二年

六月以刀協為尚書令

協性剛悍與物多忤與侍中劉隗俱為帝所寵任欲矯
時弊每崇上抑下排沮豪強故為王氏所疾諸刻碎之

政皆云隗協所建協又使
酒侵毀公卿見者側目

秋七月代王鬱律擊劉虎破之

劉虎侵拓跋西部鬱律擊之虎走出塞其部落降于鬱
律於是鬱律西取烏孫故地東兼勿吉以西士馬精彊

雄於

集覽拓跋注見武帝咸寧元年烏孫注見
漢武帝元符元年勿吉東胡種名

漢主聰卒太子粲立八月靳準弒而代之石勒引兵討準

冬十月劉曜自立於赤壁封勒為趙公

漢主聰寢疾徵劉曜石勒受遺詔輔政皆固辭乃以曜
為丞相領雍州牧勒為大將軍領幽冀牧上洛王景齊

南王驥並錄尚書事靳準為大司空皆迭決奏事聰卒
粲即位改元漢昌聰后四人皆年未二十粲多行無禮

靳準陰有異志私謂粲曰如聞諸公欲行伊霍之事宜

早圖之粲乃收景驥等殺之遊宴後宮軍國之事一決

於準八月準遂勒兵升殿執粲殺之劉氏男女無少長

皆斬東市發淵聰二陵斬聰屍焚其廟自號大將軍漢

天王謂胡嵩曰自古無胡人為天子者今以傳國璽付

汝還如晉家嵩不敢受準殺之遣使告司州刺史李矩

曰劉淵屠各小醜矯稱天命使二帝幽沒輒率衆扶侍

梓宮請以上聞矩馳表聞詔遣太常韓胤等奉迎梓宮

準欲以王延為左光祿大夫延罵曰屠各逆奴何不速

殺我以吾左目置西陽門觀相國之入也右目置建春

門觀大將軍之入也準殺之曜聞亂自長安赴之勒帥

精騎五萬以討準據襄陵北原準數挑戰勒堅壁以挫

之十一月曜至赤壁即皇帝位以勒為大司馬加九錫

進爵為趙公勒進攻準於平陽巴及羗羯降者十餘萬

於所部徙集覽帝太甲既立不明伊尹放之相宮三年

後太甲悔過又從而立之漢霍光立昌邑王賀賀行淫

亂光遂廢賀而立病已為宣帝東市刑人之所也劉

淵屠各小醜劉淵劉聰之父也匈奴人故曰屠各質實

小醜屠各各庄見漢桓帝延熹元年小醜注見前年

一統志云上洛漢之縣名屬弘農郡晉置上洛郡後魏

置洛州後周改洛州為商州取古商於地為名隋復為

上洛郡唐初復為商州天寶初為上洛郡乾元初復為

商州屬關內道宋屬永興軍路元屬安西路本朝改

州為縣仍屬西安府濟南國名注見漢景帝三年襄陵

縣名注見周顯王十八年赤壁水名源發平陽府趙城

縣霍山西南流至岳陽縣西漏崖

入地過南三十里復出合澗水

發明 五胡之禍始於淵成於聰生民屠戮不可勝紀

然身死子弒如出一轍國亦尋滅綱目據事直

書雖不明言其應而應固已在其中矣嗚呼中華之

主天所立也其休戚存亡與天地相為流通而劉聰

以匈奴之孽乃敢執而困辱之非但得罪於中國得

罪於世主而實得罪於天帝也天乃假手於靳準屠

其族戮其屍禍及其父骨大延其宗廟嗚呼天所以

報劉聰之辱二帝者亦畧相當矣天道之昭昭如此

後之人可不畏哉

十一月日夜出高三丈

書法 前書有三日相承東行矣於是又書日夜出高
三丈日之異莫甚於此者晉之中世何多變哉

○以王敦為荊州刺史○詔州郡秀孝復試經策

時詔群公卿士各陳得失御史中丞熊遠上疏以為胡
賊猾夏梓宮未返而不能遣軍進討一失也群官不以
讐賊未報為耻務在調戲酒色而已二失也選官用人
不料實德惟在白衣選求才幹惟事請託當官者以治
事為俗吏奉法為苛刻盡禮為諂諛從容為高妙放蕩
為達士驕蹇為簡雅三失也世所惡者陸沈泥滓時所
善者翱翔雲霄是以萬機未整風俗偽薄朝廷以從順
為善相違見賤安得朝有辨爭之臣士無祿仕之志才
古之取士敷奏以言今光祿不試甚違古義又舉賢不
出世族用法不及權貴是以才不濟務姦無所懲若
道不改求以救亂難矣先是帝欲慰悅人心州郡秀孝
至者不試皆署吏尚書陳頤亦上言宜循舊制試以經
策從之仍詔不中科者刺史太守免官於是秀孝皆不
敢行其有到者亦託疾比二年無就試者帝欲特除孝
廉已到者官尚書郎孔坦以為近郡懼累君父皆不敢
行遠郡冀於不試冒昧來赴若加除署是為謹身者失

分僥倖者得官頹風傷教恐從此始不若一切罷之而
為之延期使得就學則法均而令信矣帝從之聽申至

七年 **集覽** 聽申聽從也申與伸 **質實** 梓宮注見漢安
乃試 同展也展其試期

十二月漢將軍喬泰討斬之 **考異** 按凡例治其臣子
之叛亂者討而殺

之曰誅據下斬明書 **質實** 帝延光四年

此斬字亦當作誅 斬使侍中卜泰送乘輿服御請和於石勒勒曰泰送
於漢主曜曜謂泰曰先帝末年實亂大倫司空行伊霍

之權使朕及此其功大矣若早迎大駕者當悉以政事
相委况免死乎泰還言之準未從將軍喬泰等相與殺

準推斬明為主遣卜泰奉傳國六璽降 **質實** 六璽注見
漢石勒大怒進軍攻明明出戰大敗

年平六

琅邪王煥卒

煥鄭夫人之子時生二年矣帝愛之以其疾篤故王之
及薨帝備吉凶儀服營起園陵功費甚廣右常侍孫霄

諫曰古者凶荒殺禮况今夜亂憲章舊制猶宜節省而禮典所無顧崇飾如是乎竭已罷之民營無益之事殫已困之財脩無用之費

書法

琅邪王哀卒不書詳建武元年書煥卒何譏也二帝梓宮未返而越禮過情於無服之殤是以

之譏

發明

于時梓宮未返因步多艱乃以成禮塋襁抱之殤何哉特書其卒蓋譏之也

彭城內史周撫叛降石勒詔下邳內史劉遐泰山太守徐

龕討之**質實**

彭城郡名注見秦始皇二十八年周撫尋陽人訪之子下邳國名注見漢高帝六年泰山

郡名注見秦始皇二十八年石勒攻拔平陽斬明犇赤壁漢主曜族誅

之

靳明屢敗遣使求救於漢漢主曜使人迎之明帥平陽士女萬五千入犇漢曜收靳氏男女皆斬之石勒焚平

陽宮室脩二陵收黎已下

質實

平陽郡名注見秦王政十四年

百餘口塋之置戍而歸

資治通鑑綱目卷之十一終

通鑑綱目卷之十一

資治通鑑綱目卷之十九

起巳卯晉元帝太興二年凡十九年
盡丁酉晉成帝咸康三年

二年漢改號趙光初二年○後趙高祖石勒元年○春二
舊大國一咸涼小國二新大國一凡四僭國

月劉遐徐龕擊周撫斬之考異斬當作討

初掖人蘇峻帥鄉里結壘以自保遠近多附曹嶷惡其
疆將攻之峻帥衆浮海來奔以為鷹揚將軍助遐討撫

有功以為集覽掖漢地志東萊有掖縣
淮陵內史今萊州掖縣屬濟南

名為東萊郡治晉屬東萊國北齊以曲城當利二縣省
入隋至元並為萊州治本朝因之屬萊州府淮陵漢

之縣名屬臨淮郡晉以前仍舊後廢之故
城在鳳陽府舊招信縣西北二十五里

石勒獻捷於漢漢斬其使

勒遣左長史王脩獻捷於漢漢主曜遣使授勒大宰進
爵趙王加殊禮稱警蹕脩舍人曹平樂留仕漢言於曜

卯巳

曰勒遣脩來實規疆弱俟其復命將襲乘輿時漢兵疲弊曜乃追所遣使斬脩於市勒大怒曰孤事劉氏於人臣之職有加矣彼之基業皆孤所為今既得志還欲相圖趙王趙帝孤自為之何待於彼邪

質實 警

注見漢文帝三年

三月合祭天地於南郊

帝令群臣議郊祀才協等以為宜須還洛司徒荀組等曰漢獻帝都許即行郊祀何必洛邑從之立郊立於建康城之已地親祀之以未

質實

才協渤海饒安人建康郡名注見漢獻帝興平

二年金陵

詔琅邪恭王為皇考既而罷之

考異 提要詔作尊據漢綏和二年書追尊定陶

共皇則此

考證

詔當作尊。謹按凡例曰凡正當書尊統尊立皆當書尊曰尊某為某

詔琅邪恭王宜稱皇考賀循曰禮子不敢以已爵加於父乃止

書法

書皇其私親多矣自漢宣帝以來未之有改也下詔未幾尋繼以罷元帝於是可謂能從諫矣

書曰既而罷之美改過也

夏四月將軍陳川以浚儀叛降石勒

初蓬波塢主陳川自稱陳留太守祖逖之攻樊雅也川遣其將李頭助之頭力戰有功逖厚遇之頭每嘆曰得此人為主吾死無恨川聞而殺之大掠豫州諸郡逖遣兵擊破之川遂叛降石勒

質實

浚儀縣名注見

唐玄宗開元十年

徐龕以泰山叛降石勒

質實 泰山郡名注見秦始皇二十八年

周撫之敗走也龕部將追斬之及朝廷論功而劉遵先之龕怒以郡降石勒

漢徙都長安立妃羊氏為后子熙為太子

羊氏即惠帝后也曜嘗問之曰吾何如司馬家兒羊氏曰陛下開基之聖主彼亡國之暗夫何可並言彼貴為

帝王有一婦一子及身三耳曾不能庇妾於爾時實不欲生意謂世間男子皆然自奉中擲以來始知天下自有丈夫耳曜甚**質實**長安縣名注見漢惠帝五年

書法羊氏何惠后也綱目書之其為中國悲甚矣羊氏自為惠后三廢三復於是又下匹非類視秦毛氏孝武太元十四年可以媿死矣

南陽王保自稱晉王

保既稱王改元建康置百官陳安叛降于成上郡大饑又為安所逼張寔遣韓璞救之安乃退縣名注見漢光武建武八年**質實**上

書法書自稱何譏也江東正位晉之社稷有奉矣而又必稱晉王是爭也書自譏之

江東大饑詔百官言事

益州刺史應詹上疏曰元康以來賤經尚道以玄虛宏放為夷遠以儒術清儉為鄙俗宜崇獎儒官以新俗化

集覽應詹姓名應於陵反本周武王後左傳邗晉應韓武之穆也**質實**益州注見武帝泰始八年

元康武
帝年號

祖逖討陳川石勒遣兵救之逖退屯淮南勒兵守蓬關

逖攻陳川于蓬關石勒遣石虎挑豹救之逖兵敗退屯淮南虎從川部衆于襄國留豹守川故城質實

淮南郡名注見宋孝武帝大明五年北徐州及漢武帝元朔五年淮南國蓬關未詳處所陳川故城未詳處所

襄國郡名注見楚義帝元年

石勒寇幽州陷之段匹磾奔樂陵

名注見宋明帝泰始三年○梁州刺史周訪擊杜魯斬之幽州注見唐高祖武德四年樂陵縣**考異**擊當作

誅作

初王敦患魯難制謂周訪曰若擒魯當相論為荊州至是訪破斬魯而敦不用王廙在荊州多殺陶侃將佐士

民怨怒帝欲為散騎常侍而以訪代之敦忌訪威名難
之從事郭舒說敦曰荆州雖荒弊乃用武之固不可以
假人宜自領之訪為梁州足矣敦從之乃加訪安南將
軍餘如故訪大怒敦手書譬解弁玉環玉腕遺之訪抵
之於地曰吾豈賈豎可以寶悅邪訪在襄陽務農訓兵
陰有圖敦之志守宰有缺輒補然後言王敦不能制
集覽賈豎賈坐販者言賤
劣無智若童豎然
質實周訪汝南人
郭舒順陽人

漢改號趙

漢主曜立宗廟杜稷南北郊於長安改
國號為趙以員頓配天光文配上帝
集覽員頓漢高
曼單于之子也今劉曜以為祖
漢書注員頓音墨特或如字讀

徐龕寇濟岱以羊鑿為都督討之

徐龕寇掠濟岱王導以太子左衛率羊鑿龕之州里寇
族必能制之鑿深辭才非將帥郗鑿亦表鑿不可使導
不從以鑿為征討都督督徐州刺史
蔡豹及劉遐鮮卑段文鸯等討之
集覽濟岱濟河海
青徐間孟子題辭濟岱之間解云濟水名
如濟南濟西是也岱山名即岱宗泰山也
質實羊鑿泰山人

鑿高平人蔡
豹陳留圍人

冬十一月石勒稱趙王

勒即趙王位稱元年是為後趙以將軍支雄等主胡人
辭訟禁胡人不得陵侮華族號胡為國人遣使循行州
郡勸課農桑朝會始用天子禮樂加張賓大執法專總
朝政以石虎為驃騎將軍督諸軍賜爵中山公賓任遇
優顯群臣莫及而謙虛敬慎開懷下士屏絕阿私以身
帥物入則盡規出則歸美勒甚重之每朝常為之正容
貌簡辭令呼曰**集覽**循行行下孟反行之有序曰循行
右侯而不敢名
質實中山國名注見周
勸民農桑
振救乏絕
威烈王二十三年

十二月宇文氏攻慕容廆大敗之遂取遼東遣長史裴

嶷來獻捷

平州刺史崔苾以士民多歸慕容廆心不平陰說高句麗段氏宇文氏使共攻之苾所親高瞻力諫不從三國合兵伐廆諸將請擊之廆曰彼為苾所誘欲邀一切之利軍勢初合其鋒甚銳不可與戰當固守以挫之彼鳥合而來莫相歸服必攜貳然後擊之破之必矣三國進攻棘城廆閉門自守獨以牛酒犒宇文氏二國疑宇文與廆有謀各引兵歸宇文士卒數十萬連營四十里其大人悉獨官曰二國雖歸吾當獨取之廆使召其子翰於徒河翰曰彼衆我寡難以力勝請為奇兵於外伺其間而擊之若弁兵為一彼得專意攻城非策之得也廆從之悉獨官聞之曰翰不入城或能為患當先取之分遣數千騎襲翰翰為段氏使者逆於道而設伏以待奮擊盡獲之乘勝徑進遣間使語廆出兵大戰前鋒始交翰將千騎從旁直入其營縱火焚之衆遂大敗悉獨官僅以身免廆俘其衆獲皇帝玉璽三紐苾聞之懼奔高句麗廆以其子仁鎮遼東官府市里按堵如故以高瞻為將軍瞻稱疾不就廆數臨候之撫其心曰君之疾在此不在他也今晉室喪亂孤欲與諸君共清世難翼戴帝室柰何以華夷之異介然踈之哉夫立功立事惟問志畧如何耳瞻猶不起廆頗不平瞻以憂卒廆使裴

疑奉表并所得璽詣建康獻之

集覽

大人其俗以勇健能理決閭訟者推為大人

管實

注見

秦王政三年右北平徒河縣名注見武帝太康六年遼東國名注見秦王政二年

書法

書來獻捷予義也綱目於慕容氏有取焉

蒲洪降趙

三年

趙光初二年

考異

當圖下分註凉王張茂永元元

春二月後趙寇冀州

執刺史邵續詔以其子緝代之

段末在攻段匹磾破之匹磾謂冀州刺史邵續曰吾本夷狄以慕義破家君不忘久要請相與共擊末在續遂相與追擊大破之匹磾遂與弟文鴛進攻趙王勒知續勢孤遣虎將兵攻之續自出擊虎虎伏騎斷其後遂執續使降其城續呼兄子竺等謂曰吾志欲報國不幸至此汝等努力奉匹磾為主勿有貳心匹磾還與續子緝等固守虎送續於襄國勒以為忠釋而禮之因下令自今克敵獲士人必生致之吏部即劉胤聞續被攻

辰庚

言於帝曰北方藩鎮惟餘邵續如使為虎所滅孤義士
之心宜發兵救之帝不能從聞續已沒乃詔以續位任
授**質實**邵續魏郡安陽人劉縣名注見漢
帝玄更始二年劉胤東萊掖人

趙將尹安等降

安及宋始等四軍屯洛陽降於司州刺史李矩使穎
川太守郭默將兵入洛後趙石生虜宋始一軍北渡河
於是河南之民皆相帥歸矩洛陽遂空

三月以慕容廆為平州刺史

裴嶷至建康盛稱廆之威德賢雋皆為之用朝廷始重
之帝欲留嶷嶷曰臣少蒙國恩出入省闈若得復奉輦
轂臣之至榮但以舊京淪沒山陵穿毀名臣宿將莫能
雪耻獨龍驤竭忠王室故使臣萬里歸誠今臣不返必
謂朝廷以其僻陋而棄之孤其嚮義之心使懈於討賊
此臣之所甚惜也帝然之遣使隨嶷拜廆為安北將軍
平州刺史

夏五月上邽諸將殺晉王保保故將陳安降漢以討賊殺

之考異提要漢作趙無以討賊殺之五
與二年已改號趙諸本
於此誤書漢當改正之

保體重八百斤喜睡好讀
書而暗弱無斷故及於難

書法

書殺何不成保之為晉王也保書殺矣殺保者
不共戴天之讐也於是漢改號趙不書趙書漢何漢
所以志讐國而為安惜也及其叛也則書叛趙矣綱
目書故將七詳漢高帝五年唯利我書反公師藩書
寇非予辭若安書降漢
則亦予之而不盡予也

羊鑒有罪除名以徐州刺史蔡豹代之

鑒討徐龕頓兵下邳不敢前蔡豹敗龕於檀丘龕求救
於後趙勒遣其將王伏都救之伏都淫暴龕疑其襲已

斬之復來請降不受救鑿進攻鑿猶疑憚不進刁協劾
鑿免死除名以豹代領其兵王導以失舉乞自貶不許

寶徐州注見秦始皇二十八年彭
城下邳縣名注見漢高帝六年

涼州殺其刺史張寔寔弟茂立 **考異**按即位例曰僭因如
稱帝者繼世曰太子

某立始稱王者繼世曰嗣此張寔未嘗稱帝繼世不當書
立據大安二年書羅尚大破李特斬之李流代領其衆李

流死雄代領其衆此條 **考證**立當作
當書寔弟茂代領其衆

京兆人劉弘客居涼州天梯山以妖術惑衆張寔左右
皆事之弘自言天與神靈應王涼州於是帳下閭涉等

謀殺寔而奉之寔弟茂知弘之謀告之寔遣收弘未至涉
等遂殺寔寔所遣兵執弘輟之謀其黨與數百人左司

馬陰元等以寔子駿尚幼推 **集覽**輟之輟音患
茂為刺史茂以駿為世子

郡名注見漢武帝太初元年涼州注見唐中宗景龍二
年一統志云天梯山在陝西涼州衛城南八十里山路

氏羗巴羯叛趙討平之

趙將解虎尹車謀反與巴酋句徐庫彭等相結事覺虎
車伏誅趙主曜囚徐彭等五十餘人將殺之光祿大夫

游子遠諫曰聖王用刑惟誅元惡不宜多殺曜怒囚之
殺徐彭等於是巴衆盡反四山氏羗巴羯應之者三十

餘萬關中大亂城門晝閉子遠又從獄中上表諫諍曜
手毀其表叱左右速殺之呼延晏等諫曰子遠幽囚不

志諫諍忠之至也奈何殺之子遠朝誅臣等亦當夕死
以彰陛下之過天下將捨陛下而去陛下誰與居乎曜

乃止又欲自將討之子遠又諫曰彼非有大志欲圖非
望也直畏威刑欲逃死耳莫若大赦與之更始其沒入

者皆縱遣之使相招引聽其復業彼得生路何為不降
若其中自知罪重屯結不散者願假臣弱兵五千必為

陛下安定反者皆降惟句氏宗黨保于陰密進攻之徒
屯安定反者皆降惟句氏宗黨保于陰密進攻之徒

氏羗二十餘萬于長安曜以 **集覽**句徐姓名 **寶實**安定
子遠為大司徒錄尚書事 **寶實**郡名

注見漢光武建武元年陰密
縣名注見周赧王五十八年

趙立太學

趙立太學選民之可教者千五百人擇儒臣以教之

趙以喬豫和苞為諫議大夫

趙主曜作鄴明觀及西宮凌霄臺又營壽陵侍中喬豫和苞諫曰前營鄴明市道細民咸曰以一觀之功足以平涼州矣今又欲擬阿房而建西宮法瓊臺而起凌霄其為勞費億萬鄴明若以給軍則可以兼吳蜀而一齊魏矣又營壽陵周圍四里銅椀金飾其深三十五丈殆非國內之所能辦也自古無不亡之國不掘之墓故聖人之儉葬乃深遠之慮也曜下詔曰二侍中懇懇有古人之風可謂社稷之臣矣其悉罷諸役壽陵制度一遵霸陵之法以豫苞領諫議大夫又省鄴水固以與貧民

集覽

阿房法見秦始皇三十五年瓊臺汲冢竹

書法

自晉初書以傅玄皇甫陶為諫官乙酉年是後五十四年無聞焉於是復書則趙也綱目錄小

善雖借國必書之

秋七月後趙兵退走祖逖進屯雍丘詔加號鎮西將軍

祖逖將韓潛與後趙將桃豹分據陳川故城相守四旬於道豹兵逐之即棄而走豹兵又饑以為逖士衆豐飽大懼後趙運糧饋豹逖又使潛邀擊獲之豹霄遁逖使潛進屯封丘以逼之逖鎮雍丘後趙鎮成歸逖者甚多先是李矩郭默等互相攻擊逖馳使和解示以禍福遂皆受逖節度詔加逖鎮西將軍逖與將士同甘苦約已務施勸課農桑撫納新附雖疎賤者皆結以恩禮河上諸塢先有任子在後趙者皆聽兩屬時遣游軍偽抄之明其未附塢主皆感恩後趙有異謀輒密以告由是多所克獲自河以南多叛後趙歸晉逖練兵積穀為取河北之計後趙王勒患之乃下幽州為逖脩祖父墓置守冢二家因與逖書求通使及互市逖不報書而聽其互市收利十倍逖牙門童建降于後趙勒復斬送其首曰叛臣逃吏吾之深仇將軍之惡猶吾惡也自是後趙人叛歸者逖皆不納禁諸將不使侵暴後趙之民邊境之

間稍得**質實**封立縣名注見唐僖宗中和四年
雍立縣名注見漢桓帝延熹四年

八月梁州刺史周訪卒詔以甘卓代之

訪善於撫納士衆皆為致死知王敦有不臣之心私常切齒敦由是終訪之世未敢為逆及卒敦遣郭舒監其軍帝以甘卓鎮襄陽徵舒為右丞敦留不遣

質實

襄陽郡名注見漢獻帝建安十二年

蔡豹與徐龕戰敗伏誅龕遂降後趙○後趙定九品舉六

科

後趙王勒用法嚴峻使張賓領選定九品命公卿及州郡歲舉秀才至孝廉清賢良直言武勇之士各一人

冬十二月以譙王永為湘州刺史

帝之始鎮江東也王敦與從弟導同心翼戴帝亦推心任之敦總征討導專機政群從子弟布列頭要時人為之語曰王與馬共天下後敦恃功驕恣帝畏而惡之乃引劉隗刁協等以為腹心稍抑損王氏權導亦漸見疎

外中書郎孔愉陳導忠賢有佐命之勲宜加委任帝出愉為長史導能任真推分澹如也而敦益懷不平其參

軍沈充錢鳳皆巧諂凶狡知敦有異志陰為畫策敦寵信之敦上疏為導訟屈辭語怨望左將軍譙王永忠厚

有志行帝親信之夜召承以敦疏示之隗亦為帝謀出心腹以鎮方面會敦表充為湘州刺史帝謂承曰敦奸

逆已著朕為惠皇其勢不遠湘州據上流控三州之會欲以叔父居之何如承曰臣奉承詔命惟力是視何敢

有辭然湘州經蜀寇之餘民物彫弊若及三年乃可即戎苟未及此雖灰身無益也詔以承為湘州刺史行至

武昌敦與之宴謂承曰大王雅素佳士恐非將帥才也承曰公未見知耳鈔刀豈無一割之用敦謂錢鳳曰彼

不知懼而學壯語無能為也乃聽之鎮時湘**集覽**譙王士困弊承躬自儉約傾心綏撫甚有能名

封邑名漢屬沛郡丞譙王名也字與承同隸省作承任真推分任從其真性不肯假借推之分齊無復顧惜朕

為惠皇元帝以惠帝自比蓋惠帝為太傅越所錫鈔刀銘似錫不可為刀漢賈誼賦莫邪為鈍兮鉛刀為銛言

不可強扶**正誤**譙王永今按元帝抑損王氏權導漸見疎外而持而用也

能任其真性推之分限不介
于懷言自然安分非矯情也
獻帝建安十五年湘州注
見漢獻帝興平元年長沙
劉隱彭城人孔愉會稽人譙國名注見漢

四年趙光初四年春正月徐龕復降○三月日中有黑子

著作佐郎郭璞上疏以為陰陽錯繆皆繁刑所致赦不欲數然子產知鑄刑書非政之善不得不作者須以救弊故也今之宜
救理亦如之
郭璞河東聞喜人子產春秋時鄭人即國僑也佳鄭為大夫作封洫不毀鄉校制參辟鑄刑書上下有服都鄙有章孔子過鄭因與之厚及卒泣曰古之遺愛也

書法 漢景之篇書日亦矣又書日如紫矣於是書日中有黑子皆大異也終綱目各一書而已矣

後趙陷幽冀并州撫軍將軍幽州刺史段匹磾死之

後趙使石虎攻匹磾於厭次孔萇攻其統內諸城悉拔之文鴛出戰力盡被執罵賊不已匹磾欲率騎歸朝邵續之弟洎勒兵不聽復欲執臺使送虎匹磾正色責之曰卿不能遵兄之志逼吾不得歸朝亦已甚矣復欲執

天子使者雖夷狄所未聞也洎與緝等出降匹磾見虎曰我受晉恩志在戎汝不幸至此不能為汝敬也虎素與匹磾不為兄弟即起拜之於是幽冀并三州皆入於後趙匹磾不為勒禮常看朝服持晉節久之與文

皆見殺 **集覽** 厭次漢地志關晉地道記厭次屬平原郡鄉聚名厭一琰反又溢涉反次或音恣

洎續弟名緝竺緝續子名竺續兄子名 **質實** 一統志云縣名屬平原郡隋屬渤海郡唐屬滄州後廢之故城在濟南府陵縣東北二十里

書法 書死之網目於段氏有取焉

發明 匹磾戕害劉琨遂至人心不附迄為羯賊所虜若無足取然碑本夷人竭誠晉室死不易守此

亦君子之所嘉者故予以全節而具其官

夏五月免揚州僮客以備征役

詔免中州良民遭難為揚州諸郡僮客者以備征役刁協之謀也由是衆益怨之

終南山崩

實 一統志云終南山在西安府城南五十里

四縣之境產玉石金銀銅鐵及合離草丹青樹禹貢所謂終南即此。秋七月以戴淵都督

司豫劉隗都督青徐諸軍事王導為司空錄尚書事

考異 提要徐作冀按此條軍上當有州字

以淵為征西將軍督六州鎮合肥隗為鎮北將軍督四

州鎮淮陰皆假節領兵名為討胡實備王敦也隗雖在

外而朝廷戮力王室共靜海內隗答曰魚相志於江湖

言欲與之戮力王室共靜海內隗答曰魚相志於江湖

人相志於道術竭股肱之力效之以忠貞吾之志也敦

怒帝以敦故以導為司空錄尚書事而實疎忌之御史

中丞周嵩上疏以為不宜聽孤臣之言放逐舊德

虧既往之恩招將來之患帝頗感悟導由是得全

集覽 假節節乃大將所有淵等

非大將故假之以重其威

實 戴淵廣陵人合肥縣名

淮陰縣名注見漢獻帝建安元年周嵩汝南人浚之子

八月常山崩

實 常山注見周安王十五年

發明 晉自南渡立國江左常山乃東南之鎮嶽而無

崩今又有此變異未幾果有逆亂之萌晉我不保綱

目備而書之所以戒人君兢兢業業不可不知警懼

歎也

○九月豫州刺史祖逖卒以其弟約代之

逖以戴淵吳士雖有才望無弘致遠識且已剪荆棘收

河南地而淵雍容一旦來統之意甚快快又聞王敦與

劉刁構隙將有內難知大功不遂感激發病卒於雍丘

豫州士女若喪父母譙梁間皆為立祠敦由是益無所

憚約無綏御之才不為士卒所附范陽李產避亂依逃

至是見約志趣異常乃帥子弟十餘人間行歸鄉里

實 劉刁謂劉隗刁協也譙梁二縣名注見晉帝

奕泰和四年范陽郡名注見秦二世元年

後趙以李陽為都尉

後趙以李陽為都尉

後趙以李陽為都尉

後趙以李陽為都尉

後趙以李陽為都尉

後趙以李陽為都尉

後趙以李陽為都尉

後趙以李陽為都尉

後趙以李陽為都尉

後趙以李陽為都尉

後趙以李陽為都尉

後趙以李陽為都尉

後趙以李陽為都尉

後趙以李陽為都尉

後趙王勒悉召武鄉耆舊詣襄國歡飲勒微時與李陽
隣居數爭涇麻池相歐陽由是獨不敢來勒曰孤方燕
容天下豈讐匹夫乎遽召與飲引陽臂曰孤往日厭卿
老拳卿亦飽孤毒手因拜都尉以武鄉比豐沛復三世

集覽武鄉漢上黨郡屬邑今沁州武鄉縣又遼州有武
鄉水俱屬平陽比豐沛漢高帝沛郡豐縣人後過

沛召故人父老道舊故其以沛為**實**一統志云武鄉
朕湯沐邑復其民世世無有所與

平郡石勒置武鄉郡後魏去武字改為鄉縣自故涅城
移治南亭川隋初屬潞州後屬韓州唐仍名武鄉縣屬

潞州宋隸威勝軍金元皆屬沁州本朝因之改屬沁
州襄國郡名注見楚義帝元年涇麻池在遼州和順縣

東北三十里李陽村後趙石勒嘗與李陽爭此池及勒
為王引陽臂云孤往日厭卿老拳卿亦飽孤毒手即此

後趙禁釀酒

勒以民始復業資儲未豐於是重禁釀郊
祀宗廟皆用醴酒行之數年無復釀者

以慕容廆為車騎將軍平州牧遼東公

詔聽廆承制除官廆於是備置僚屬立子皝為世子作
東橫使皝與諸生同受業廆得暇亦親臨聽之皝雄毅

多權畧喜經術用人稱之廆徒翰鎮遼**集覽**皝胡廣反
東仁鎮平郭翰撫安民夷甚有威惠

釐同學舍也平**實**遼東郡名注見
郭城名在遼東秦王政三年

代弒其君鬱律子賀偁立考證

立當作嗣王謹按凡例曰
凡僭國稱王者其繼世曰

拓跋猗危妻惟氏忌代王鬱律之彊恐不利其子乃殺
鬱律而立子賀偁鬱律之子什翼捷幼在襁褓其母土

氏匿於袴中祝之曰天苟存**集覽**賀偁傳奴篤反什翼
汝則勿啼父之不啼乃得免

載記什音涉捷音虔又居言反

書法

子弒者之子也於是弒者有主名矣則曷為不
書畧之也六脩寔君其不畧之何六脩寔君以
而畧之天理滅矣

永昌元年趙光初五年春正月王敦舉兵反譙王承其卓移

撥討之敦分兵寇長沙

初敦既與朝廷乖離乃羈錄朝士有時望者置已幕府以羊曼謝鯤為長史鯤終日酣醉故不委以事敦將作亂謂曰劉隗姦邪將危社稷吾欲除君側之惡何如鯤曰隗誠始禍然城狐社鼠敦怒曰君庸才豈達大體至是舉兵武昌上疏稱劉隗佞邪讒賊威福自由臣輒進軍致討隗首朝懸諸軍父退昔太甲顛覆厥度幸納伊尹之忠殷道復昌願陛下深垂三思則四海人安社稷永固矣沈充亦起兵於吳興以應敦敦至蕪湖又上表罪狀刁協帝大怒詔曰王敦憑恃寵靈敢肆狂逆方朕太甲欲見幽囚是可忍也孰不可忍今親帥六軍以誅大逆有殺敦者封五千戶侯太子中庶子溫嶠謂僕射周顛曰大將軍此舉似有所在當無濫邪顛曰人主自非堯舜何能無失安可舉兵以脇之舉動如此豈得云非亂乎敦初起兵遣使告梁州刺史苻卓約與俱下卓許之後更狐疑不赴或說卓且偽許敦待至都而討之卓曰昔陳敏之亂吾先從而後圖之論者謂吾懼逼而

思降心常愧之今若復爾何以自明敦遣參軍桓羅說譙王承請為已軍司承歎曰吾其死矣地荒民寡勢孤援絕將何以濟然得死忠義夫復何求承檄長沙虞悝為長史會悝遭母喪承往弔之曰王室方危金革之事古人所不辭將何以教之悝曰鄙州荒弊難以進討宜且收衆固守傳檄四方敦勢必分分而圖之庶幾可捷也承乃囚羅以悝為長史第望為司馬移檄遠近列敦罪惡州內皆應之惟敦姊夫鄭澹為湘東太守不從命承使望討斬之以徇四境又遣主簿鄧騫說甘卓曰劉大連雖驕蹇失衆心非有害於天下大將軍以私憾稱兵向闕此忠臣義士竭節之時也公受任方伯奉辭伐罪乃桓文之功也卓參軍李梁曰昔隗囂跋扈竇融保河西以奉光武卒受其福今但當按兵坐待敦事若捷必委將軍以方面不捷朝廷必以將軍代之何憂不富貴而釋此廟勝決存亡於一戰邪騫曰光武當創業之初故隗竇可以從容顧望今將軍之於本朝非竇融之比也襄陽之於大府非河西之固也使敦克劉隗還武昌增石城之戍絕荆湘之粟將軍欲安歸乎勢在人手而曰我處廟勝未之聞也且為大臣國家有難坐視不救於義安乎以將軍之威名杖節鳴鼓以順討逆舉武

昌若摧枯拉朽耳武昌既定據其軍實招懷士卒使還

者如歸此呂蒙所以克關羽也敦恐卓於後為變又遣

參軍樂道融往邀之道融忿其恃逆反說卓曰王敦背

恩肆逆舉兵向闕君受困厚恩而與之同生為逆臣死

為愚鬼不亦惜乎為君之計莫若偽許應命而馳襲武

昌必不戰而自潰矣卓意始決遂露檄敦敦逆狀帥所

統致討遣參軍至廣州約陶侃侃遣參軍高寶帥兵北

下武昌城中傳卓軍至人皆奔散敦遣魏又帥兵攻長

沙城池不完資儲又闕人情震恐或說承南投陶侃或

退據零桂承曰吾之志欲死忠義豈可貪生苟免為奔

敗之將乎事之不濟令百姓知吾心耳乃嬰城固守虞

望戰死甘卓亦遣承書勸之且云當以兵出沔口斷敦

歸路則湘圍自解矣承復書曰足下能卷甲電赴猶

有所及若其狐疑則求我於枯魚之肆矣卓不能從

覽問曰枯回反金革之事古人所不辭記曾子問篇子夏

日吾聞諸老聃曰昔者魯公伯禽有為為之也今以三

年之喪從其利者吾弗知也注伯禽有徐戎作難喪卒

哭而征之急王事也喪大記曰大夫士既葬公政入於

家既卒哭弁經帶金革之事無辭也注此權禮也弁經

帶者變喪服而弔服輕可以即事也辟音避又墨衰以

從金革之事注見唐德宗貞元十三年大連劉隗字廟

勝注見漢宣帝神爵元年露檄檄者陳彼之惡說此之

德曉慰百姓之書也露者不緘封之以示明告中外

質實鼠注見唐昭宗天復三年羊曼泰山平陽人城狐社

度幸納伊尹之忠殷道復昌注見太興元年吳興郡名

注見宋明帝太始二年蕪湖縣名注見成帝咸和一年

温嶠太原祁人羨之從子長沙郡名注見漢獻帝興平

元年湘東郡名注見宋文帝元嘉十五年虞悝臨湘人

鄧騫長沙人樂道融丹陽人沔口注見漢獻帝建安十

二年狐疑注見秦二世三年求我於枯魚之肆莊子外

物篇莊周貸粟於監河侯侯曰以金貸汝周曰昔見轍

中涓鮒曰無非斗之水以活我乎周曰待我決西江

以活汝鮒曰如君言不如早索我於枯魚之肆也

發明

在易坤初六之象曰臣弑其君子弑其父非一

也夫亂臣賊子何世無之人君尊居九五固當防微

杜漸銷患未萌豈待逆勢已成而後誅剪之哉王處

仲久握大權專制方面其無君之心已非一日綱目前已屢書于冊皆以著其不臣之跡而晉帝則未有處也一旦舉兵向闕直書其反則見其初無所因為反已久故易於舉兵耳下書據石頭還武昌惟意所欲雖有協隗等出戰而敗皆削不書其舉動之易如此將何以制之哉人主至是固已末如之何矣然則有天不國家者蓋亦謹其微乎

封子昱為琅邪王 ○ 趙封楊難敵為武都王

趙王曜自擊楊難敵難敵逆戰不勝
退保仇池遣使稱藩趙以為武都王
七年武都國名注見漢獻帝建安二十二年

質實

仇池縣名注見惠帝元康

陳安叛趙

趙秦州刺史陳安求朝於曜曜辭以疾安怒大掠而歸隴上氏羗皆附之有衆十餘萬自稱涼王獲趙將呼延寔及魯憑將用之
質實 隴上注見漢光武建武八年隴西二人不屈皆殺之

三月敦據石頭殺驃騎將軍戴淵尚書僕射周顛其卓還

襄陽夏四月敦還武昌

帝微戴淵劉隗入衛百官迎于道隗岸憤大言意氣自若與刀協勸帝盡誅王氏帝不許王導帥宗族每旦詣臺待罪周顛將入導呼之曰伯仁以百口累卿顛直入不顧既見帝言導忠誠申救甚至帝納其言顛喜飲酒至醉而出導又呼之顛不與言顧左右曰今年殺諸賊奴取金印如斗大繫肘後既出又上表明導無罪言甚切導不知恨之帝命還導朝服召見之導稽首曰逆臣賊子何代無之不意今者近出臣族帝跪而執其手曰茂弘方寄卿以百里之命是何言耶以為前鋒大都督詔曰導以大義戒親可以吾為安東時節假之將軍周札素矜險好利帝使隗軍金城札守石頭敦至石頭欲攻隗杜弘曰隗死士多未易可克周札少恩兵不為用攻之必敗札敗則隗走矣敦從之以弘為前鋒札果開門納弘敦據石頭歎曰吾不復得為盛德事矣謝鯤曰何謂其然也但使自今已往日忘日去耳帝命協隗淵導顛等分道出戰皆大敗太子紹欲自帥將士決戰温

嶠執鞶諫曰殿下國之儲副奈何以身輕天下抽劔斬
鞶乃止敦擁兵不朝放士卒劫掠宮省奔散惟將軍劉
超按兵直衛及侍中二人待帝側帝遣使謂敦曰公若
不忘本朝於此息兵則天下尚可共安如其不然朕當
歸琅邪以避賢路協隗敗還帝流涕執其手勸令避禍
給人馬使自為計協素無恩紀募從者皆委之為人
殺隗奔後趙官至太子太傅而卒帝令百官詣石頭見
敦敦謂淵曰前日之戰有餘力乎淵曰豈敢有餘但力
不足耳敦曰吾今此舉天下以為何如淵曰見形者謂
之逆體誠者謂之忠敦笑曰卿可謂能言又謂周顛曰
伯仁卿負我顛曰公戎車犯順下官親帥六軍不能其
事使土旅奔敗以此負公敦以太子有勇畧為朝野所
嚮欲誣以不孝而廢之大會百官問温嶠曰皇太子以
何德稱聲色俱厲嶠曰鈞深致遠蓋非淺局所量以禮
觀之可謂孝矣衆皆以為信然敦謀遂沮帝召周顛謂
曰近日大事二宮無恙諸人平安大將軍固副所望邪
顛曰二宮自如明詔臣等尚未可知或勸顛避敦顛曰
吾備位大臣朝廷喪敗寧可草間求活外投胡越邪敦
參軍呂猗素以姦諂為淵所惡說敦曰周戴皆有高名
足以惑衆近者之言曾無作色公不除之恐必有再舉

之憂敦然之以問導曰周戴南北之望當登三司無疑
也導不答又曰止應令僕邪又不答敦曰若不爾正當
討爾又不答敦遂遣部將收之顛被收路經太廟大言
曰賊臣王敦傾覆社稷枉殺忠臣神祇有靈當速殺之
收人以戟傷其口流血至踵容止自若觀者皆為流涕
身淵殺之帝使敦弟彬勞敦彬素與顛善先往哭之然
後見敦敦怪其容慘問之彬曰向哭伯仁情不能已敦
怒曰伯仁自致刑戮且凡人遇汝汝何哀而哭之彬勃
然數之曰兄抗旌犯順殺戮忠良圖為不軌禍及門戶
矣辭氣慷慨聲淚俱下敦大怒曰爾以吾為不能殺汝
邪導勸彬起謝彬曰脚痛不能拜且此復何謝敦曰脚
痛孰若頸痛彬殊無懼色導後料檢中書故事乃見顛
表執之流涕曰吾雖不殺伯仁伯仁由我而死幽冥之
中負此良友初敦聞其卓起兵大懼卓兄子却為敦參
軍敦遣却歸說卓使旋軍卓雖慕忠義性多疑少決聞
周戴死流涕謂却曰吾之所憂正為今日若徑據武昌
敦勢逼必劫天子以絕四海之望不如更思後圖吾據
敦上流敦亦未敢遽危社稷也即命旋軍樂道融曰今
分兵斷彭澤使敦上下不得相赴其衆自然離散可一
戰擒也將軍赴義兵而中止竊為將軍不取也卓不從

道融憂憤而卒卓本寬和忽更疆塞徑還襄陽意氣騷擾識者知其將死矣敦改易百官及諸軍鎮惟意所欲將還武昌謝鯤曰公若朝天子使君臣釋然則物情皆悅服矣敦竟不朝而去四月還武昌

集覽 岸露額曰岸光武岸憤見馬援杜甫詩白憤岸江阜魯輩詩顏然岸巾憤箋云岸憤頽其中也以示懶散為安東時懷帝時元帝嘗為安東將軍素無恩紀紀謂僕也左傳秦伯送衛於晉三千人實紀網之僕故今俗稱人之僕曰秦網秦紀此言素無恩紀者謂僕從皆非平素恩德沾及之人

正誤 素無恩紀今按通親親表註思紀謂恩情相紀錄也

質實 伯仁周顛表此言刀協素無恩意記念收錄人也

表字周札陽羨人處之子一統志云金城在應天府三十五里三国吳所築晉咸寧中桓温出鎮江乘之金城後温北伐見向所種柳即此城也石頭城名注見獻帝建安十七年彭澤漢之縣名屬豫章郡晉因之梁屬太原郡隋置龍城縣屬江州後改彭澤縣屬九江郡唐初於此置浩州後廢州以縣屬江州宋元仍舊本朝因之改屬九江府襄陽郡名

注見齊和帝中興元年

敦兵陷長沙湘州刺史譙王承死之

魏人等攻湘州百日拔之執譙王承殺虞悝子弟對之號泣悝曰人生會當有死今闔門為忠義之鬼亦復何恨又以檻車載承送武昌主簿桓雄書佐韓階從事武延毀服為僮從承不離左右又見雄姿貌舉止非凡人憚而殺之王廩承敦旨殺承於

質實 桓雄長道階延送承喪至都葬之而去

五月敦殺甘卓

卓家人皆勸卓備敦卓不從悉散兵佃作襄陽太守周慮承敦意襲殺之傳首於敦敦以從事周撫代卓鎮沔中敦既得志暴慢滋甚四方貢獻多入其府將帥岳牧皆出其門以沈充錢鳳為謀主二人所諧無不死者

質實

周撫潯陽人訪之子沔中注見漢後主建興七年沔陽

書法

書卓還何罪卓也承卓皆嘗予之以討矣於是或書死之而具其官或書殺而削其爵為義不

終者可
以鑒矣

發明

承卓始書移檄討賊同功一體今又皆為賊所殺初無少異胡為承書死之卓書殺書法不同如此蓋承始終守義卓尤豫不決故也向使卓能奮身殉國戮力討逆則雖兵敗而死亦不失為全節之士矣徘徊顧望且前且却果何為者故前書卓還襄陽以著其失此書處仲殺卓而不書其官皆以戒狗義不終者也惜哉

秋七月後趙拔泰山殺徐龕兖州刺史郗鑒退屯合肥

鑒在鄒山三年有眾數萬戰爭不息百姓饑饉為後趙所逼退屯合肥僕射紀瞻以鑒雅望清德宜從容臺閣疏請徵之乃徵拜尚書徐充間諸鳩多降於後趙趙置守宰以撫之

質實

泰山郡名注見秦始皇二十八年兖州注見周安王五年濮陽鄒山即鄒嶧山注見秦始皇二十八年合肥縣名注見漢靈帝中平五年

書法

徐龕孟達一也孟達書死之漢後主建興六年以此其書殺何罪龕也龕之叛非有劉封之偏徒以爭功故耳既又寇濟岱敗王師與孟達異矣故孟達之反正書來歸而龕書復降所以著其反覆也綱

目之權衡審矣

冬十月後趙寇譙祖約退屯壽春

祖逖既卒後趙屢寇河南拔襄城城父圍譙祖約不能禦退屯壽春後趙遂取陳留梁鄭之間復騷然矣

質實

襄城縣名注見周赧王十六年城父縣名注見秦王政二十二年壽春縣名注見秦王政六年

閏十一月帝崩司空導受遺詔輔政太子紹即位

帝恭儉有餘而明斷不足故大業未復而禍亂內興竟以憂憤成疾而崩太子即位導所生母荀氏為建安君

質實

建安郡名注見武帝泰始五年

書法

賀善贊曰琅邪自督揚州一書遣紀瞻討石勒而已長安既陷然後出師露次移檄北征故綱

目特書病之然其即位止稱晉王雖中外勸進弗敢從也愍帝遇害始正帝號亦庶乎知節者故綱目書即皇帝位如光武獨其無志遠畧不能盡祖逖之才遂使河南終淪左衽惜哉

後趙右長史張賓卒

賓卒後趙王勒哭之慟曰天不欲成吾事邪何奪吾右侯之早也程遐代為右長史勒每與遐議有不合輒歎曰右侯捨我去豈非酷乎因流涕彌日

張茂取隴西南安置秦州

質實隴西郡名注見秦王政三年南安郡名注見漢後主

建興六年秦州注見漢光武建武元年天水郡

肅宗明皇帝太寧元年

趙光初六年春正月成寇臺登陷越

舊漢嘉郡

質實越雋郡名注見漢武帝元鼎六年一統志云臺登漢之縣名屬越雋郡晉宋因之後

周置沙郡隋廢以縣屬雋州唐隸登州後陷於蒙詔號落蘭部元至元中置瀘沽縣屬禮州

址在四川行都司城北一百二十里

漢嘉郡名注見漢後主建興十二年○二月葬建平陵**質實**一統志云建平陵在應天府上元縣境內○三月後趙寇彭城下邳徐州刺

史下敦退保盱眙

質實盱眙縣名注見秦二世二年○夏四月敦移屯

姑孰自領揚州牧以王導為司徒

敦謀篡位諷朝廷徵已帝手詔徵之敦移鎮姑孰屯于湖以導為司徒自領揚州牧敦欲為逆王彬諫之甚苦敦變色目左右將收之彬正色曰君昔歲殺兄今又殺弟邪敦乃止

集覽姑孰今太平州有姑孰溪水西入江金陵記云隋平陳徙當塗於姑孰于湖漢丹陽郡地晉分丹陽置于湖縣宋置太平州郡

國志云宋以來或**質實**一統志云姑孰古郡名春秋時治姑孰或徙于湖

鄣郡漢為丹陽郡地晉屬丹陽宣城二郡成帝時僑立淮南郡及當塗縣治于湖後又僑立豫州治蕪湖劉宋

以來或治姑孰或徙于湖又併淮南入宣城郡亦治于湖隋省蕪湖等縣以當塗屬蔣州唐以當塗置南豫州

尋廢州以縣屬宣州五代時南唐於當塗立新和州後改雄遠軍宋改為平南軍後陸為太平州元陞為太平

路屬江浙行省本朝改為府直隸京師于湖晉之縣名屬丹陽郡東晉以江北當塗流民南渡者衆乃於于

湖橋立當塗縣及淮南郡隋初罷淮南郡徙當塗于姑孰屬丹陽郡唐初於縣置南豫州尋廢州以縣屬宣州後以丹陽縣省入屬昇州尋復舊南唐屬雄遠軍宋屬太平州元仍舊本朝因之改屬太平府

書法 以者何敦以之也王導乃心帝室而受其以綱目獨不為賢者諱乎揚州牧要職也視司徒有間矣書自領揚州牧以導為司徒所以見敦之欲自專也於導何病哉故敦自書反以至於死綱目皆削其姓

寧州刺史王遜卒

成李驥攻寧州刺史王遜遣將軍姚徽拒戰大敗之追至瀘水而還遜以徽不窮追大怒鞭之怒甚冠裂而卒在州十四年威行殊俗

質實

寧州注見漢武帝元符元年滇國瀘水注見漢後主

六月立皇后庾氏以庾亮為中書監

考異 庾字當作后尤與漢何遜同

書法

不書后兄亮亮賢也與董重楊駿異矣

秋七月趙擊陳安斬之封姚弋仲為平襄公

趙主曜圍安於隴城安頻出戰輒敗突圍出奔曜遣將軍平先追斬之安善撫將士與同甘苦及死隴上人思之為作壯士之歌氏羗皆送任請降以赤亭羗酋姚弋仲為平西將軍封平襄公

質實

一統志云隴城漢之縣名屬隴西郡晉改天水郡劉宋廢之故城在鞏昌府秦州西北九十里赤亭注見漢安帝元初四年平襄縣名注見漢安帝永初二年

八月敦表江西都督郗鑒為尚書令

帝畏王敦之逼以鑒為外援使鎮合肥敦忌之表鑒為尚書令鑒還過敦敦與論西朝人士曰樂彥輔短才耳考其實豈勝滿武秋邪鑒曰彥輔道韻平淡愍懷之廢柔而能正武秋失節之士安能擬之敦曰當是時危機交急鑒曰丈夫當死生以之敦惡其言不復見敦黨皆勸殺之不從鑒還臺遂與帝謀討敦

集覽

彥樂

輔姓樂名廣字彥輔滿正誤滿武秋今按滿奮字武秋
武秋姓滿名奮字武秋愍懷太子廢送許昌奮勅
東宮官屬之辭太子者趙王倫篡
位奮又奉璽綬故云失節之士

書法王含督江西書敦以罪專也此其書表何敦忌
鑒之遷出上意矣書口敦表所以著敦自固之私也
不使夷於王氏之黨也直書以不可手虛書以則是

後趙寇青州陷之

石虎帥步騎四萬擊青州郡縣多降遂圍廣固曹嶷出
降殺之阮其衆三萬虎欲盡殺嶷衆刺史劉徵曰今留
徵使牧民也無民焉牧徵將婦爾虎
乃留男女七百日配徵使鎮廣固

七年

趙擊涼州張茂降趙封茂為涼王

趙主曜自隴上西擊涼州戎卒二十八萬涼州大震參
軍馬爰勸張茂親出拒戰長史元棹請斬之茂曰元公

精相書生不思大計明公父子欲為朝廷謀曜有年矣
今曜自至遠近觀公此舉當立信勇之驗以副秦隴之
望力雖不敵勢不可以不出茂曰善乃出屯石頭問計
於參軍陳珍珍曰曜兵雖多皆氐羗烏合之衆恩信未
洽且有山東之虞安能曠日持久與我爭河西邪若二
旬不退珍請得弊卒數千為明公擒之趙諸將爭欲濟
河曜曰吾軍疲困其實難用今但案甲勿動以威聲震
之若出中甸茂表不至者吾為負卿矣茂尋遣使稱藩
曜拜茂太師封**質實**秦隴二州名秦注見漢光武建武
涼王加九錫元年隴注見梁武帝普通通五年石
頭山名在陝西涼州衛城西南八十五里河西郡名
注見漢安帝元初元年九錫注見漢平帝元始五年

楊難敵降成復叛殺成將李琰李稚

難敵聞陳安死大懼請降於成成將軍李稚受其賂遣
還武都難敵遂據險不服稚自悔失計亟請討之成主
稚遣稚兄琰擊之長驅至下辨難敵遣兵斷
其歸路四面攻之琰稚深入無繼皆為所殺
注見漢獻帝建安二十三年下辨
道名注見漢光武建武十一年

趙封故世子胤為永安王

初趙主曜世子胤年十歲長七尺五寸既長多力善射
驍捷如風斬準之亂沒於黑匿郁鞠部陳安既敗自言
於郁鞠郁鞠禮而歸之曜悲喜謂群臣曰義孫故世子
也材器過人且涉歷艱難吾欲法周文王漢光武以固
社稷而安義光何如左光祿大夫卜泰進曰文王定嗣
於未立之前則可光武以母失恩而廢其子豈足為法
彝以東海為嗣未必不如明帝也胤文武才畧誠高絕
於世然太子孝友仁慈亦足為承平賢主况東宮民神
所繫豈可輕動臣等有死而已不敢奉詔曜默然胤進
曰父之於子當愛之如一今黜胤而立臣臣何敢自安
苟以臣頗堪驅策豈不能輔胤以承聖業乎臣請效死
於此不敢聞命曜亦以熙羊后所生時后已卒不忍廢
也泰即胤之舅也曜嘉其公忠以為光祿大夫領太子
太傅封胤永安王都督二宮禁衛錄尚書事命熙盡家
人之禮

集覽

熙字胤東海為嗣東漢恭王漢光武郭后所生先立
為太子後以母被廢遂願備藩國事在建武十九年

正

趙涼王張茂城姑臧

誤安義光今按集覽是也一本光誤作孫故世子胤字
義孫今太子熙字義光趙主意謂胤乃故世子又材
器過人熙其弟也材不及胤而為太子恐有不安故欲
廢熙立胤以固社稷而使熙安也文王舍伯邑考而立
武王光武廢太子疆而立

實實

永安郡名注見隋
楊帝大業十三年

茂大城姑臧修靈鈞壺別駕吳紹諫曰明公所以修城
築臺者蓋懲既往之患耳愚以為苟思未洽於人心雖
處層臺亦無所益適足以疑群下之志示怯弱之形爾
茂曰亡兄一旦失身於物豈無忠臣義士欲盡節者哉
顧禍生不意雖有智勇無所施耳王

集覽

德既往之患
先是茂兄寔

為其帳下閹涉所殺今茂以此患為懲戒王公設險易
習坎文注見宋文帝元嘉四年勇夫重閉謂匹夫之勇
猶且重關以自防也重有隴反左傳成八年晉侯使申
公巫臣假道于晉與晉子立於池上曰城已惡晉子曰
辟陋在夷其孰以我為虞對曰勇夫重閉况國乎明年
楚代晉圍渠丘渠丘城惡衆潰圍晉晉城亦惡晉潰楚

遂入郢君子曰台恃其陋而不修城郭決辰之間楚克其三荆無備也夫易擊辭曰重門擊柝以待暴客蓋取諸豫此亦質實姑臧縣名注見元帝建武元年一統志豫備之意質實云靈鈞臺在陝西涼州衛治北晉明帝太寧初張茂立姑臧時所築遺址尚存

冬十一月敦以王含督江西軍

初敦從子允之方總角敦愛其聰警常以自隨敦常夜飲允之辭醉先卧敦與錢鳳謀為逆允之悉聞其言即於卧處大吐衣面並汚鳳出敦果照視見允之卧於吐中不復疑之會其父舒拜廷尉允之求歸省悉以其謀白舒舒與王尊俱啓帝陰為之備敦欲彊其宗族故徙含督江西以舒彬為荆江刺史集覽總角髮髮為角兩髻相並也詩甫田總角也質實荆江二州名注見漢書亮其書法欲強王氏以含督江西以舒彬刺荆江舒彬不心也

甲申

二年趙光初七

後趙六年

考異當國下分注涼王張駿太元元

春正月敦殺其從事

周嵩周筵及會稽內史周札

札一門五侯宗族彊盛王敦忌之嵩以兄顛之死心常憤憤敦惡之會道士李脫以妖術惑衆敦誣嵩及札兄子筵與脫謀不軌殺之遣質實會稽郡名注見漢沈充藁會稽札拒戰而死質實和帝永元元年

後趙陷東莞東海攻趙河南斬其守將

質實

東莞郡名注見安帝義熙

五年東海郡名注

自是二趙構隙日相攻掠河東弘農之間民不聊生

成主稚立其兄子班為太子

成主稚后任氏無子有妾子十餘人稚立其兄蕩之子班為太子使任后母之群臣請立諸子稚曰吾兄先帝之嫡統有奇材大功事垂克而早世朕常悼之且班仁孝好學必能負荷先烈太傅驥諫曰先王立嗣必子者

所以明定分而防篡奪也宋宣公吳餘祭足以觀矣惟不聽退而流涕曰亂自此始矣班為人謙恭下士動遵禮法雄每有大

集覽

宋宣公宣公遜國於弟穆公穆公遇弒春秋

議宋之亂由宣公廢子立弟因以不寧者十世吳餘祭吳王諸樊卒立弟餘祭餘祭卒立次弟餘昧餘昧卒以次授弟季札季札逃去立其子僚僚為其弟闔閭所弒季札曰是亂由先人起也祭例界反

書法

於是雄有妻子不立立班書立其兄子班著亂始也故斥書主據漢立子繫子熙下書主

夏五月趙涼王張茂卒世子駿嗣

茂疾病執駿手泣曰吾家世以孝友忠順著稱晉室雖微汝奉承之不可失也且下令曰吾官非王命苟以集事死之日當以白拾入棺勿以朝服歛及卒趙以駿為涼州牧涼王

書法

茂自嗣立雖無可紀然其死也以事晉屬其子且以官非晉命耻之終身則亦未嘗忘晉者也

特屈於趙耳故卒之書曰趙涼王閔之也

六月加司徒導大都督揚州刺史督諸軍討敦敦復反秋

七月至江寧帝親征破之敦死衆潰其黨錢鳳沈充伏誅

敦無子養允舍子應為嗣至是疾甚矯詔拜為武衛將軍以自副錢鳳曰脫有不諱便當以後事付應邪敦曰非常之事非常人所能為且應年少豈堪大事我死之後釋兵歸朝保全門戶上計也退還武昌收兵自守貢獻不廢中計也及吾尚存悉衆而下萬一僥倖下計也鳳謂其黨曰公之下計乃上策也遂與沈充定謀以宿衛尚多奏令三番休二帝親任中書令溫嶠敦惡之請為左司馬嶠乃繆為勤敬綜其府事時進密謀以附其欲深結錢鳳為之聲譽每曰錢世儀精神滿腹嶠素有藻鑑之名鳳甚悅深欲結好會丹陽尹缺嶠言於敦曰京尹咽喉之地公宜自選敦然之問誰可者嶠薦錢鳳鳳亦推嶠嶠為辭敦不聽遂表用之使峴伺朝廷嶠恐既去而鳳於後間之因敦餞別起行酒至鳳未及飲嶠偽醉以手版擊鳳憤墜鳳作色曰錢鳳何人温太真行酒而敢不飲敦以為醉兩釋之嶠與敦別涕泗橫流出閣復入者再三行後鳳謂敦曰嶠於朝廷甚密而與

庚亮深交未可信也敦曰太真昨醉小加聲色何得便爾相讒橋至建康盡以敦逆謀告帝與亮畫計討之敦聞之大怒曰吾乃為小物所欺與王導書曰太真別來幾日作如此事當募人生致之自投其舌帝加導大都督領揚州刺史使橋與將軍亡敦應詹郗鑒分督諸軍鑒請詔臨淮太守蘇峻兗州刺史劉遐等入衛帝屯于中堂導聞敦疾篤帥子弟為之發哀衆以為敦信死咸有奮志於是尚書騰詔下敦府曰敦輒立兄息以自承代不由王命頑凶相獎志窺神器天不長姦敦以隕斃鳳復扇逆今遣司徒導等討之諸為敦所授用者一無所問敦之將士從敦彌年違離家室朕甚愍之其單丁遣歸終身不調餘皆與假三年休訖還臺當與宿衛同例三番敦見詔甚怒而病轉篤將舉兵使郭璞筮之璞曰無成敦素疑璞助橋又問吾壽幾何璞曰明公起事禍必不久若住武昌壽不可測敦大怒曰卿壽幾何曰命盡今日日中敦乃收璞斬之而使王含錢鳳鄧岳周撫等帥衆向京師鳳問曰事克之日天子云何敦曰尚未南郊何稱天子便盡卿兵勢但保護東海王及裴妃而已七月含水陸五萬奄至江寧南岸人情恟懼橋燒朱雀桁以挫其鋒帝欲親將兵擊之聞橋已絕大怒橋

曰今宿衛寡弱徵兵未至若賊乘突社稷且恐不保何愛一橋乎司徒導遺含書曰承大將軍已不諱兄此舉謂可知昔年之事乎昔年侯臣亂朝人懷不寧如導之徒心思外濟今則不然大將軍來屯于湖漸失人心臨終之日委重安期諸有耳者皆知將為禪代非人臣之事也先帝中興遺愛在民聖主聰明德洽朝野兄乃欲妄萌逆節凡在人臣誰不憤歎導門戶大小受國厚恩今日之事明目張膽為六軍之首寧為忠臣而死不為無賴而生矣含不答或以為含鳳衆力百倍苑城小而勢不可當可以謀屈難以力競且含等號令不一抄盜相尋曠日持久必啓義士之心今決勝負於一朝萬一蹉跌雖有申昏之徒何補既往哉帝乃帥諸軍出屯南皇堂夜募壯士遣將軍段秀等帥千人渡水掩其未備平旦戰於越城大破之秀匹礮第也敦聞含敗大怒曰我兄老婢耳門戶衰世事去矣我當力行因作勢而起困乏復卧乃謂應曰我死汝便即位先立朝廷百官然後營葬敦尋卒應秘不發喪暴尸以席瓊塗其外埋於廳事中日夜縱酒淫樂帝使人說沈充許以為司空充不奉詔遂舉兵與含合司馬顧颺說充曰今舉大事而

天子已扼其咽喉鋒摧氣沮持久必敗若決破柵塘因
湖水以灌京邑縱舟師以攻之上策也藉初至之銳奔
東西軍之力十道俱進衆寡過倍理必推陷中策也轉
禍為福召錢鳳計事因斬之以降下策也充不能用劉
遐蘇峻等帥精卒萬人至擊充鳳大破之潯陽太守周
光帥千餘人赴敦求見應辭以疾光退見其兄撫曰王
公已死兄何為與錢鳳作賊衆皆愕然舍等遂燒營夜
遁明日帝還宮舍欲奔荆州應曰不如江州舍曰大將
軍平素與江州云何而欲歸之應曰此非常人所及今
荆州當人疆盛時能立同異此非常人所及今觀困厄
必有慙側之心荆州守文豈能意外行事邪舍不從遂
奔荆州王舒遣軍迎之沈其父子於江王彬聞應當來
密具舟待之不至深以為恨周光斬鳳詣關自贖充為
故將吳濡所殺傳首建康敦黨悉平有司發敦瘞焚其
衣冠踞而斬之與充首同懸於南桁郝鑒曰前朝誅楊
峻等皆先極官刑後聽私殯臣以為王誅加於上私義
行於下宜聽敦家收葬帝許之導等皆以討敦功受封
賞有司奏王彬等當除名詔曰司徒導以討敦功受封
將百世宥之况彬等皆其近親乎悉無所問有詔敦網
紀除名參佐禁錮温嶠上疏曰敦剛復不仁忍行殺戮

虞其朝者恒懼危亡原其私心豈違安處必其贊導凶
悖自當正以典刑如其枉陷姦黨謂宜施之寬貸郝鑒
以為先王立君臣之教貴於仗節死義王敦佐吏雖多
逼迫然進不能止其逆謀退不能脫身遠遁準之前訓
宜加義責帝

集覽

二休息於家輒立兄息兒子曰息謂
三番休二作三次更番其一調出其

專輒立兄之子為嗣江寧縣名偽吳為江寧府宋仁宗
改為建康府治上元江寧朱雀桁桁與抗通音胡剛反
方舟也駕方舟以為橋在國東南四里承突謂恐賊如
猪伏穴中人不意之突然而出也昔年之事元帝永昌
元年王敦舉兵據石頭委重安期謂敦以重事委付舍
子應也安期乃應之字苑城即後苑申胥之徒服虔曰
戰國楚大夫王孫包胥也正義曰包胥姓公孫氏封於
申故號申包胥初與伍子胥為友後子胥奔吳言必欲
滅楚申胥曰子能滅之我必能興之大將軍平素與江
州云何前年敦兵犯闕元帝使敦弟彬勞敦彬乃勃然
數敦之罪敦怒王導勸彬起謝彬曰脚痛不能拜去年
敦又欲反彬又切諫敦欲殺彬彬曰君昔年殺兄今又
殺弟邪敦乃止今彬為江州刺史故舍云然荆州守文
荆州謂荆州刺史王舒也王舒執守文法不宜歸投之

綱紀謂別駕

督實

世儀錢鳳表字丹陽郡名注見漢獻

淮郡名注見新莽天鳳四年一統志云江寧晉之縣名

屬秣陵郡宋齊因之隋徙治治城省秣陵建康同夏三

縣入焉唐武德中改江寧曰歸化尋改歸化曰金陵又

改金陵曰白下貞觀中改白下曰江寧上元初改江寧

為上元南唐復折上元置江寧縣宋元仍舊本朝因

之改屬應天府蹉跌注見漢順帝陽嘉二年越城在應

天府南六里本東甌越王所立金陵故事范蠡佐越滅

吳欲圖霸中國立城於金陵以張威勢今存遺址人呼

為越臺潯陽古地名春秋時為吳楚地秦為九江郡地

漢初屬淮南國尋復屬豫章郡文帝時又分屬廬江郡

東漢末其地南境入吳屬彭澤郡北境入魏屬廬江郡

後盡入吳屬武昌郡鄱陽豫章三郡地永興

初置潯陽郡於此屬江州梁移江州治湓城即今府治

隋初廢郡後改州曰九江郡唐復為江州天寶初改潯

陽郡乾元初復為江州五代時揚吳置奉化軍節度宋

降為軍事隸江南東路建炎初陞定江軍江西安撫司

治此元置江州路本朝改九江府屬江西道南折注

見安帝元興元年申胥之徒注見宋文帝景平二年

書法

上書討下書拒多矣此其書敦復何敦本欲

反也討敦之師未至而敦兵已至江寧矣故書

反書親征始此綱目書自將三十八詳漢高

帝五年書親征二是年唐太宗貞觀十八年

代王賀偃徙居東水根山

是歲賀偃始親國政以諸部多未

服乃築城於東水根山徙居之

三年趙光初八年春二月贈故譙王承戴淵周顛等官有差

詔故譙王承戴淵周顛及卓卓虞望郭璞等贈官有差

周札故吏為札訟冤尚書卜盡議以為札開門延寇不

當贈謚王導以為往年之事敦姦逆未彰自臣等有識

以上皆所未悟與札無異既悟其姦札便以身許國尋

取梟夷臣謂宜與周戴同例郗鑒以為周戴死節周札

集覽

梟夷梟與

木上也夷平也
謂盡誅滅之
質實 郭璞開喜人桓文謂齊桓公晉文
厲謂周之幽王厲王乃亡
國之君事見通鑑前編

許昌叛降後趙。立子衍為皇太子。夏五月以陶侃都督荆湘等州軍事。

侃復鎮荊州士女相慶侃性聰敏恭勤終日歛膝危坐
軍府衆事檢攝無遺未嘗少閑常語人曰大禹聖人乃
惜寸陰至於衆人當惜分陰豈可逸遊荒醉生無益於
時死無聞於後是自棄也諸參佐以談戲廢事者命取
其酒器箒博之貝悉投之於江將吏則加鞭朴曰博箒
者牧猪奴戲耳老莊浮華非先王之法言不益實用君
子當正其威儀何有蓬頭跣足自謂宏達邪有奉饋者
必問其所由若力作所致雖微必喜慰賜參倍若非理
得之則切厲呵辱還其所饋嘗出遊見人持一把未熟
稻侃問用此何為人云行道所見聊取之耳侃大怒曰
汝既不佃而戲賊人稻執而鞭之是以百姓勤於農作
家給人足嘗造船其木屑竹頭侃皆令藉而掌之人咸

不解後正會積雪始晴聽事前猶濕乃以木屑布地及
桓温伐蜀又以所貯竹頭作丁裝船其綜理微密皆此
類也
集覽 胡作說文曰博與博通局戲也博物志云老子入
者塞也即陸博也人多謂之賭博誤矣蓋博亦博箒戲
以五木為子有梟盧雉積塞五者為勝負之采案五木
即今之骰子也列子擊博樓上注云擊博如今之雙陸
碁六碁白六碁黑所擲骰謂之瓊瓊有五采色故謂之
五塞楚辭招魂篇曰篔簹象棋有六博些成梟而年呼
五白些晉制犀比費白日些晦庵集註云篔簹竹名箴字
從竹博箸也以篔簹作箸象牙為碁投箸為碁倍勝為
年五白博齒也言已之碁已梟當成年勝故呼五白以
助投也晉制犀比謂晉因工作博碁箸比集犀角以為
雕飾也博抽居反

質實 老莊注見成
帝咸康三年

後趙石生寇河南司州降趙趙主曜擊生大敗司豫徐亮
皆陷於後趙

後趙將石生寇掠河南司州刺史李矩穎川太守郭默
軍數敗乃附於趙趙主曜使劉岳呼延謨圍生於金墉
後趙石虎救之敗岳擊謨斬之曜自將救岳虎逆戰曜
軍無故驚潰遂歸長安虎擒岳殺之曜憤恚成疾郭默
南奔建康李矩亦帥眾南歸卒於魯陽於是
司豫徐兗之地率皆入於後趙以淮為境矣
秦莊襄王元年三川金墉城名注見魏元帝
咸熙二年魯陽縣名注見漢獻帝初平元年

質實

司州注見

秋閏七月帝崩司徒導中書令庾亮尚書令卞壺受遺詔
輔政太子衍即位尊皇后為皇太后太后臨朝稱制

右衛將軍虞胤左衛將軍南頓王宗俱為帝所親任典
禁兵直殿內多聚勇士以為羽翼王導庾亮頗以為言
帝待之愈厚宮門管鑰皆委之帝寢疾亮夜有所表從
宗求鑰宗不與叱亮使曰此汝家門戶邪亮益忿之及
帝疾篤群臣無得進者亮疑宗胤有異謀排闥入見請
黜之帝不納引太宰西陽王兼司徒導及尚書令卞壺
將軍郝鑒庾亮陸曄丹陽尹溫嶠並受遺詔輔太子更
以亮為中書令而崩帝明敏有機斷故能以弱制彊誅

剪逆臣克復大業太子即位生五年矣群臣進璽導以
疾不至壺正色於朝曰王公非社稷之臣也大行在殯
嗣皇未立豈人臣辭疾之時邪導聞之與疾而至太后
臨朝以導錄尚書事與亮壺參輔朝政然大要皆決於
亮尚書召樂謨為郡中正庾怡為廷尉平謨廣之子怡
珉族子也各稱父命不就壺曰人非無父而生職非無
事而立有父必有命居職必有海若父各私其子則王
者無民而君臣之道廢矣廣珉受寵聖世身非已有况
後嗣哉謨怡**集覽**管鑰鑰與鑰通記月令孟冬慎管鑰
不得已就職**集覽**管鑰鑰與鑰通記月令孟冬慎管鑰
也投管以閉門授鑰以啟門孔穎達疏云鑰以鐵為
之鑿鑰內以搏取其鑰鑰讀為蹇謂鑰之入內者俗謂
鑰須**質實**南頓縣名注見漢光武建武十九年西陽郡
也**質實**名注見懷帝永嘉元年陸曄共郡人瑁之孫
大行注見漢昭帝元平元年郡中正官名注見梁
武帝天監十八年廷尉平官名注見漢文帝三年
書法賀善贊曰明帝即位三年綱目所書自王敦外
不過立后太子及大臣除卒數事耳獨能奮發
剛斷躬殄大憝可謂明也已矣故自入綱
目以來未有書親征者於是特書予之

葬武平陵

質實 一統志云武平陵在應天府上元縣境內

○冬十一月朔日食

○十二月段遼弒其君牙而自立

段氏自務勿塵以來日益疆盛其地西接漁陽東界遼水所統胡晉三萬餘戶控弦四五萬騎末桓卒子牙代立至是疾段眷之孫遼攻牙殺而代之

質實

漁陽郡名注見秦王政三年遼水注見漢昭烈章武元年

代王賀傳卒弟統那嗣

顯宗成皇帝咸和元年

趙光初九年

夏四月後趙石生寇汝

南執內史祖濟

質實

汝南郡名注見漢光武建武十九年

○六月以郝鑒為

徐州刺史

司徒導稱疾不朝而私送鑒下壺奏導虧法從私無大臣之節請免官雖事寢不行舉朝憚之壺儉素燕繁裁斷切直當官幹實性不弘裕不肯苟同時好故為諸名士所少阮孚謂曰卿常無開泰如含瓦石不亦勞乎壺

日諸君子以道德恢弘風流相尚執鄙吝者非壺而誰時貴遊子弟多慕王澄謝鯤為放達壺屬色於朝曰恃

禮傷教罪莫大焉中朝傾覆實由於此欲奏推之導及庾亮不聽乃止

集覽

放達王澄等皆以任放為

達熊遠曰以放蕩為達士應詹曰以玄虛宏放為夷達或曰放誕豁達也

質實

阮孚陳留尉氏人王澄琅

邪臨沂人謝鯤陽夏人徐州注見秦始皇二十八年彭城

秋八月以溫嶠為都督江州軍事王舒為會稽內史

考異

嶠下為字美

初王導以寬和得衆及庾亮用事任法裁物頗失人心祖約自以名輩不後郝卞而不預顧命遺詔褒進大臣

又不及約與陶侃二人皆疑亮剛之歷陽內史蘇峻有

功於國威望漸著卒銳器精有輕朝廷之志招納亡命衆力日多皆仰食縣官稍不如意輒肆忿言亮既疑峻

約又畏侃之得衆乃以嶠鎮武昌舒守會稽以廣聲援又脩石頭以備之丹陽尹阮孚謂所親曰江東創業尚淺主幼時艱庾亮年少德信未孚以吾觀之亂將作矣

遂求出為集覽不預顧命預干預也謂已獨不在受遺

廣州刺史集覽詔之列馬融曰顧命顧念太子而命大

臣輔相之鄭玄曰臨終出命謂之顧命顧

將去之意也縣官注見漢文帝十二年質實歷陽郡

漢冲帝永嘉元年石頭城名注見漢獻

帝建安十七年郗下謂郗鑒下壺也

冬十月殺南頓王宗降封西陽王羨為弋陽縣王

宗自以失職怨望又素與蘇峻善庾亮欲誅之宗亦欲

廢執政中丞鍾雅劾宗謀反亮收殺之降封其兄太宰

西陽王羨為弋陽縣王宗宗室近屬羨先帝保傅亮一

旦剪黜由是愈失遠近之心宗之死也帝不之知久之

帝問亮曰常日白頭公何在亮對以謀反伏誅帝泣曰

身言人作賊便殺之入言舅作賊當如何亮懼變色曰

質實鍾雅穎川長杜人弋陽

發明庾亮輔政之初主少國疑正宜鎮之以靜輒乃

成帝方六歲乃能詰問垂泣亮能無愧於心乎觀一

人無罪可書之實則亮之失刑明矣而當時大臣亦

無有一言及之者又以見亮之專國自用如此寧無誤朝之失乎

後趙使世子弘守鄴

後趙王勒用程遐之謀營鄴宮使弘鎮之石虎自以

功多無去鄴之意及脩三臺遷其家室由是怨遐質

十一月後趙寇壽春歷陽內史蘇峻擊走之

石聰攻壽春祖約屢表請救朝廷不為出兵聰遂進寇

阜陵建康大震蘇峻遣其將韓晃擊走之朝議欲作涂

塘以遏胡寇約曰是集覽阜陵索隱曰漢九江郡屬縣

棄我也益懷憤恚集覽舊名阜陰涂塘注見漢後主

延熙十質實一統志云阜陵漢之縣名屬九江郡後廢

十二月下邳叛降後趙質實下邳縣名注見漢高帝六年○後趙始定

縣名注見漢獻帝興平二年

亥丁

九流立秀孝試經之制

質實 九流注見安帝義熙十一年

二年後趙光初十年夏五月朔日食。張駿遣兵攻趙趙擊敗

之遂取河南地

駿聞趙兵為後趙所敗乃去趙官爵復稱晉大將軍涼州牧遣辛巖等帥眾數萬攻趙秦州趙遣劉胤將兵擊敗之乘勝追奔濟河拔令居據振武河西

大駭金城抱罕降之駿遂失河南之地

帝元符四年金城注見漢武帝元符二年抱罕注見漢靈帝中平元年

冬徵蘇峻為大司農峻與祖約舉兵反

和八年河南地注見宋主昱元徽元年
峻必不奉詔不若且包容之亮曰今縱不順命為禍猶淺若復經年不可復制猶七國之於漢也卞壺曰峻擁疆兵逼近京邑路不終朝一旦有變易為蹉跌宜深思

之温嶠亦累書止亮舉朝以為不可亮皆不聽峻聞之遣司馬詣亮辭亮不許微為大司農以弟逸代領部曲

峻上表辭復不許峻遂不應命温嶠即欲帥眾下衛建康三吳亦欲起義兵亮報嶠書曰吾憂西陲過於歷陽足下無過雷池一步也亮復遣使諭峻峻曰臺下云我欲反豈得活邪我寧山頭望廷尉不能廷尉望山頭峻

知祖約亦怨朝廷乃請共討亮約大喜譙國內史桓宣曰使君欲為雄霸助國討峻則威名自舉今乃與俱反安得久乎約不從宣遂絕之約

遣兄子沛渙塔許柳以兵會峻

發明 晉氏南渡國勢岌岌王蘇相繼內叛幾不能保

至峻雖云狂悖要非處仲之心一旦舉兵故直書其反

能分佈諸鎮犬牙相制峻亦未敢遽反反亦有以理或

之夫何庾亮輕淺無謀橫挑狂賊自速其變故上書

召峻為大司農下書峻反明當時不召峻未必反耳
夫峻介胄武夫乃以農扈處之則用非其職朝廷意嚮可知峻亦豈肯束手自詣綱目推原既始是以書

法若此然則祖約初無召命何以亦反曰約之反由峻邀之也若峻不反約亦無以為倡亂之端不然綱目何以書峻為首而約為從哉

十二月峻襲陷姑孰詔庾亮督諸軍討之宣城內史桓彝起兵赴難

尚書左丞孔坦司徒司馬陶回言於司徒導請及峻未至急斷阜陵守江西當利諸口彼少我衆一戰決矣今不先往而峻使至則人心危駭難與戰矣導然之庾亮不從至是峻使其將韓晃等襲陷姑孰取監米亮方悔之京師戒嚴假亮節都督征討諸軍使左將軍司馬流將兵據慈湖以拒之宣城內史桓彝欲起兵赴朝廷長史裨惠以郡兵寡弱山民易擾宜且按甲以待之爰厲色曰見無禮於其君者若鷹鷂之逐鳥雀今社稷危逼義無宴安遂進屯蕪湖韓晃擊破之因攻宣城爰退保廣德徐州刺史郝鑿欲帥所領赴難詔以北寇不許

集覽

諸江口在江之西者宜守之慈湖地名濱江南岸

金陵覽古曰慈湖在太平州當塗縣北六十五里采石下流三十里至慈湖上口蕪湖漢丹陽郡縣今隸太平

州寰宇記云湖在當塗西南八十里源出丹陽湖以其地卑蓄水非深而生蕪藻因名焉

利諸口今按當利浦名在和州東十里

卅陽人抗之子一統志云當利浦名在直隸和州城東

卅陽人抗之子一統志云當利浦名在直隸和州城東

卅陽人抗之子一統志云當利浦名在直隸和州城東

卅陽人抗之子一統志云當利浦名在直隸和州城東

卅陽人抗之子一統志云當利浦名在直隸和州城東

卅陽人抗之子一統志云當利浦名在直隸和州城東

卅陽人抗之子一統志云當利浦名在直隸和州城東

綏安為廣德縣南唐改為廣德制置司屬昇州宋太平興國中置廣德軍隸江南東路元至元中陞為廣德路

師隸江浙行省本朝改廣德州直隸京

書法

書者可謂難何予倡義也蘇峻之亂書赴難三若葵

再書

三年趙光初十一年後春正月温嶠以兵赴難至尋陽二月

尚書令成陽公卞壺督軍討峻戰敗死之庾亮奔尋陽峻

兵犯闕

温嶠欲救建康軍于尋陽韓晃襲司馬流於慈湖流素儒怯將戰食多不知口處兵敗而死峻濟自橫江臺兵道敗來宜伏兵邀之可一戰擒也亮不從峻果如回言而夜迷失道無復部分亮始悔之朝士多遣家人入東避難左衛將軍劉超獨遷妻孥入居宮內詔以卞壺都

督大折東諸軍及峻戰于西陵大敗峻攻青溪柵壺又拒擊之峻因風縱火烧臺省諸營皆盡壺背癰新愈瘡

猶未合力疾苦戰而死二子于矜盱隨之亦赴敵死其母撫屍哭曰父為忠臣子為孝子夫何恨乎丹陽尹羊曼

黃門侍郎周導廬江太守陶瞻力戰死瞻侃子也亮及郭默趙胤俱奔尋陽將行顧謂侍中鍾雅曰後事深以

相委雅曰棟折榱崩誰之咎也峻兵入臺城司徒導謂侍中褚裒曰至尊常御正殿裒即入抱帝登太極前殿

導及光祿大夫陸晔荀崧尚書張闓共登御床衛帝劉超鍾雅及裒侍立左右太常孔愉朝服守宗廟峻兵既

入叱裒令下裒呵之曰蘇冠軍來觀至尊軍人豈得侵逼峻兵不敢上殿突入後宮宮人皆見掠奪驅役百官

裸剥士女官有布二十萬匹金銀五千斤錢億萬緡數萬匹峻盡費之或謂鍾雅曰君性亮直必不容於寇讐

盍早為計雅曰國亂不能匡君危不能濟各道逃以求免何以為臣峻以王導有德望猶使以本官居已之右

以祖約為太尉峻自錄尚書事弋陽王秉詣峻稱述功

德峻復以為太宰西陽王温嶠聞建康不守號慟人有

候之者悲哭相對庾亮至尋陽宣太后詔以嶠為驃騎將軍開府儀同三司嶠曰今日當以滅賊為急未有功

戊子

而先拜官向以示天下遂不受嶠素
重亮亮雖奔敗嶠愈推奉分兵給之

年 魏色洽反 **質實** 十年一統志云小丹陽路名在應天

府治南與太平府當塗縣接界晉蘇峻叛陶回謂庾亮

曰峻知石頭有重戍必向小丹陽南道來即此地西陸

疑是地名未詳處所青溪柵未詳處所唯應天府治有

青溪水三國吳所鑿東渠更名青溪溪有九曲連綿數

十里通潮溝以洩玄武湖水發源鍾山接於秦淮舊有

七橋曰東門尹橋雞鳴募士菰首中橋大橋未知是否

智者鑒焉臺城注見宋文帝元嘉三

十年褚熒陽翟人荀崧穎川穎陰人

書法 書入援書赴難多矣未有書所至者此其書至

復數四月能致侃侃網目此書正月至尋陽後

書五月以陶侃入討峻則逗留之罪有在矣

發明 前書名峻峻反雖譽由庾亮特未見其罪也次

此書下壺督軍討峻戰敗死之則討賊之責亮當之矣今

不在亮也又書亮奔尋陽峻兵犯關則亮臨難棄君

奔胤苟免其罪始不可逃矣夫峻狼子野心亮既不

能思所處之而乃遽頒召命自速其反方其下詔之

初舉朝以為不可亮乃懷諫自用其失一也温嶠欲

帥衆入衛三吳欲起兵赴難亮皆拒之其失二也孔

坦請斷阜陵守當利諸口而亮不從其失三也陶回

請伏兵小丹陽南道亮又不許其失四也由是而觀

召曩稔禍誰實尸之至於國破君危宗社不守亮不

能於此灰身以謝天下方且奉頭鼠竄草間求活向

非温嶠諸賢戮力討賊則晉氏必不血食亮雖萬死

猶為無補惟合前後所書而觀則亮之罪蓋有不容

言者誤國若此尚可不加誅責乎

三月皇太后庾氏以憂崩峻南屯于湖 **質實** 于湖縣名注

見明帝太寧

年元 **葬明穆皇后**

書法 書以憂何罪亮也亮遠衆議首生厲階及為元

靈思皇后是後后無書葬者至晉而後書之晉后至

是始以崩葬書前乎此非弒殺則陷胡塵已終綱目

太后書以憂崩卒三秦
辛氏晉庾氏苻素彊氏

發明 太后庾氏何以憂崩為庾亮召禍故也
揭而書之其所以罪亮之意益明矣

夏五月温嶠以陶侃入討峻峻遷帝于石頭郗鑒王舒來

赴難

温嶠將討峻而不知建康聲聞會范汪至言峻政令不
壹貪暴縱橫雖疆易弱宜時進討嶠深納之庾亮辟汪
參護軍事與嶠互相推為盟主嶠從弟充曰陶征西位
重兵彊宜共推之嶠乃遣督護王愨期詣荆州邀侃同
赴國難侃猶以不預顧命為恨答曰吾疆場外將不敢
越局嶠屢說不回乃遣使謂曰仁公且守僕當先下使
行二日參軍毛寶聞之說嶠曰師克在和不宜異同假
令可疑猶當外示不覺宜急追信改書言必俱進若不
及則更遣使可也嶠從之侃果遣督護龔登帥兵詣嶠
嶠有衆七千於是列上尚書陳約峻罪狀移告在鎮嶠
泣登舟侃復追登還嶠遺書曰夫軍有進而無退可增
而不可減近已移檄遠近言於盟府惟須仁公軍至便

齊進耳今乃反追軍還疑惑遠近成敗之由將在於此
假令此州不守則荆楚將來之危乃當盛於此州之今
日仁公進當為大晉之忠臣參桓文之功退當以慈父
之情雪愛子之痛且峻約無道人皆切齒今之進討如
石投外若復召兵還是為敗於幾成而或者遂謂仁公
緩於討賊此聲難追願深察之愆期亦謂侃曰峻豺狼
也如得遂志公寧有容足之地乎侃深感悟即戎服登
舟瞻喪至不臨無道而進郗鑒在廣陵城孤糧少逼近
胡寇人無固志得詔書即流涕誓衆入赴國難將士爭
奮遣將軍夏侯長等間行謂嶠曰或問賊欲挾天子東
入會稽當先立營壘以待賊據要害既防其越逸又斷賊糧
運然後清野堅壁以待賊攻城不拔野無所掠賊糧
潰矣嶠深以為然五月侃至尋陽議者謂侃欲誅亮以
謝天下亮甚懼用嶠計請侃拜謝侃驚止之曰庾元規
乃拜陶士行邪亮引咎自責侃乃釋然曰君侯脩石頭
以擬老子今日反見求邪遂同趣建康戎卒四萬旌旗
七百餘里峻聞之自姑孰還遷帝於石頭司徒導固爭
不從帝哀泣升車時天大雨泥濘劉超鍾雅步侍左右
峻給馬不肯乘而悲哀慷慨峻惡之峻以倉屋為帝宮
日肆醜言超雅與荀崧華恒丁潭等不離帝側時饑饉

米貴峻問遺超一無所受繼緒朝夕臣節愈恭雖居幽厄之中猶塔帝授茅經論語導密令張闡以太后詔諭三吳使起義兵會稽內史王舒使庾冰將兵一萬西渡浙江於是吳興太守虞潭兵國內史蔡謨義興太守顧衆等皆應之潭母孫氏謂潭曰汝當捨生取義勿以吾老為累盡遣家僮從軍鬻環珮以給軍費峻遣其將管商等拒之侃嶠軍于茄子浦嶠以南兵習水峻兵便步令將士有上岸者死會峻送米萬斛饋祖約毛寶為嶠前鋒告其衆曰兵法軍令有所不從豈可視賊可擊不上岸擊之邪乃往襲取之約由是饑乏嶠表寶為廬江太守侃表舒潭監浙東西軍事都督揚州八郡軍事鑒遂帥衆渡江與侃等會舟師直指石頭峻望之有懼色侃部將李根請築白石壘侃使庾亮守之峻攻之不能克舒等數戰不利孔坦曰本不須召都公遂使東門無限今宜遣還雖晚猶勝不也侃乃令鑒還據京口立大業曲阿慶亭三壘以分峻兵勢祖約遣祖渙桓撫襲盜口毛寶中流矢貫髀徹鞍寶使人

集覽 續續朝夕續蹋鞍拔箭血流滿鞞還擊破走之

女不暫分離白石壘白石本地名於此立壘又注見宋明帝泰始元年白下京口今鎮江府是三國吳孫權自

吳徙丹徒謂之京城亦曰京口大業壘名在京口曲阿壘名注見漢獻帝興平元年慶亭壘名史劭曰在京口案嶺會慶丑升反

質實 疆場注見漢靈帝建寧二年毛本亭名在吳興

實陽武人一統志云廣陵城在揚州府城西南四十里魏黃初六年文帝如廣陵故城臨江觀兵有渡江之志吳人嚴兵固守即此會稽郡名注見漢和帝永元元年元規庾亮表字士行陶侃表字張九韶曰三吳謂東吳蘇州中吳潤州西吳湖州庾水鄆陵人亮之弟浙江注見秦始皇三十三年吳興郡名注見宋明帝泰始二年吳國注見漢獻帝建安五年蔡謨陳留人義興郡名注見武帝太元十七年顧衆吳郡人榮之族弟茄子浦未詳處所京口三國吳之郡名治武進縣晉屬吳陵郡東晉僑置徐兗二州號為北府劉宋以南徐州治京口又置南東海郡隋廢州及郡為延陵鎮屬蔣州開皇中置潤州大業初州廢以其地屬江都郡唐初復置潤州治丹徒天寶初改丹陽郡乾元初復為潤州又陞丹陽軍建中初改號鎮海軍南唐以為壘鎮宋開寶末改鎮江軍政和中陞鎮江府元改鎮江路屬江浙行省本朝初為江淮府後改鎮江府直隸京師大業曲阿慶亭俱壘名在鎮江府丹陽縣東四十

七里東晉蘇峻反都鑿築此三壘以拒之

書法

書以陶侃何譏侃也侃見義不勇屢為前卻故

未決而隨何能以之則書隨何以漢王邦三年陶侃之赴難未勇而溫嶠能以之則書溫嶠以是年東荆州之兵赴長安未果而趙剛能以之則書趙剛以梁甲寅年皆歸功以之者也。赴難必書兵於是鑿流涕誓衆舒遣兵一萬則有兵矣不書以兵何緩也凡書來援書來救外辭也鑿舒晉臣也則曷為書來如外辭罪之也峻之反已半年且既遷帝石頭矣然後徐徐而來謂之何哉書曰來緩辭也是彼也綱目書赴難者三書來者一而已

發明

凡兵能左右之曰以春秋書以者有之僖公以楚師伐齊取穀之類是也綱目書以者亦有之樂毅以秦魏趙韓之師伐齊之類是也夫借兵他國則書曰以未有我國之臣子乃書以者也蘇峻反逆宮闕為墟乘輿播越宗廟不守陶侃身為督將手操

兵固當西泣誓衆馳驅赴罪力討賊猶恐不及夫何自冬迄春坐視朝廷傾覆畧無救援之意必待溫嶠再三邀說僅乃肯前未幾又欲還鎮向非諸人力挽侃必翩然西上矣書之曰以所以見侃本無赴難之心幸賴嶠能左右之耳侃在晉朝不為無功獨於君臣大節有所未盡故君子深為惜之綱目撰其輕重見於書法之間雖欲為賢者諱不可得也嗚呼

微矣

峻分兵陷宣城内史桓彝死之

桓彝聞京城不守進屯涇縣裨惠勸彝與峻通使以紿交至之禍彝曰吾受國厚恩義在致死焉能忍耻與逆臣通問如其不濟此則命也彝遣將軍俞縱守蘭石韓晃攻之將敗左右勸退軍縱曰吾受桓侯恩厚當以死報吾之不可負桓侯猶桓侯之不負國也遂

漢明帝永平十三年

賞實

俞縱宣城人一統志云蘭石地名在寧

蘇峻之亂進屯涇縣遣俞縱守蘭石即此今名桓公城

集覽

涇縣注見

書法

發明

於是役也勇於義者其惟
 桓彞乎故始終皆予諱
 蘇峻之亂卞壺桓彞皆以死節書夫以壺之父
 子俱死一門忠孝固以表表在人耳目若彞則
 前史止書其城陷見殺而已未有能明其死節者也
 至綱目書之則與下壺無異何哉彞始聞峻反即時
 起義不少遲緩雖郡兵寡弱亦不暇顧是以綱目前
 書起兵赴難獨在衆人之先而其詞急未幾受圍危
 亟或勸其通和以紓難彞則毅然正色誓以必死此
 其志在殉國有隕無貳固非他人之比宜乎綱目書
 其全節與卞侯等也士君子苟明此理則必不計
 利害而不明逆順擁兵自衛而不救君父笑噫

秋七月後趙攻壽春約衆潰奔歷陽

祖約諸將陰與後趙通謀許為內應後趙
 石聰引兵濟淮攻壽春約衆潰奔歷陽
 祖約范陽道人
 見漢冲帝永嘉元年

八月後趙攻趙蒲阪趙主曜擊破走之遂攻金墉

石虎帥衆四萬擊趙攻蒲阪趙主曜自將救之虎懼引
 退曜追及與戰大破之斬其將石瞻枕屍二百餘里虎
 奔朝歌曜攻石生于金墉決千金墉
 以灌之榮陽野王皆降襄國大震
 金墉音竭堰也名曰千金榮陽注見秦
 莊襄王元年野王注見周赧王五十二年
 周赧王十二年金墉城名注見魏元帝
 咸熙二年襄國郡名注見楚義帝元年

九月陶侃温嶠討峻於石頭斬之峻弟逸代領其衆考異

提要無於石頭三字
 據凡例斬當作誅

峻腹心路永賈寧勸峻盡誅諸大臣更樹腹心峻雅敬
 司徒等不許未等更貳於峻導使表詭誘永與皆奔白
 石西軍與峻父相持不決温嶠軍食盡償於陶侃侃怒
 欲西歸嶠曰凡師克在和古之善教也光武之濟昆陽
 曹公之接官渡以寡敵衆杖義故也峻納小豎凶逆滔
 天何憂不滅奈何捨重立之功設進退之計乎且天子
 幽逼杜縵危殆乃臣子肝腦塗地之日嶠等與公並受
 國恩事若克濟則臣主同祚知其不捷當灰身以謝先

帝耳今之事勢義無旋踵譬如騎虎安可中下哉公若
違衆獨返人心必沮沮衆敗事義旗將迴指於公矣毛
寶說侃曰軍政有進無退非直整齊三軍示衆必死而
已亦謂退無所據終至滅亡可試與寶兵斷賊資糧若
不立效然後公去人心不恨矣侃然而遣之竟陵太守
李陽說侃曰大事不濟公雖有粟安得而食諸侃乃分
米五萬石以餉嶠軍寶燒峻句容姑孰積聚峻軍乏食
侃遂不去韓晃等急攻大業壘都監參軍曹納曰大業
京口之扞蔽也一旦不守則賊兵至矣請還廣陵以俟
後舉鑿大會僚佐責納將斬之乃得釋侃將救大業
長史殷羨曰吾兵不習步戰不如急攻石頭則大業自
解侃從之督水軍向石頭亮嶠帥步兵萬人從白石南
上峻將八千人逆戰乘醉突陳不得入將回馬躡侃部
將斬之三軍皆解萬歲餘衆大潰峻可馬仕讓等共立
峻弟逸為主閉城自守嶠乃立行臺布告遠近
凡故吏二千石以下皆令赴臺於是至者雲集
漢書高帝杖義而西注杖上聲扶也倚任之意句容縣
名也縣南五十里有茅山一名句曲山其形如句字之
曲因名縣焉今隸建康湖孰史記建元以來王子侯者
表漢武帝封江都易王子劉胥湖孰侯索隱曰表在丹

集覽

陽案漢丹陽今寧國府是
馬蹟蹟陟利及頌仆也
正誤句容湖孰今按晉書地

屬丹陽郡寧國縣屬宣城郡今寧國府也去句容遠建
康南四十五里地名湖孰去句容四十里即此是也一

本作始**質實**白石山名在和州含山縣南八十里老武
孰亦誤

按官渡事見漢獻帝建安五年竟陵郡名注見元帝建
武元年一統志云句容漢之縣名屬丹陽郡以縣有句

曲山故名唐武德中於縣置茅州尋廢州以縣屬蔣州
尋又屬潤州後屬昇州宋屬建康府元仍舊國朝因

之改屬應天府姑孰縣名注見明帝太寧元
年廣陵郡名注見漢武帝元朔五年淮南國

書法

發明

前書溫嶠以陶侃此其先侃何不沒其
功也綱目於陶侃心跡不相掩可也
侃前入後書以者原其情也今此斬峻
先書侃者序其績也此輕重之權衡也

冬十二月後趙王勒大破趙兵於洛陽獲趙主曜以歸殺
之

後趙王勸欲自將救洛陽程遐等固諫勸大怒按劍叱
遐等出召徐光謂曰庸人之情皆謂劉曜鋒不可當曜
帶甲十萬攻一城而百日不克師老卒怠以我初銳擊
之可一戰而擒也若洛陽不守曜必自河以北席捲而
來吾事去矣卿以為如何對曰曜不能進臨襄國更守
金墉此其無能為可知也以大王威略臨之彼必望旗
奔敗平定天下在今一舉矣勒笑曰光言是也乃使內
外戒嚴命石堪等會衆陽石虎進據石門勒自統步騎
濟自大塢謂光曰曜盛兵成臯關上策也阻洛水其次
也坐守洛陽此成擒耳至成臯勒見趙無守兵大喜舉
手加額曰天也卷甲衝敵道兼行出于鞏訾之間曜
專與嬖臣飲博不撫士卒左右或諫曜以為妖言斬之
俄而洛水候者與後趙前鋒交戰擒羯送之曜問之知
勒自來色變使撤金墉之圍陳于洛西衆十餘萬南北
十餘里勒望見曰可以賀我矣帥步騎四萬入洛陽城
虎引步卒攻趙中軍堪以精騎擊其前鋒大戰于西陽
門勒躬貫甲胄出閭闔門夾擊之曜素嗜酒至是將戰
飲數斗至西陽門揮陳就平堪因而乘之趙兵大潰曜
昏醉墜馬為堪所執勒下令曰所欲擒者一人耳今已
獲之其抑鋒止銳縱其歸命之路曜至襄國勒嚴兵圍

守使曜與其太子熙書諭令速降曜但救熙
與諸大臣匡維社稷勿以吾易意勒乃殺之

二縣名也鞏注見正誤鞏訾集覽質實洛陽縣名注見

隋煬帝大業二年見漢光武建武十二年汴渠堤成臯縣名注

見秦莊襄王元年洛水注見漢光武建武三年街枚注

世二年

書法獲賤辭也於是曜墜馬被執曷為不書執以歸

故賤之書獲亡國之君其辭五死之上也執虜次之

以歸次之獲次之降為下終綱目亡國之君書獲三

趙王曜齊主
緯陳主叔寶

四年趙光初十二後趙太和二年春正月逸殺右衛將

巳

軍劉超侍中鍾雅考異

逸上漏

初峻逼居民聚之後苑使其將匡術守之至是光祿大夫陸曄及弟元說術以苑城附于西軍百官皆赴之鍾

雅謀奉帝出赴西軍事泄驚逸使任讓將兵入宮收
超雅帝抱持悲泣曰還我侍中右衛讓奪而殺之

冠軍將軍趙胤攻拔歷陽約奔後趙 **質實** 歷陽郡名注見漢冲帝永嘉元年

年 ○趙太子熙奔上邽後趙取長安

趙太子熙與南陽王胤謀保秦州尚書胡勳曰今雖喪
君境土尚完將士不叛當并力拒之力不能拒走未晚

也胤以為沮胤斬之遂奔上邽關中大亂蔣英擁
衆數十萬據長安遣使降于後趙石生帥衆赴之 **質實**

秦州注見漢光武建武元年上邽縣名注見漢光武建武八年

二月諸軍討逸斬之及西陽王秉考異 斬當考證 斬當作

按蘇峻以庾亮之隙與祖約反遂至舉兵犯闕逼遷乘輿
陷姑孰陷宣城不有陶侃温嶠効忠赴難晉室安能久乎

故斬其兄弟當書曰誅下文趙誅祖約夷其族夫約之反
由峻誘之也石勒於約猶曰誅峻倡亂之首侃嶠晉大臣

討誅叛賊豈不書曰誅乎

諸軍攻石頭建威長史滕含大破其兵獲蘇逸韓晃斬
之舍部將曹據抱帝奔温嶠船群臣見帝頓首號泣請

罪殺西陽王秉陶侃與任讓有舊為請其死帝曰是殺
吾侍中右衛者不可赦也乃殺之司徒導入石頭令取

故節侃突曰蘇武節似不如是導有慙色

書法 逸書討斬宜矣秉亦書及何秉附賊者也有不
得辭其討矣秉嘗降封弋陽縣王矣此則曷為

復書西陽王秉受偽封也不書弋陽書西陽著其附賊之實也

發明 秉非反者何以于斬逸之下而書及哉程頤子
序春秋謂經為斷傳為按今綱目所書秉事如

此以分注考之當峻入臺城之時秉詣峻稱述功德
峻復以秉為太宰西陽王則是秉俯首媚賊受其偽

命其罪已不可勝誅矣故其書法如此此以綱目為斷分注為按也

以褚璘為丹陽尹 時官闕及儘嶠欲遷都豫章三吳之豪請都會稽導曰
孫仲謀劉玄德俱言建康王者之宅古之帝王不必以

豐儉移都苟務本節用何憂凋弊若農事不脩則樂土為墟矣此北寇游魂伺我之隙一日示弱竄於蠻越求之望實懼非良計今特宜鎮之以靜群情自安由是不復徙都而以夷為冊陽尹夷收集散亡京邑遂安

覽 求之望實 正誤 外望也實實事也謂望實皆不可

實 冊陽郡名注見漢獻帝興平二年金陵

書法 皆嚴能者也西漢之世書為京兆尹八自黃霸外居二焉西晉惟夏侯和以徙官書東晉書冊陽尹始此終晉世書冊陽尹三楮夷王坦之王雄才難不其

乎然

三月以陶侃為太尉和鑒為司空温嶠為驃騎將軍開府儀同三司庾亮為豫州刺史

論平蘇峻功侃鑒嶠以下封拜有差謚卞壺曰忠貞其二子珍肝及桓彝劉超鍾雅羊曼陶瞻皆加贈謚路求

匡術賈寧皆峻黨先歸朝廷司徒導欲賞之嶠曰求等首為亂階晚雖改悟未足贖罪得全首領為幸多矣乃

止侃以江陵偏遠移鎮巴陵朝議欲留嶠輔政嶠以導先帝所任固辭又以京邑荒殘留資蓄具器用而後還

藩庾亮泥首謝罪欲闔門投竄山海帝手詔慰諭曰此社稷之難非舅之責也亮乃求外鎮自效遂以為豫州

刺史出鎮蕪湖侃之討峻也獨相州刺史卞敦擁兵不赴又不給軍糧侃奏請檻車收赴廷尉司徒導以喪亂

之後宜加寬宥乃以敦為廣州刺史敦憂愧而卒司馬公曰庾亮以外戚輔政首發禍機國破君危竄身苟免

卞敦位列方鎮兵糧俱足朝廷顛覆坐觀勝負人臣之罪孰大於此既不能明正典刑又以寵祿報之晉室無

政亦可知矣任是 **集覽** 泥首謝罪以物蒙頭如 **質實** 責者豈非王導乎 刑人之狀而請罪也 一

志云巴陵三國吳之縣名即漢長沙郡下雋縣地晉於縣置建昌郡尋省劉宋以後皆為巴陵郡治隋唐岳州皆治此宋仍舊元屬岳州路本朝初

書法 亮為豫州點也不書點何亮之罪不止是也故與遷賞者並書以晉之無章孰甚焉

發明

庾亮傾覆社稷死不足贖蘇峻既誅復居大位亮雖泥首謝罪蓋亦自知朝廷必不加誅姑為是以欺眾耳是以分注於其上疏自陳之語皆削不錄正所以誅其心而刪其為辭也然則書亮為豫州刺史於封侃鑒嶠之下則晉之權網不舉亮之貪榮無耻而在廷公卿議臣亦無有能言其罪者其失皆不言自見矣

夏四月驃騎將軍始安公温嶠卒以劉胤為江州刺史

嶠卒時年四十二謚曰忠武胤嶠軍司也陶侃和鑒皆言胤非方伯才王導不從或謂導子悅曰自江陵至于

建康三千餘里流民萬計國之南藩要害之地而胤以汰侈卧而對之不有外變必有內患矣

志云始安漢之縣名屬零陵郡晉屬始安郡唐初析置福祿縣貞觀中省入更名臨桂縣宋以慕化縣省入元

仍舊本朝因之為桂林府治所仍屬焉

秋八月後趙石虎攻拔上郡殺趙太子熙遂取秦隴

趙南陽王胤帥眾數萬自上邽趣長安隴東戎夏皆應之石生嬰城自守虎救之大破趙兵乘勝追擊枕屍千

里上邽潰虎執趙太子熙及胤以下三千餘人皆殺之徙其臺省文武閩東流民秦雍大族于襄國秦隴悉平

蒲洪姚弋仲俱降于虎虎表洪監六夷軍事弋仲為六夷左都督徙氏羗十五萬落于司冀州

二州名司注見秦莊襄王元年三川冀注見秦二世二年信都國

冬十二月將軍郭默殺劉胤

胤矜豪縱酒不卹政事郭默被徵為右軍將軍求資於胤不得會司奏朝廷空竭百官無祿惟資江州運漕

而胤商旅繼路以私廢公詔免胤官胤方自申理默遂誣胤以大逆襲斬之傳首京師招引譙國內史桓宣宣

固守不從太尉侃實實譙國注見漢獻上宣為武昌太守

代王紇那出奔宇文部翳槐立

翳槐鬱律之子也

羗殺河南王吐延

河南王吐延為羗酋所殺其子葉延立保于白蘭葉延

其國曰吐谷渾實實白蘭羗種名注見

五年

趙建平

春正月太尉侃討郭默斬之

考異

斬當

作誅

寅庚

劉胤首至建康司徒導以郭默驍勇難制梟胤首於大
航以默為江州刺史陶侃聞之投袂起曰此必詐也即
將兵討之上表言狀且與導書曰默殺方州即胤為方
州害宰相便為宰相乎導乃收胤首答侃書曰默據上
流之勢加以船艦成資故包含容忍以俟足下豈非導
養時晦以定大事者邪侃笑曰是乃遵養時賊也兵至
默將縛默以集覽遵養時晦以定大事注見唐憲宗
降侃斬之實江州注見漢武帝實元和十二年於鑠王師遵養時晦實

二月趙王勒稱趙天王以石虎為太尉封中山王

趙群臣請勒即皇帝位勒乃稱大趙天王行皇帝事立
妃劉氏為王后世子弘為太子子宏為大單于中山公
虎為太尉進爵為王虎怒私謂其子邃曰吾身當矢石
二十餘年以成大趙之業大單于當以授我乃與黃吻
婢兒念之令人氣塞不能寢食
待主上晏駕後不足復留種也

趙誅祖約夷其族

僕射程璜言於勒曰天下初定當顯明逆順故漢高祖
赦季布斬下公今祖約猶存臣竊惑之姚弋仲亦以為
言勒族誅之初祖逖有胡奴曰王安甚愛之在雍丘謂
曰石勒是汝種類厚資遣之安仕趙為左衛將軍及約
誅安嘆曰豈可使祖士稚無後乎乃往觀刑集覽赦季
竊取逖庶子道重匿之及石氏亡復歸江南
丁公注見漢光武建實實雍丘縣名注見漢
武二年士稚祖逖字實實桓帝延熹四年

書法

趙也何以書誅亂臣賊子夷狄

發明

石勒羯賊而書誅祖約者逆亂之臣雖夷狄盜
賊皆得誅之所以嚴天討正王法而使之無容

足於天地之間也其旨嚴矣

夏三月詔太尉侃兼督江州

侃遂移鎮武昌武昌郡名注見漢後主建興七年

六月趙以張駿為涼州牧

駿因前趙之亡復收河南地至于狄道置五屯護軍與趙分境趙拜駿涼州牧駿耻為之臣不受及趙破休屠王羗駿始懼乃稱臣入貢集覽狄道注見漢高帝六年休屠王羗乃稱臣入貢

涼州注見唐中宗景龍二年

秋九月趙王勒稱皇帝○趙寇陷襄州

趙郭敬寇襄陽南中郎將周撫拒之敬退屯樊城偃藏旗幟寂若無人偵者至則告之曰汝宜自愛堅守後七八日大騎將至相禁不復得走矣使人浴馬于津周而復始晝夜不絕偵者還告無以為趙兵大至懼奔武昌

敬毀襄陽遷其民于沔北質實襄陽縣名注見漢獻帝建安十二年樊城注見

漢獻帝建安十三年

更造新宮

六年趙建平二年春三月朔日食○夏趙舉賢良方正起明堂

辟雍靈臺

趙令公卿以下歲舉賢良方正仍令舉人得更相薦質實引以廣求賢之路起明堂辟雍靈臺于襄國城西質實明堂注見漢武帝建元元年辟雍注見漢成帝綏和元年靈臺注見梁武帝永明十年

發明趙夷狄也綱目書此亦予之乎曰盜賊而為盜賊之事固盜賊之常也盜賊而為君子之事君子亦豈得不子之哉此固書法之意也雖然中國不競而使夷狄得以竊中國之文物夷狄固可進也其

如中國何哉意

卯辛

秋九月趙營新宮

一統志云新宮在彰德府臨漳縣西

初趙主勒如新將營新宮廷尉續咸苦諫勒怒欲斬之徐光曰咸言不可用亦當容之奈何一旦以直言斬列卿手勒嘆曰為人君不得自專如是乎匹夫家貨滿百匹猶欲市宅况富有四海乎此宮終當營之且救停作以成吾直臣之氣因賜咸絹百匹至是復營新宮以洛陽為南都置行臺

冬有事于太廟

烝祭太廟詔歸胙於司徒尊且命無下拜尊辭疾不敢當初帝即位冲幼每見尊必拜與道乎詔則云皇恐言中書作詔則曰敬問有司議元會日帝應敬道不博士郭熙以為禮無拜臣之文侍中馮懷以為天子臨辟雍拜三老况先帝師傅謂宜盡敬侍中苟爽曰三朝之首宜明君臣之禮若他日小會自可盡禮詔從之

覽

烝祭冬祭曰烝注見齊武帝永明八年春秋烝嘗歸胙賜祭福餘肉命無下拜齊世家周襄王使宰孔賜

桓公胙命無拜管仲曰不可乃下拜受賜元會日元旦日朝會三老注見漢明帝永平二年三朝朝陟遙反春

正三朝謂正旦為歲之朝月之朝日之朝

慕容廆遣使詣太尉侃

廆僚屬議共表請進廆官爵參軍韓恒駁曰立功者患信義不著不患名位不高宜繕甲兵除凶逆功成之後九錫自至比於要君以求寵不亦榮乎廆不悅於是遣使與陶侃賤勸以興兵北伐共清中原而東夷校尉封抽等疏上侃府請封廆為燕王侃復書曰夫功成進爵古之成制也車騎雖未能為國摧勒然忠義竭誠今騰戩上聽可不遲速當在天臺也

七年趙建平春正月趙大饗群臣

辰壬

趙王勒謂徐光曰朕可方自古何等主對曰陛下神武謀畧過於漢高勒笑曰人豈不自知卿言太過朕若遇高祖當北面事之與韓彭比肩若遇光武當並驅中原未知鹿死誰手大夫夫行事宜礪礪落落如日月皎然終不效曹孟德司馬仲達欺人孤兒寡婦狐媚以取天下也勒雖不學好使諸生讀書而聽之時以其意論古

今得失聞者悅服嘗使人讀漢書聞鬻食其勸立六國
後驚曰此法當失何以遂得天下及聞留侯諫乃曰賴
有此集覽鹿死誰手史記蒯通曰秦失其鹿天下共逐
耳也礪礪落落礪礪與磊通韻會落字下注磊落魁纍
貌留侯諫留侯張良也諫立六國後其不可者八

趙命太子弘省可尚書奏事

弘好屬文親敬儒素勒謂中書令徐光曰大雅惜惜殊
不似將家子光曰漢祖以馬上取天下孝文以玄默守
之聖人之後必有勝殘去殺者天之道也勒甚悅光因
說曰中山王雄暴多詐陛下一旦不諱臣恐社稷非太
子所有也宜漸奪其權使太子早參朝政程璜亦曰中
山王勇悍殘忍威震外內諸子皆典兵權志願無極若
不除之臣見宗廟不血食矣勒皆不聽徐光他日承問
言曰今國家無事而陛下若有不怡何也勒曰吳蜀未
平恐後世不以吾為受命之主光曰陛下包括二都平
蕩八州帝王之統不在陛下復當在誰且陛下不憂腹
心之疾而更憂四支乎中山王資性不仁見利忘義父
子並據權位而耿耿常有不滿之心近於東宮侍晏有

輕皇太子色臣恐陛下萬年後不可復制也勒默然始
命太子省可尚書奏事以中常侍嚴震參綜可否惟征
伐斷斬大事乃呈之於是震權過于集覽大雅惜惜大
主相虎之門可設雀羅矣虎愈怏怏集覽太子弘小
字也左傳祈昭之惜惜以止王心注惜悒安和貌勝殘
去殺語善人為邦百年亦可以勝殘去殺矣注勝音升
去上聲文公集註為邦百年言相繼而久也勝殘化殘
暴之人使不為惡去殺謂民化於善可以不用刑殺也
八州注見漢王劉邦元年省可尚書奏事省視其可者行之不復啓奏

書法

太子決事自此始終綱目太子書省事二是年

趙太子弘咸康六年趙太子宣總百揆一宋甲
申年魏太子晃書決事決訟三唐高祖武德九年太
宗貞觀四年睿宗景雲二年書聽政二唐太宗貞觀
十九年二十三年書建國七宋壬戌年魏太子熹唐
太宗貞觀十九年高宗調露元年弘道元年睿宗景
雲二年玄宗天寶十四
年德宗貞元二十年

秋太尉侃遣南中郎將桓宣攻襄陽遂留鎮之

趙郭敬南掠江西陶侃遣桓宣乘虛攻樊城悉俘其眾
敬旋救樊宣與戰于湓水破之敬懼遁去遂拔襄陽侃
使宣鎮之宣招懷初附簡刑罰畧威儀勸課農桑或載
鉏耒於輶軒親帥民芸穫在襄陽十餘年趙再攻之宣
以寡弱拒守趙不能勝時
集覽 湓水按此湓水當在襄
人以為亞於祖逖周訪
黨湓縣相去遠矣
輶軒 輶音遙史
昭曰使車也軒大夫以上車也
質實 一統志云湓水
西北六十里源出沁州覆甌山東流
入縣界會小漳水至縣南合濁漳水

書法

書遣何歸功侃也凡功罪書遣歸其上也是故
桓宣之拔襄陽書陶侃遣是年渾城之却吐蕃
書郭子儀遣唐代宗大曆八年李懷光之破吐蕃
書郭子儀遣大曆十三年皆歸功於其上之辭也

趙涼州牧張駿立其子重華為世子

重華駿之次子也涼州僚屬勸駿稱涼王置百官駿曰
此非人臣所宜言也敢言此者罪不赦然境內皆稱之
為王

巳癸

八年 趙建平四年

春趙遣使來脩好詔焚其幣

書法

江東之政差彊人意此一舉而已故喜書之

發明

晉氏立國江左奄奄畧無振起之氣獨至石勒遣使乃能詔焚其幣是舉差彊人意大書揭之

蓋幸之也

○三月寧州叛降于成○夏五月遼東公慕容廆卒世子

皝嗣○秋七月趙主勒卒太子弘立

趙主勒寢疾中山王虎入侍矯詔群臣親戚皆不得入
時秦王宏彭城王堪將兵在外皆召使還勒疾小瘳見
宏驚曰吾使王處藩鎮正備今日有召王者邪當按誅
之虎懼曰秦王思慕暫還耳今遣之仍留不遣至是勒
疾篤遺命曰大雅兄弟宜善相保司馬氏汝曹之前車
也中山王宜深思周霍勿為將來口實勒卒虎劫太子
弘使收程遐徐光下廷尉召其子邃使將兵入宿衛弘
大懼讓位於虎虎曰若不堪重任天下自有大義何足

豫論弘乃即位殺遐光夜以勒喪潛

座山谷乃備儀衛虛葬于高平陵

車覆後車戒謂晉之兄弟相殘汝輩可以此

為鑒戒周霍周公旦輔成王漢霍光輔昭宣

高平陵在順德府

刑臺縣西十五里

八月趙石虎自為丞相魏王九月弑其太后劉氏冬十月

趙河東王石生等舉兵討之不克而死

趙石虎自為丞相魏王大單于加九錫勒舊臣皆補散

任虎親黨悉署要職劉大右謂彭城王堪曰先帝甫晏

駕丞相遽相陵藉如此將若之何堪曰官省之內無可

為者請奔兖州舉兵誅之遂微服輕騎襲兖州不克南

奔譙虎遣將追獲送襄國并劉氏殺之劉氏有膽畧佐

勒建功業有吕后之風時石生鎮關中石朗鎮洛陽聞

變皆舉兵討虎生遣使降晉而蒲洪西附張駿虎攻朗

斬之進向長安生麾下斬生以降虎命麻秋討洪洪降

于虎說虎從關中豪傑及氐羗以實東方虎從之徙十

餘萬戶于關東以洪為龍驤將軍流民都督居枋頭以

姚弋仲為奮武將軍西羌大都督居

枋頭虎還建魏臺如魏武輔漢故事

於淇水口下大木枋以為堰過其水東入白溝以通漕

西

質實

帝元年一統志云枋頭地名在大名府濬縣西

南八十五里淇水之北即淇水口也魏志曹操於淇水

枋頭

漕頭

即漕水之口在漢陽府城北四十一里自黃

陂入漢陽縣界與淪索二水合流南入大江魏臺在大

名府

魏縣

界相傳

為魏文侯所築

慕容皝兄翰奔段氏弟仁據遼東

慕容

皝

初嗣位用法嚴峻國人不安主簿皇甫真切諫

不聽皝庶兄翰母弟仁皆有勇畧屢立戰功得志有寵

於

庶

兄翰乃與其子出奔段氏段遼素聞其才甚

愛重之仁據平郭皝遣兵討之大敗於是仁盡有遼東

之地

段遼

及鮮卑諸部皆應之

質實

質實

平郭

地名注見元

帝太興四年遼東

郡名注見秦王政三年平川
注見秦王政三年右北平

張駿遣張淳來上表

張駿欲假道於成以通表達康成主雄不許駿乃遣治中從事張淳稱藩於成以假道雄偽許之將使盜覆諸東峽或以告淳淳謂雄曰寡君使小臣行無迹之地通誠於建康者以陛下嘉尚忠義能成人之美故也若欲殺臣當斬之都市宣示衆目曰涼州不忘舊德通使琅邪主聖臣明發覺殺之如此則義聲遠播天下畏威今使盜殺之江中威刑不顯何足以示天下乎雄大驚曰安有此邪司隸景騫言於雄曰張淳壯士請留之雄曰壯士安肯留且試以卿意觀之騫謂淳曰卿體豐大天熱可且遣下吏先往須涼淳曰寡君以皇輿播越梓宮未返生民塗炭莫之振救故遣淳通誠上都所論事重非下吏所能傳使下吏可了則淳亦不來矣雖火山湯海猶將赴之豈寒暑之足憚哉雄謂淳曰貴主英名蓋世士險兵強何不稱帝自娛一方淳曰寡君初考以來世篤忠貞以警耻未雪枕戈待旦何自娛之有維甚慙厚為禮而遣之淳卒致命於建康

質實

東峽在成

都府金堂縣東北

書法

書遣使上表何予義也張氏嘗書遣使矣不書其人此則曷為書張淳予淳也於是淳自蜀求通間關險阻必達君命可謂賢矣

九年

趙主石弘延熙元年

春正月仇池王楊難敵卒子毅嗣遣使來

稱藩質實

仇池郡名注見惠帝元康五年

○二月以張駿為大將軍

自是每歲使者不絕

段遼遣兵攻柳城破之

段遼遣其弟蘭與慕容翰將兵共攻柳城慕容皝遣慕容汗等救之大敗蘭欲乘勝窮追翰恐遂滅其國止之日受命之日止求此捷若貪進取敗何以返面蘭曰此已成擒卿正慮遂滅卿國耳翰曰吾投身相依無復還理國之存亡於我何有但欲為大國計耳乃命所部欲獨還蘭不得已從之

質實

柳城縣名注見漢獻

甲午

帝建安十二年

夏六月太尉長沙公陶侃卒

侃晚年深以滿盈自懼不預朝權屢欲告老歸國佐吏等苦留之至是疾篤上表遜位奉送所假節麾幢曲蓋侍中貂蟬太尉章八州刺史印傳祭軼軍資器仗牛馬舟船皆有定簿封印倉庫自加管鑰以後事付右司馬王愨期與車就船將歸長沙顧謂愨期曰老子婆娑正坐諸軍薨謚曰桓侃在軍四十一年明毅善斷識察纖密人不能欺自南陵迄于白帝數千里中路不拾遺尚書梅陶嘗謂人曰陶公機神明鑒似魏武忠順勤勞似孔明陸抗諸人不能及也謝安每言陶公雖用法而恒得法外意安鯤之從子也

集覽

所假節麾幢曲蓋節麾幢蓋皆前驅儀仗也

大將所有侃非大將故天子假之以重其威索隱曰麾大將之旗所以指麾也幢亦旌旗屬蓋繖也曲者蓋柄上曲也風俗通曰武王伐紂大風折蓋遂為曲柄節注見漢靈帝熹平六年侍中貂蟬貂蟬侍中冠注見惠帝永寧元年太尉章章印也大尉所持漢官儀吏秩比二千石以上銀印龜紐其文

曰章刻曰某官之章二百石以上銅印鼻紐其文曰印信印執政所持信也傳注見漢靈帝熹平六年祭軼

注見漢宣帝甘露三年老子婆娑老子陶侃自稱也史記曰婆娑猶言徘徊也南陵注見梁武帝太清三年白

帝注見漢獻帝贊實謝安陽夏人長沙郡名建安十七年注見漢獻帝興平元年

成主雄卒太子班立

雄生瘍於頭身素多金創及病舊痕皆膿潰諸子惡而遠之獨太子班晝夜侍側不脫衣冠親為吮膿雄召建

寧王壽受遺詔輔政及卒班即位政事皆委於壽及司徒何熙尚書令王瓌班居中行喪禮一無所預

覽生瘍音陽頭瘡也金創實建寧郡名注見漢創讀曰瘡刀箭所傷也

以庾亮都督江荆等州軍事

亮鎮武昌辟殷浩為記室參軍浩與褚裒杜乂皆以識度清遠善談老易擅名江東而浩尤為風流所宗桓彝嘗謂裒曰季野有皮裏春秋言其外無蕪否而內集覽有褒貶也謝安曰裒雖不言而四時之氣亦備矣

老易老謂老子道德經易謂周易季野褚裒字
臧否否音鄙詩未知臧否注臧善也否不善也
陳郡長平人羨之子褚裒陽
翟人杜乂任陵人預之孫

秋以慕容皝為鎮軍大將軍平州刺史遼東公。冬十月
成李越弒其主班而立其弟期

越成主雄之子也先出屯江陽奔喪至成都與其弟期
謀作亂班弟玠勸班遣越還江陽以期為梁州刺史班
以未葬不忍推心待之遣玠出屯於涪至是越因班夜
天弒之於嬪宮奉期而立之期以越為相國加大將軍

錄尚書事皆
集覽 玠班之弟名史
實 江陽縣名注見
九年梁州注見周赧王四年漢中

涪縣名注見漢獻帝建安十六年

書法 得其餘何與聞乎弒也其兄弒逆而已受之期不
帝隆安五年呂超立其弟者二是年李越

五代丙戌年王廷稟皆與聞乎弒者也

十一月趙石虎弒其主弘自立為居攝天王

趙主弘自齋璽綬詣魏宮請禪位虎曰帝王大業天下
自當有議何為自論邪弘流涕還宮謂太后程氏曰先
帝種真無復遺矣於是尚書奏魏臺請依唐虞禪讓故
事虎曰弘愚暗居喪無禮不可以君萬國便當廢之何
禪讓也遂廢之虎稱居攝天王幽弘及太后尋皆殺之
姚弋仲稱疾不賀累召乃至正色謂虎曰弋仲常謂大
王命世英雄奈何把臂受託而反奪之
邪虎心雖不平然察其誠實亦不之罪

發明 羯賊塗炭中原人神憤怒其種類自相屠滅本
無足錄然而石虎弒太后及其主弘與夫石生

等舉兵討之不克而死皆詳書于冊所以見君臣大
義雖夷狄雜揉之中亦昭然天冠地履之不可紊也

前史止載虎廢殺劉氏及幽殺石弘至綱目始正名
定罪其餘僭偽之國亦多有此類皆所以扶三綱立

人極不以夷狄僭竊之故而廢斯
義其垂訓也大矣臣故因而論之

慕容皝攻遼東克之

魏欲悉阮遼東民高詡諫曰今元惡猶存始克此城遼加夷城則未下之城無歸善之路矣魏乃止

未乙

咸康元年趙太祖石虎建武元年春正月朔帝冠。三月

幸司徒道守府

司徒導羸疾不堪朝會帝幸其府與群臣宴于內室拜導及其妻曹氏侍中孔坦密諫以為初加元服動宜顧禮時帝方委政於導坦復言曰陛下春秋已長聖敬日躋宜博納朝臣詔詎善道導聞而惡之出為廷尉坦以疾去職丹陽尹桓景諂巧導親愛之會熒惑守南斗經旬導謂將軍陶回曰斗揚州之分吾當遜位以厭天譴曰曰公以明德作輔與桓景造膝使熒惑何以退舍導深愧之導辟王濛王述為掾屬濛不脩小廉而以清約見稱與沛國劉惔友善惔常稱濛性至通而自然有節濛曰劉君知我勝我自知當時稱風流者以惔濛為首述性沈靜每坐客辨論盡起而述處之恬如也年二十尚未知名人謂之癡導以門地辟之既見唯問江東米

價述張目不答導曰王掾不癡導每發言一坐莫不贊美述正色曰人非堯舜何得每事盡善善導改容謝之

集覽 周訪問於善為咨咨事為詎箋云見忠信之賢人

則於之訪問求善道也詎子須反以厭天質實 孔坦會

之從子聖敬日躋詩商頌湯降不遲聖敬日躋註躋亦也言湯聖敬如日之躋升也 丹陽郡名注見漢獻帝興

平二年王濛晉陽人王述晉陽人承之子沛國郡名注見漢成帝河平二年

書法 綱目書君臨諸臣之家五幸其府二漢安帝建光元年是年隋煬帝大業三年唐太宗貞觀十

四年二十年辛未年梁主溫甲申年唐主存勗唯此與貞觀二十年無譏辭而微行梁胤府舍不與焉懷

帝永嘉元年

夏四月趙王虎南遊臨江而還帝親勒兵戒嚴六日罷

趙王虎南遊臨江而還帝親勒兵戒嚴六日罷表上之不言多少朝廷震懼加司徒導大司馬都督征

討諸軍事帝觀兵廣莫門分命諸將救歷陽及成慈湖
牛渚都監使廣陵相陳光將兵入衛俄聞趙騎至少又
已去遂解嚴導解司

觀音貫觀示兵威也史記楚世
家觀兵於周郊注陳兵脇周也

湖注見咸和二年牛渚山名注見武帝太
康元年廣陵郡名注見漢後主建興二年

書法 後議不詳也彼且還矣而此方親勒戒嚴久而
後悟不詳莫甚焉先書還所以深譏之也

大旱○秋九月趙遷都鄴**質實** 鄴縣名注見漢獻
帝建安十五年

其民事佛

初趙主勒以天竺僧佛圖澄豫言成敗數有驗故事之
及虎即位奉之尤謹衣以綾錦乘以彫輦朝會之日太

子諸公扶翼上殿國人化之爭造寺廟削髮出家至是
或避賦役為姦究詔中書曰佛國家所奉里閭小人無

爵秩者應得事不著作即王度等議曰上者祭祀典禮
具存佛外國之神非天子所應祠也漢魏唯聽西戎人

立寺都邑漢人皆不得出家今宜禁公卿以下毋得請
寺燒香禮拜其趙人為沙門者皆返初服虎詔曰朕生

自邊鄙忝君諸夏至於饗祀應從本

俗其夷趙百姓樂事佛者特聽之

集覽 天竺僧佛圖澄天竺即身
毒注見漢武帝元狩元年佛圖虜復姓澄其名天竺之

僧也晉書藝術傳佛圖澄本姓帛氏善誦神咒役使鬼
神腹旁一孔常以絮塞之夜則按絮出光照于一室又

嘗至流水側從孔中引出五臟六腑洗之訖還內腹中
石勒敬信之號大和尚沙門

注見漢明帝永平八年桑門

書法 本胡俗也趙之有比宜矣而漢人之為沙門自
此始故謹書之自是書聽民出家二宋壬辰年

魏梁辛 丑年魏

成殺其臣羅演及故主班母羅氏

成太子班之舅羅演等謀殺成主期立班子事竟期殺
演等及班母羅氏期自得志輕諸舊臣信任景騫姚華

田褒中常侍許涪等刑賞太政皆決於數人褒無他才
嘗勸雄立期為太子故有寵由是紀綱隳紊雄業衰矣

書法

班書故主矣則其母不書殺何班本雄兄子其母非后也故書殺

冬十月朔日食○建安君荀氏卒

荀氏明帝母也在禁中尊重同於太后卒贈豫章郡君

質實

建安郡名注見武帝泰始五年豫章郡注

書法

明帝母也號稱止此晉於是乎可謂能以禮矣故從書卒據哀帝母皇大妃周氏書薨

代王紇那復入翳槐奔趙○張駿遣使上疏請北伐

初張軌及寔茂保據河右軍旅之事無歲無之及駿嗣位境內漸平駿勤脩庶政總御文武咸得其用民富兵彊遠近稱為賢君駿遣將伐龜茲郡善於是西域諸國皆詣姑臧朝貢駿有兼秦雍之志遣使上疏以為勸維既死虎期繼逆先老消落後生不識慕恋之心日遠日忘乞敕司空鑒征西亮苻泐舟江沔首尾齊奉

集

覽

龜茲注見漢光武建武二十二年鄯善注見漢武帝元鼎二年姑臧注見漢光武建武十二年征西亮謂

庾亮也曾為征西將軍

質實

秦雍二州名秦注見漢光武建武元年雍注見漢獻帝建安十二年

書法

駿自嗣立嘗書遣張淳上表矣於是又書上疏請北伐綱目悉書之予義也張氏四世忠晉自駿而後鮮克繼者矣

申丙

二年

趙建武二年

春正月彗星見奎婁

質實

彗星注見周顯王八年○慕

容璣討其弟仁殺之

考異

殺當作誅

璣將討仁司馬高詡曰仁叛棄君親民神共怒前此海未嘗凍自仁反以來凍者三矣天其或者欲使吾乘冰以襲之也璣從之自昌黎東踐冰而進凡三百餘里至歷林口捨輜重輕兵趣平郭去城七里候騎以告仁仁狼狽出戰璣縱兵擒之先為斬其帳下之叛者然後賜仁死

質實

昌黎縣名注見武帝太康元年平郭

二月立皇后杜氏

城名注見元帝太興四年狼狽注見漢獻帝初平三年

帝臨軒遣使備六禮逆之
群臣畢賀后預孫女也
座臨近軒陛也備六禮逆之逆迎也謂迎女也士昏
禮下達之後納采問名納吉納徵請期親迎六禮

前廷尉孔坦卒

坦疾篤庾冰省之流涕坦慨然曰大丈夫將終不問
以濟国安民之術乃為鬼女子相泣邪冰深謝之

書法

卒前官錄賢也終綱目卒前
官六而已詳安帝元初二年

趙作太武殿東西宮

趙作太武殿於襄國作東西宮於鄴皆甃以文石以漆
灌瓦金璫銀楹珠簾玉壁窮極工巧選士民之女以實
之服珠玉被綺縠者萬餘人教宮人占星氣馬步射以
女騎千人為鹵簿皆著紫綸巾執錦袴執羽儀鳴鼓吹
遊宴以自隨於是境內大旱金一斤直粟二斗百姓
然而虎用兵不息百役並興徙洛陽鍾虞九龍翁仲銅
駝飛燕於鄴又於鄴南投石於河
以作飛橋功費數千萬億竟不成

集覽

甃以文石易井
甃無咎注甃側

舊反韻會注甃結砌也金璫璫琅璫鐸也說文屋角金
鈴也以驚鳥雀杜甫大雲寺詩風動金琅璫銀楹說文
楹柱也楹之言盈盈然對立之狀鹵簿蔡邕獨斷曰天
子車駕次第謂之鹵簿每車駕將出太僕奉駕上鹵簿
於尚書炙轂子雜錄云車駕行幸羽儀雙導曰鹵簿自
秦漢始有其名後胡廣作天子出行鹵簿案字書鹵大
楯也以甲為之所以捍敵者甲楯部伍之次皆著之簿
藉凡儀衛皆具五兵而獨以甲楯為名者蓋行道之時
甲楯居外餘兵在內故但言鹵簿也其事見馮鑑所纂
續事始又五禮精義曰簿領也以大楯領一部之人故
名鹵簿又蘇鶚演義曰鹵鼓也簿部也謂鼓駕成於部
伍也此二說未善今保錄之以記異耳百姓數然說文
數然衆口愁聲數通作教荀子天下教七然若燒若焦
鍾虞秦始皇所鑄虞通作鑿注見始皇二十六年九龍
殿名三國魏明帝青龍三年復立崇華殿時有九龍見
故更名殿曰九龍通引穀水過殿前為玉井綺欄蟾蜍
含受神龍吐之翁仲三國魏明帝景初元年欲徙長
安銅人於洛陽重不可致乃大發銅鑄銅人二號曰翁
仲列坐司馬門外又銅人注見漢後主建興十五年銅
駝秦始皇所鑄銅橐駝也注見惠帝太安元年飛燕飛

三年趙建武春正月趙王虎稱趙天王

通作蜚注見漢武帝元封二年
質實 襄國郡名注見漢獻帝建安十五年

初左校令成公段作庭燎於杠末高十餘丈上盤置燎
下盤置人虎試而悅之至是文武五百餘人入上尊號
庭燎油灌下盤死者二十
集覽 庭燎小雅詩夜未央庭
餘人虎惡之腰斬成公段
於庭設大燭使諸侯早來朝也記郊特牲曰庭燎之百
由齊桓公始也注替天子也庭燎之差公蓋五十侯伯
子男皆三十天子百古制未得以聞韻會注云要以物
百枚並而纏束之今則用松葦竹灌以脂膏周札天官
關人大祭祀喪紀之事設門燎注云地燭也疏云天子
百根葦以布纏之以蜜塗之正若今之蠟燭秋官司烜
氏凡邦之大事共墳燭庭燎鄭司農云墳燭麻燭也鄭
玄謂墳大也樹於門外曰大燭於門內曰庭燎皆所以
照衆為明今俗所謂糝盆亦此義也歲時雜記云除夕
作糝燭以麻糝濃油如庭燎然案律有元日油糝之文
糝音華麻之滓也杠末杠音江爾雅杠竿也竿之
抄曰末廣韻天子杠高九仞諸侯七仞大夫三仞

立太學

目子祭酒袁瓌太常馮懷以江左淺安請興孝校帝從
之立太學徵集生徒而士大夫習尚老莊儒術終不振

集覽

習上老莊習者服行所傳之業熟復不已也尚謂
崇尚也老莊老子莊子也皆虛無之李老子姓李

名耳字伯陽一名重耳外字聃或云謚曰聃楚國苦縣
厲鄉曲仁里人也苦音怙係上声厲音賴字一作賴案

玄妙內篇云周時人李母懷胎八十一載道進李樹下
乃剖左腋而生生即皓然故號曰老子後為周守藏室

之史見周之衰去周西度閔令尹喜見之曰子將隱
矣彊為我著書老子於是著道德二篇上下經五千餘

言而去竟莫知其所以終莊子姓莊名周字子休生宋國
睢陽蒙縣號曰南華仙人嘗為蒙叅園吏與梁惠王齊

宣王同時其學無所不闕然其要本歸於老子之言著
書十餘萬言其言汪洋自恣以適已史記太史公曰老

子所貴道虛無因應變化於無為故著書辭稱
微妙難識莊子散道德放論要亦歸之自然
質實 袁

陽夏人

秋七月趙王虎殺其太子邃更立子宜為太子

考異 更字

邃素驍勇虎愛之常謂群臣曰司馬氏父子兄弟自相殘滅故使朕得至此如朕有殺阿鐵理否既而邃驕淫殘忍好粧飾美姬斬其首與賓客傳觀又烹其肉共食之虎荒耽酒色喜怒無常使邃省可尚書事請責答捶月至再三邃私謂中庶子李顏寺曰官家難稱吾欲行冒頓之事卿從我乎顏寺伏不敢對邃遂稱疾不視事佛圖澄謂虎曰陛下不宜教往東宮虎將視邃疾思澄言而還命所親信女尚書往察之邃抽劍擊之虎怒收顏寺詰問顏具言狀殺顏寺三十餘人廢邃殺太子邃小字冒頓後頭曼有愛闕氏生小子遂欲廢太子而立少子冒頓乃作鳴鏑習勒其射騎而令之曰鳴鏑所射而不悉射者斬後因從父獵以鳴鏑射殺其父遂自立為單于也冒頓**實**官家注見梁元帝承聖三年

書法

邃謀殺逆大罪也不書伏誅何咎虎也初虎使太子省可尚書事太子朝夕視君膳者也而使

與政非矣其有不合則又誚責答箒月至再三猶遂性殘虐然陷之惡者虎也綱目澄源正本故特書殺終綱目太子書殺三趙邃魏恂蜀元膺書廢殺三晉適唐太子賢太子英清河王暉梁太子大器唐陳王成美他人殺之不與焉

慕容皝自稱燕王

鎮軍長史封奕寺勸皝稱王皝從之因以奕為國相

燕稱藩于趙

燕王皝欲伐段氏以其數侵趙邊乃遣使稱藩于趙乞師討遠而請悉衆以會之趙王虎大悅厚加慰答期以

明年

趙納代王翳槐于代統那奔燕

實

代國名注見楚義帝元年

揚初

殺楊毅自稱仇池公附於趙

集覽

仇池注見惠帝元康六年

通鑑綱目卷之十九

宋高宗皇帝

建炎元年

神宗皇帝而諸公亦以會之於王京六州軍府皆歸之
無王國之於外則入以共其幾外步也心步也歸來也

資治通鑑綱目卷之十九終

王京六州軍府皆歸之

歸來也

心步也

步也

歸來也

歸來也

歸來也

歸來也

歸來也

歸來也

歸來也

歸來也

歸來也

歸來也

歸來也

